

ማርቆስ ጸፍሳንዳ ዋነታ ጮይሰን የሱስ ክርስቶስታ ክላ ኬዛ እርድንታ

ማርቆስታ ክላ ኬዛና “ኮና ሳብታ ይነኙን የሱስ ክርስቶስታ ክላ ኬዛንታ እርንዳ” ጋይነተካ ደምዴ፥ ኮ ክላ ኬዛናር የሱስ ፍክሰባብኬ ገችታ ኤራ ደቅድባብ ኤድ ክትም ማሰሶ ኬዘዴ፥ ክታ ገችታ ኤረነረ ክታ ኤሰሰንካ፥ ግምዘንከዘን ክታ ደቅድን ዋልቀንኬ ኤታ ጎመንም ነጋ ክታ ጋይነተንካ መያ ማቼ። የሱስ “ኤድንከሰም ጎመታ አይላትቸናርንካ ወችኩን ከትም ወችንተካ እስታ ሰንፔንም ቆትማ ማሰሰቶ እምካንታ እታ ዐድባብ ኤድ ይነኙቱ” ጋይነተካ ይነታ ማታርንካ ይነት ኬዘቱ።

ማርቆስታ ክላ ኬዛ የሱስ ፍክሰሶ ሰገዳን ክት ግግሳንዳ፥ የረየርከ ዋልቃ ጮጫን ጎግካ ማድንካ ክት ዳቅሳንደረ የሱስታ ቃለንዘንከ ክታ ኤሰሰንዘን ማታክናና ክት ይያዐቃን በርእስዘድን ፍክሰንከዘን ዐቁ። ሰእሰንባብ የሀንሰ ፍክሳዐቃንደትም፥ የሱስታ ሰእርንጎከ ጳጮምንጎካ ጩድካ እርድንተንም ኬዛንደታ ቡር ኖ ጸፍሰባብ ኤችና የሱስታ ኤሰሰንጎከ ክታ ፋች ፍክሰን ዳልግሰሶ ኬዘዴ። በድ ሰጩታ ቡር የሱስም ጎርሰምድባብከሰ እንድንካ ኤሰረኮ ክት አይሳንከካ የሱስም ግርድባብከሰረ ሰግሰሶ ግር የጀኬ። በእንታ የድንከሰረ የሱስዘን በእንታ ሳምንትናር ቦድምሳን ሪንከሰጎካ፥ ሰገረ ኬዘድንዳ ክታ ሮከርንጎከ ክታ ደእናርንካ አምንተንጎኬ።

ክላ ኬዛንታ በእንተዘን ኮምበንታ ዋር ሰችምሳንዳ ቃሰተንከሰ ዋልቃ ዋልቃ ማጸፍንከሳር ዐክ ዐፈረደኬ።

ማጻፍን ኮትኮታ ሙዳ የድንተና

ክላ ኬዛንታ እርንደና (1:1-13)

የሱስታ ገለላ ፍጨናር ፍክሰና (1:14—9:50)

የሩሳሌም ካተመናር ክታ ፍክሰና (10:1-52)

የሩሳሌም ካተመናርኬ ኮታ ሞረናር በእንታ ክታ ሳምንትና
(11:1—15:47)

ጮይሰታ ደእናርንካ አምና (16:1-8)

ደእናርንካ አምሰባብ ጮይሰና ይንታካርንካ
ጎርሰምድባብከሰካንታ መያ ማትንኬ ጭላር ክታ
አይንተንካ (16:9-20)

ሰእሰንባብ የሆነሰታ ሳባክና
(ማቶ. 3:1-12፤ ሉቃ. 3:1-9፤ ዮሀ. 1:19-28)

¹ ኮና ሳብታ ይንቹን የሱሰ ክርሰቶሰታ ክላ ኬዛ እርንዴ። *

² ሳብዘንካ ኤስርሶ ኬዛቅባብ ኢሰያሰካ፤

“ይና የሰታ ጎግን ኡርዝድባብ
እካንታ ክትምሰባብም የሰታ እር ኦይድቴ፤

³ ኮነረ

“ጮይሰታ ጎግን ግግሰከቴ፤

ማለካ ዐጭከቴ” ጋየሮ፤

ዴል ቆቸናር ጩክሳ ይይሶ ፍብድን ኤታ ኡፍሰ”

ጋይምሶ ጸፍምሳንግንዴ።

⁴ ኮካንታ ሰእሰንባብ የሆነሰ “የንታ ጎመንታ ነገትቸን የ
ዐፍተርንግንዳ፤ ጎማ የንታ ፍክሰን ዎይሰሰቶ ሰኤርከቴ”
ጋይንተካ ዴል ቆቸናር ጩቀሮ ዐዴ።

⁵ ይሁዳ ዋረናርንኬ የሩሳሌም ካተመናርንካ በድ ኤድንከሰ
ክደር ዐድ ዐቀኬ፤ ክታ ይንታ ጎመንም ቡጨረኮ ዮርዳኖስ
ሎቀናር ክታ እንያር ሰኤርድ ዐቀኬ።

⁶ የሆነሰታ አፍለና ግመል ጋይምድንደታ ሰጭካ ፍክሰምሳንዳ
ዐቁ፤ ይንታ ዎክጫምንመረ ሳቅካ ሶቀርድ ዐቁ፤ ክታ
እችምነረ ኤይከንኬ ባእተታ ኩር ዐቁ።

⁷ ኩነረ ጋይድ ዐቁ፤ “ክታ ጫመንታ ዞክነንደትም ይርክን
ጋይሰቶ ቡልካንታ ዎራ እታ ማዳክባብ እዘንካ እንድርይ
ሰግድባብ እሰታ ቡርጎካ ዐዴ፤

⁸ እታ የም ሎቀካ ሰእዝድቴ፤ ኖ ማቸ እያንይ ጭልንካ የም
ሰሰተሬ።”

የሱሰታ ሰእርንኬ ጸጭምንካ

(ማቶ. 3:13-17፤ 4:1-11፤ ሉቃ. 3:21-22፤ 4:1-13)

⁹ ኮታይካ የሱሰ ገሊላ ዋረናር ዐፈርድን ናዝረት
ካተመናርንካ ዐድሶ ዮርዳኖስ ሎቀናር የሆነሰታ እንናር
ሰኤርሴ።

* 1:1 ኤና እር ንከሰ ሳብታ ይንቹ ጋይድን ቃለን ጉጃዬ። 1:2 ሚል. 3:1።

1:3 ኢሳ. 40:3። 1:6 2 ባንቺ. 1:8።

10 የሆነሰረ ሳካ የሱስ ሎቀናርንካ ወተዳንግንዳ ጭላ ፎችሞድንኬ እያን ጭልነረ ዋለታ ካሞሰካ ማትሶ ክታዘን ዐንቸርድንካ ኖ ሰጄ።

11 ኮታይካ፡ “የሰካ እም ጉርሞዝድባብ፡ የሰም እ ሶልሞድባብ እሰታ ይንቸዬ” ጋይድን ኡፍሰ ጭላርንካ ዐዴ።

12 ሳካ ሳብታ እያንና የሱሰም ዴል ቆቸናር ተይ አይሴ።

13 ኮትኮ ዴል ቆቸናረረ ሰጣንካ ክክን ጳጭመሮ ቃሰተን ቦንዳ ሰጫ ዶቅሴ፡ ባቸርከረ ክክን ዐቁ፡ ክታይንችንከሰረ ክትም አሌሮ ዐቀኬ።

የሱስ ኤሰስን ገሊላር ክታ የድና

(ማቶ. 4:18-22፤ ሉቃ. 5:1-11)

14 የሆነሰረ የደርሶ ዞክና ኤሄናር አርደዳንደታ ቡር የሱስ ሳብታ ክላ ኬዘንም ሳባከሮ ገሊላ ሞረናር ዐዴ።

15 ኤሰዝደረ፡ “ደፈን ሰጤና ታ ዐቱ፡ ሳብታ ባንችሞና ና የልሳንካንታ ጎማ የንታ ፍክሰን ዋይሰከቲ! ክላ ከዘንከረ አመንከቲ!” ጋይድ ዐቁ።

የሱስ ሞላ የድባብከሰ ኦይድ ኤድን ኤልና

(ማቶ. 4:18-22፤ ሉቃ. 5:1-11)

16 ኮታ ቡር የሱስ ገሊላ ባሀርንታ ላመካ ሰገድንካ ሰምኦንከ እሰመን እንደራሰካ ሞላ የድባብከሰ ማቻን ኦል ከታ ይንታ ሞለን የድን ሳከን ባሀርናር ከት ኦይድንካ ክትም ሰዴ።

17 የሱሰረ፡ “ኮረቲ እም ጎርሰምከቲ፡ ሞለን የ የድንደትግንዳ ሙዳ ኤድንከሰመረ እካንታ የ ሳንሰተርንግንዳ የም ይድቲ” ክትም ጋይሴ።

18 ከተረ ሳካ ሞለን የደርድን ሳከንም ዛቅሰኮ ክትም ጎርሰምሰኬ።

19 ኮታዘንከረ ቶክም ኦሰ ይ ሰገዳንግንዳ፡ ኡብ ቃሰተን እሰመንምከ ካንሰምከ ሰዴ፡ ከተረ ዛብዶሰታ ይንች ያይቆብኬ የሆነሰካ ዐቀኬ፡ ከተረ ሎቀዘንካ ቃልዝድን ጃልበንዘን ማትሰኮ ሞለን የድን ሳከን ይንታ ኡርሰሮ ዐቀኬ።

20 የሱስ ሳነካ ከትም ኤልሴ፥ ከተረ ይንታ ባቤን ዛብደሰምንከ ክታ ፍክሰንባብከሰካ ክክን ሎቀንዘንካ ቃልዘድን ጆልበንዘን ክትም ዛቅሰኮ የሱስም ጎርሰምሰኬ።

ዳቅል አያን ክታዘን ዶቅድባብ ኤችንታ እቅንተና
(ሉቃ. 4:31-37)

21 ኮታዘንከረ ሰግሶ ቅፍራናሆም ካተመናር የልሰኬ፥ ሳነካ ዐደፉን አይሁድንከሰታ ዐደሰ ሰጤንካ የሱስ አይሁድንከሰታ ምክሰ ኤሄናር አርድሶ ኤሰሰ የጄ። †

22 የሱስ ሙሴታ ህግን ኤሰዘድባብከሰግንዳ ማታክዶቆ ገችንታ ኤረንባብከሰግንዳ ኤሰዘድዮ ክት ዐደፉንካ ኤሰርሰባብከሰ ሙደና ክታ ኤሰሰንካ በርእሰኬ።

23 ዋልቃ ዳቅል አያን ክታዘን ዶቅድባብ ክታ ምክሰ ኤሄናር ዋልቃ ኤች ኩንጋየሮ ፍፍሴ።

24 “ናዘረትንክባብ የሱሰዮ፥ የሰተኬ ዋንተካ ክክን ዐራ ዶቅዳ? ዋም ካይሰካንተሰ ዐዶ? የሰ ዐይማቸረ እታ ኤዘድቱ፥ የና ሳብካንታ ፋሰምሰባበዬ።”

25 የሱሰረ ዳቅል አያንንም “ጫምን ጋይሰዮ ክታዘንካ ዉትካ!” ጋይሶ ዋጮ።

26 ዳቅል አያንነረ ኤችን ባልት ዛቅሶ ክትም ጭእሳንደታ ቡር እንድርይ ኡፍሰካ ፍፈሮ ክታዘንካ ዉተዴ።

27 “ኮና ዐራ? ዐራግንዳ ክላ ኤሰሰሬ? ዳቅል አያንንከሰም ዋራ ይንታ ገችንታ ኤረንካ ክዴ፥ ከተረ ክትካንታ ክትምደኬ” ጋየረኮ ሙደና በርእካ ክክ ክክ ኦይሰም የጀኬ።

28 ሳነካ፥ የሱሰታ ፍክሰና ገሊላ ሞረናር ዶቅድን ፍጫ ሙደናር ኤሰምሴ።

የሱስ በድ ዐዘርሰባብከሰም ፋችና
(ማፍ. 8:14-17፤ ሉቃ. 4:38-44)

29 ኮታይካ የሱስ አይሁድንከሰታ ምክሰ ኤሄናርንካ ዉትሶ ያይቆብኬ ዮሀንስካ ክክን ሰምኦንተኬ እንደርያሰታ ኤሪ አርደዴ።

30 ኤሄንታ ዋር፥ ሰምኦንታ በይሰተና ዘና ሶል ዐዘምካ ሰቀርሶ ራትሶዐቱ፥ ኮታ ዐዘርንመረ ሳነካ የሱሰካንታ ኬዘኬ።

31 የሱሰረ ኮደር ዐድሶ ኮታ እንንም የድሶ አምሴ፥ ዘና ሶልነረ ሳነካ ኮትም ዛቅሴ፥ ናየረ አምሶ ከትም ሞክሴ።

† 1:21 መኩራብ ጋይንትና አይሁድንከሰታ ምክሰ ኤሄ።

32 ዐይና አርድሶ ፍጨና ሶይድንካ ኤድንከሰ ሰቀርሰባብከሰምከ ግምዘካ የደርሰባብከሰም ሙዳ የሱሰደር ተይ ዐይኬ።

33 ካተመናር ኤድንከሰ ሙዳ ማልንዘን ሳንሶ ዐቀኬ።

34 የሱሰ ዐክ ዐክ ሰቅምካ ማጠርድባብ በድ ኤድንከሰም ፋችሴ፤ በድ ግምዘንከሰመረ ወችሴ፤ ግምዘንከሰረ የሱሰ ዐይ ክት ማቸረ ኤዘድዮ ከትዐቃንካንታ፤ የሱሰ ክት ኬዘድንግንዳ ከትካንታ ጋያክዬ።

የሱሰ ገሊላር ዶቅድን አብ ሞረንከሳር ክላ ኬዘንም ሳባክና (ሉቃ. 4:42-43)

35 ሰጭካንታ ይድንካ፤ የሱሰ ሰጭመንታ ዋር አምሶ ምክሰካንታ ዋልቃ ዐርጉ ጋይሳን ካርዘን አይሴ።

36 ሰምኦንከ ክትካ ክክን ዐቅባብከሰ ክትም ዝግመት ወትሰኮ አይሰኬ።

37 ክትም ከታ ይ ዐፍሳንደትካ፤ “ኤድንከሰ ሙዳ የሰም ዝግደኬ” ክደር ጋይሰኬ።

38 የሱሰረ፤ “እ ዐፍንዳ ኤሰሰካንታ ማቻንኦል ክላ ኬዘንም እ ኤሰዘድንግንዳ አብ ዶቅድን ሞረንከሳር ዋም ሙከቴ!” ከትም ጋይሴ።

39 ኮካንታ አይሁድንከሰታ ምክሰ ኤሄናር ሳባከር ግምዘንም ወቸር ገሊላ ሞረናር ሙዳ ኦንግድ ዐቁ።

የሱሰ እጳ ሰቅምንክባብ ኤችን ፋችና

(ማቶ. 8:1-4፤ ሉቃ. 5:12-16)

40 ዋልቃ ጳሰዘድን እጳ ሰቅምንክባብ የሱሰደር ዐይሶ ክታ ዲትያር ጉምፈርሶ፤ “የሰ እም ሶልምዴ እም ፋችካንታ ማደዬ” ጋየር ምክሴ። †

41 የሱሰረ ኤችንካንታ አጨርሶ ይንታ አንን ኦይትሶ ክትም ዐጫር፤ “ኡራባብ የሰም ጋይትቴ፤ ኡርካ” ክትም ጋይሴ።

42 ኤችነረ ሳነካ እጳ ሰቅምናርንካ ኡርሴ።

43 የሱሰ ኤችንም ኡርሰት ካርሰምካ ጋይሶ ክትም ኦይቼ፤

44 “ኮም ርን ዐየሰንካንተረ የሰ ኬዘዳክንግንዳ የሰታ ማታ ካርሰምካ፤ ኬዛር ማቼ አይሳዮ የሰታ ማተንም ቀሰንከሰም

1:39 ማቶ. 4:23፤ 9:35። † 1:40 እጳ ሰቅምና ጭል ማጻፍንታ ከዘንግንዳ ኤታ ዘነንዘን ዐረፈድንዳ ዐክ ዐክ ዋልቃባብዘንካ ዋልቃባብም የድንዳ እጳታ ሰቅምም ሙደን እነረ ጭልማይባብከ ኤድዘንከረ ጎተርዘድንደትም ሰጅዴ።

ገችዝድባብደር ሰችሰካ፤ ዋርሰንካንተረ ማርካ ማድንግንዳ የሰታ አቅንተንካ ሙሳ ክትሳንደትም ካሰን እምካ” ጋይሶ ክትሴ።

⁴⁵ ማታጋካ ዳት ኤችና ኮታርንካ ዉትሶ ኮትኮርን ሙዳ ይምሳንደትም ኤድ ሙደንካንታ ኬዛ የጃ። ኮትኮንከረ የሱሰ ዐጸም ካተመናረረ መየካ እርድካንታ ማታክዬ። ኬዛርንካ ማቼ ካተመናርንካ ኦሰ ኤድ ካየን ካርናር ዶቅድ ዐቁ፤ ማችንከረ ኤድንከሰ ዐክ ዐክ ካርናርንካ ክደር ዐደደዐቀኬ።

2

የሱሰ ዋብ ኤችንም ፋችና

(ማቶ. 9:2-8፤ ሉቃ. 5:18-26)

¹ ቶክም ሰጨታ ቡር የሱሰ ቅፍራናሆም ካተመናር ማትሶ ዐደ፤ ኮታር ኤሄንታ ዋር ክታ ዶቅንተና ዋርሰንደር ኤሰምሴ።

² ኤሄና ማዳክንዳ ማችንካ ማልና ዋራ ኤንምተርን የለልታ በድ ኤድንከሰ ሳንሰኬ፤ ሳብታ ቃለንመረ ከትካንታ ኤሰዘድ ዐቀኬ።

³ ኮታይካ ኦይድ ኤድንከሰ ዋልቃ ዋብ ኤችንም ባልሰኮ ክደር ዐደኬ።

⁴ ዋርሰንታ በድምንዘንካ እምሳንዳ ኤች ዋብንም የሱሰደር ተይ ዐድ ከትም ጋምሰንካ ኤሄንታ የለንም የሱሰ ዶቅድንካ እምሰሶ ዋብንም ክታ ዐቸንካ ክክን ዐንችሰኬ።

⁵ የሱሰረ ከታ እሜንንም ሰድሶ ዋብንም “የና ይንችኖ የሰታ ጎመና የሰካንታ ነጋ ጋይምቴ” ክትም ጋይሴ።

⁶ ኮታር ዶቅሶ ዐቅባብ ዋልቃ ዋልቃ ሙሴታ ህግን ኤሰዘድባብከሰ ከታ ይንታ ቡዳር ኩን ጋይሰኬ፤

⁷ “ኮና ኤችና ኮግንዳ የክን ሳብዘን ዐረተክ ከዘዳ? ዋልቃ ሳብ ክታዘንካ ጎመንም ነጋ ጋይካንታ ማድባብ ዐይራ?”

⁸ ሳነካ የሱሰ ኮም ከታ ቡደንታ ገቅርን ይንታ እያንካ ኤሰሶ ኩን ከትም ጋይሴ፤ “ዐረተንት የንታ ቡደናር ኮም ገቅርዳ?

⁹ ዋብንም፤ ‘የሰታ ጎመና የሰካንታ ነጋ ጋይምቴ’ ጋይንታዘንኬ፤ ‘እምሳኖ የሰታ ዐቸንም ባልሳኖ አይካ!’ ጋይንታዘንካ ዐጸምና ኤርዳ?

10 ኬዛርንካ ማቸ ኤደት ይንቶ ፍጨዘን ጎመንም ነጋ ጋይካነታ ገችታ ኤራ ዶቅድባብ ማትነተን የ ኤስተርንግንዳ” ጋይሶ ዋብንም፡

11 “እምካ፡ የሰታ ዐቸን ባልሰንደትከ የሰታ ኤር አይካ የሰም ጋይድቲ” ጋይሴ።

12 ዋብነረ ሳነካ እምሰንደትከ ይነታ ዐቸንም ባልሶ ኤድንከሰ ሙደና ሰድንካ ዉተዴ። ኮካነተረ ኤድንከሰረ ሙዳ በርእሱ ኮግንዳ ር ቦድሶ ሰት ኤዘዳኮቲ ጋየረኮ ሳብም ጋለቸኬ።

የሱሰ ለዊም ኤልና

(ማቶ. 9:9-13፤ ሉቃ. 5:27-32)

13 የሱሰረ አናካርንካ ኦስ ገሊላ ባሀርንታ ላማር አይሴ፡ ዋርሰነረ ሙዳ ሳንምሰኮ ክደር ዐቸንካ ኖ ከትም ኤሰሴ።

14 ኮትከረ ክት ሰገድንካ ቃረጭን ተችዘድን ካርዘን ዶቅሶ ዐቸባብም እልፎሰታ ይንቶን ለዊም ሰድሶ፡ “እም ጎርሰምካ” ጋይሴ፡ ኖየረ አምሶ ክትም ጎርሰምሴ።

15 ኮታ ቡር የሱሰ ለዊታ ኤሪ እችምካነታ ዶቅሴ፡ በድ ኤድንከሰረ ክትም ጎርሰምሳንጎካ ከታርንከረ በድ ቃረጭን ተችዘድባብከሰ፡ ጎመንባብከሰ፡ የሱሰኬ ክታ ካርንካ ጎርሰምድባብከሰካ ክክን እችምንደር ዶቅተኬ።

16 ፈረሳዊያንንከሰታ ኮች ማችባብ ሙሴታ ህግን ኤሰንባብከሰ የሱሰ ቃረጭን ተችዘድባብከሰኬ ጎመንባብከሰካ ክክን ክት እጅድንካ ሰድሰኮ “ቃረጭን ተችዘድባብከሰኬ ጎመንባብከሰካ ክክን ክት እጅድንደትኬ ዋጭድንዳ ዐረተረ?” ጋይነተካ ክታ ካርንካ ጎርሰምድባብከሰም ኦይሰኬ።

17 የሱሰረ ኮም ኤሰርሶ፡ “ሰቀርሰባብከሰም ዳት ኡርመንከሰም አክም ዝክሳዬ፡ እተረ እ ዐጻንደና ጭልንባብከሰም ማታክናና ጎመንባብከሰም ይነታ ጎመን ከት ዋይዘድንግንዳ ኤልካነቲ”፡ ከትም ጋይሴ።

በቼካ ምክሰንካ ኦይሰርሳንዳ ኦይሰ

(ማቶ. 9:14-17፤ ሉቃ. 5:33-38)

18 ዮሀንስታ ካርንካ ጎርሰምድባብከሰከ ፈረሳዊያንንከሰ በቼካ ምግዝድዮ ዐቀኬ። ዋልቃ ዋልቃ ኤድንከሰ የሱሰደር ዐቸሰኮ፡ “ዮሀንስተከ ፋርሳንከሰታ ካርንካ ጎርሰምድባብከሰ

በቼካ ምግዝደኬ፥ የሰታ ካርንካ ጎርሰምድባብከሰ ማቼ በቼካ ምግዝዳክንዳ ዐረተፊ?” ጋይሰኬ።

19 የሱሰረ “እንቸንባብና ከትካ ክክን ዶቅድንካ ካርንካ ዐድባብከሰ በቼካ ዶቅደኮ? ኩን ካዬ! እንቸንባብ ከትካ ክክን ዶቅድንካ በቼካ ዶቅ ከትም ዝክሳዬ።

20 ኬዛር ማቼ እንቸንባብ ከታዘንካ ፋሰምድን ሰጫ ዐዴ፥ ኮትዐይካ በቼካ ምክሰተረኬ።

21 “ገሳ አፍለንታዘን ክላ አፍላ ዐእስትዮ ዛግድባብ ዐየረ ካዬ። ኮና ይይምሳን ማቼ፥ ክላ አፍለንታ ዐእስምና ገሳ አፍለን ፎእዴ፥ ዐእምነረ እርንደትዘንካ ሰግዳንዳ ማዴ።

22 ኮትኮግንደረ ወይን ወጭምን የድን ገሰርሳን ሱልፈንታ ዋር ኡሳክን ወይን ወጭምን ወድባብ ካዬ፥ ኮና ይይምሳን ማቼ ወይን ወጭምና ሱልፈንም ፋእዝዴ፥ ወይን ወጭምነረ ዉልእምዴ፥ ሱልፈነረ መይዳክንዳ ማዴ። ኮካንታ ኡሳክን ወይን ወጭምንካንታ ክላ ሱልፋ ዝግዝዴ”፥ ከትም ጋይሰ።

እይሁድንታ ዐዉስ ሰጩንታ ኦይሰምሳን ኦይሰ
(ማቶ. 12:1-8፤ ሉቃ. 6:1-5)

23 እይሁድንታ ዐዉስ ሰጩንካ የሱሰ ዘርግ ትሰንታ ዎክካ እይድንካ፥ ክታ ካርንካ ጎርሰምድባብከሰ እይደኮ ዘርግ ትሰንም ታክሰ የጀኬ።

24 ፈርሳዊያንንከሰረ “ይና፥ የሰታ ካርንካ ጎርሰምድባብከሰ እይሁድንታ ዐዉስ ሰጩንካ ጋይማክንደትም ዐረተክ ይዳ?” ጋየረኮ ክትም ኦይሰኬ።

25 የሱሰረ፥ “ዳዊት ይንካ ክክን ዶቅድባብከሰካ ዳቀርሳንደትዐይኬ ማጠርሳንዐይካ ዐራ ክት ይሳናነረ የታ ናበባከቲ? ኩን ከደር ጋይሰ።

26 አብያታር ቀሰንከሰም ገቛዝድባብ ማትሶ ክት ዐቃን ሰለናር ኖ ዳውት ሳብታ ኤሄናር አርድሶ፥ ቄሰንከዘንካ አብንከሰካንታ እቓማ ጋይማክንደትም፥ ሳብካንታ ጋይሶ ፋሰርሳን ካሰ እቓምን እቼ፥ ክትከረ ክክን ዶቅድን ኤድንከሰካንተረ እምሴ”።

27 ጉጅሰረ የሱሰ “እይሁድንከሰታ ዐዉስ ሰጩና ኤድ ካንታ ፍዝምሳዳት ኤድ ዐዉስ ሰጩንካንታ ፍዝማክዬ፥

28 ኮትኮግንደረ ኤድ ይንቶ አይሁድንታ ዐጢስ ሰጩንዘን ጮይሰዬ። ኩንጋየር ከትካንታ ማሰሴ።

3

የሱስ እን ዋብ ኤችን ፋችና

(ማቶ. 12:9-14፤ ሉቃ. 6:6-11)

1 የሱስ ካርንካ አይሁድንከሰታ ሞክሰ ኤሄናር አርደዳ፥ ኮታረረ ዋልቃ እን ዋብ ኤች ዐቀ።

2 የሱሰም ካሰሰካንታ ዝግዝን ኤድንከሰ፡ “ይና አይሁድንታ ዐጢስ ሰጩንካ ክትም ፋጅድንዳ ማቸ ዋሰዳ!” ጋይሰኮ ክትም ካርዘድ ዐቀኬ።

3 የሱሰረ እን ዋብ ኤችንም፡ “ኮሬ ከታ ዋክናር ዐድሶ ዋእካ” ክትም ጋይሴ።

4 ኮተረ ቡር “የለቴ ዐጢስ ሰጩንካ ይማባብ ጋይምሳንዳ ኤርማ ይይንቶ እና ዳቅል ይይንቶ? ሰንፔም አቅሰዮ እና ካይሰዮ?” ጋይሶ ክትም ኦይሴ። ከታ ማቼ ጫምን ጋይሰኬ።

5 የሱሰረ ከታ ቡደንታ ዳቅንተንጎካ ሞርእሶ ይንታ ካንተንካ ደቅድባብከሰም ዋጭ እፍካ ሰድሶ ኤችንም፡ “የሰታ እንንም ፍእሰካ” ክትም ጋይሴ። ኖየረ ይንታ እንንም ክት ፍእዘድንካ እንና ኤርሴ።

6 ሳነካ ፈረሳዊያንንከሰ ዉትሰኮ ዐስግንዳ ይሰኮ የሱሰም ከታ ይ ካይሰተርንደትም ሄረደሰታ ገቅርን ማታ ጋይድባብ ኤድንከሰካ ክክን ዘርምሰኬ።

ዋርሰና ባሀርንታ ላማር የሱሰደር ከታ ሳንምና

(ማቶ. 12:15-16፤ ሉቃ. 6:17-19)

7 የሱስ ይንታካርንካ ጎርሰምድባብከሰካ ክክን ካርንኮትም ዛቅሶ ገሊላ ባሃርንደር አይሴ። ገሊላ ሞረናርንካ በድ ኤድንከሰ ክትም ጎርሰምሰኬ።

8 ክት ይድ ዐቃንደትመረ ርን ሙዳ ኤሰርሰኮ በድ ኤድንከሰ ክደር ዐድዐቀኬ፡ ከተረ ገሊላርንካ ይሁዳርንካ፡ የሩሳሌማርንካ፡ ኤዶማርንካ፡ ዮርዳኖስ ሎቀንታ ፋማ ደቅድን ሞረናርንካ፡ ኮትኮግንደረ ጢሮሳርንኬ ሲዶና ካተመንከሳርንካ ዐድባብከሰ ደቅደኬ።

9 ዋርሰንታ በድምንዘንካ አምሳንዳ ኤድንከሰ ክትም ኤንኤርዘዳክንግንዳ ሎቀዘንካ ቃልዘድን ጃልባ ግክሰሰኮ

ክትካንታ ከት እምድንግንዳ ይንታ ካርንካ ጎርሰምድባብከሰም ክትሴ።

¹⁰ በድ ኤድንከሰም ሰቅምናርንካ ፋችሳንካንታ ዐዝምካ ማጠርድባብ ሙደና ከታ ይንታ እንካ ክትም ዋልካንታ ዝግሰኮ፥ ክትም ማእዘድ ዐቀኬ።

¹¹ ዳቅል እያንንከሰረ ክትም ሰድሰኮ ክታ እር ዋቸረኮ፥ “የና ሳብታ ይንቸዬ!” ጋየረኮ ፍብድ ዐቀኬ።

¹² የሱሰ ማቼ ይ ዐይናሪ ከት መያ ማሳይንግንዳ ዳቅሰሶ ከትም ዋጩ።

የሱሰ ታመኬ ቃሰተን ኦይትምሰባብከሰም እድና

(ማቶ. 10:1-4፤ ሉቃ. 6:12-16)

¹³ የሱሰ ገቸንዘን ወተዳንዐይካ ከትከን ይዝግዘባብከሰም ይንደር ኤልሴ፥ ከተረ ይንካ ዶቅድባብከሰም ዛቅሰኮ ክደር ዐደኬ።

¹⁴ የሱሰካ ክክን ከት ማድንግንዳ፥ ኤሰሰካንተረ ከትም ኦይድንግንዳ ታመከ ቃሰተንን እድሶ “ኦይትምሰባብከሰ” ጋይሶ ከትም ኤልሴ።

¹⁵ ግምዘንም ከት ወጅድንግንደረ ገችታ ኤራ ከትካንታ እምሴ።

¹⁶ እድምሰባብከሰረ ታመከ ቃሰተን ኦይትምሰባብከሰና ኬናከሰኬ፥ ጴጥሮስ ጋይሶ ክት ኤልሰባብ ሰምኦን፥

¹⁷ ቦኤናርገሰ እነረ ጉግንታ ይንችንከሰ ጋይሶ ክት ኤልሰባብከሰ፥ ዛብዶሰታ ይንችንከሰ ያይቆበኬ እሰመን ዮሀንሳካ፥

¹⁸ እንደርያሰ፥ ፍልጶሰ፥ በርተሎመዎሰ፥ ማቶሰ፥ ቶማሰ፥ እልፎሰታ ይንች ያይቆብ፥ ታድዮስ ይንታ ፍጨንካንታ ገቀርድባብ ሰምኦን፥ *

¹⁹ የሱሰም ሰክሰት እምሰባበረ እሰቆሮንት ካተመናርንክንባብ ይሁዴ።

የሱሰኬ ብኤልዘቡልካ

(ማቶ. 12:22-32፤ ሉቃ. 11:14-23፤ 12:10)

3:9 ማር. 4:1፤ ሉቃ. 5:13። * 3:18 ቀምሰንባብ ጋይንት ዋልቃ ፎለትካ ፍክሰንባብከሳርንካ ና ዋልቀነ ጋይድባብከሰ ዶቅደኬ።

20 ኮታ ቡር የሱስ ማት ኤሄን ኮታር አርደዱ። የሱስኬ ክታ ካርንካ ጎርሰምድባብከስ እችም እችካንታ ዋራ ከትም ጋምተርን የለልታ አናካርንካ በድንከስ ሳንምሰኬ።

21 “የሱስ ኤይቲ” ጋይምድንካ ኤስርሶኮ ክታ ሱስንከስ ክትም የድካንታ ክደር ዐደኬ።

22 የሩሳለማርንካ ዐድባብከስ ሙሴታ ህግንም ኤስዝድባብከስ፡ “ክታዘን ብኤልዘቡል ዶቅዴ! ግምዘንመረ ክት ወጅድንዳ ግምዘን ክድባብ ብኤልዘቡልነኬ!” ጋየረኮ ኬዘኬ።

23 የሱስረ ዋርሰንም ይንደር ኤልሶ ካምሰካ ኩን ጋይሴ፡ “ሰጣን ሰጣንም ዐስግንድክ ወችካንታ ማዳ።

24 ዋልቃ ባንችና ፋሰምሰኮ ክክ ክክ ዋጭምድንዳ ማቼ ኮና ባንችና ዳቅሶ ዋእካንታ ማታዬ።

25 ኮትኮግንደረ ዋልቃ ኤሀኤድ ክክ ክክ ፋሰምሴ ዳቅሶ ዋእካንታ ማታዬ።

26 ኮካንታ ሰጣን ይንታ ማተንም ይ ግርደኬ ክክ ክክን ከት ፋሰምሴ ካይደክ ዳት ዶቅካንታ ማታዬ።

27 “ኮትኮግንደረ ዋልቃ ዋልቀክንባብ ኤችታ ኤር አርድሶ እርናና ዋልቀክንባብ ኤችንም ዞካክዶቆ ክታ ርን ቡራካንታ ማድባብ ካዬ።

28 “ዶፊን የም ጋይድቲ፡ ኤድንከስ ከት ፍግዝድንዳ ጎመንኬ ከትየግድን የክና ሙዳ ከትካንታ ነጋ ጋይምተሬ።

29 ኬዛር ማቼ ኢያን ጭልንዘን የግድባብ ሙደንዘን ሰለንክንደታ ባዛ ክታዘን ማተረ ዳት ቦድሶ ክታ ጎመና ነጋ ክትካንታ ጋይምዳክዬ።”

30 የሱስ ኮም ክት ከዛንዳ፡ “ቲና ኢያን ክታዘን ዶቅዴ” ከት ገይሳንካንቲ።

የሱስታ እንደንኬ እሰመንከስ

(ማቶ. 12:46-50፤ ሉቃ. 8:19-21)

31 የሱስታ እንደንኬ ክታ እሰመንከስካ ክደር ዐደኬ፡ ማልጎካ ዋእሰኮ ክደር ኤድ ኦይትሰኮ ኤልሰሰኬ።

32 ክታ ካንተካ ዶቅሶ ዐቅባብ ኤድንከስ፡ “ኮሰቼ! የሰታ እንደንኬ የሰታ እሰመንከስ ማል ዋእሰኮ የሰም ዝግደኬ” ገይሰኮ ክትም ኬዘኬ።

33 የሱሰረ “ና እስታ እንደና ዐይፌ? እስታ እስመንከሰና ዐይክሰረ?” ጋየሮ ማሰሴ።

34 ይንታ ካንተንካ ዶቅሶ ዐቅባብከዝደር ሰደሮ “ኮሰቸቴ! እስታ እንደንኬ እስታ እስመንከሰና ኬናከሰኬ!

35 ሳብታ ጋይተን ቦድባብ ሙደና፣ ኖ እስታ እስመነረ፣ እስታ ሞቹነነረ፣ እስታ እንደነረ ከቴ” ጋይሴ።

4

ማሰንታ ካምሰንከሰ

(ማፍ. 13:10-17፤ ሉቃ. 8:4-8)

1 የሱስ እናካርንካ ባህርንታ ላማር ኤሰሰን የጄ። አንድር በድ ኤድንከሰረ ክደር ዐይሱኮ ከታ ሳንንተንካ ኖ ባህርንከን ዶቅድን ጃልባ ገየርድንደታር አርድሶ ዶቅሴ፣ ዋርሰነረ ሙዳ ባህርንታ ካንተከን ዐቁ።

2 በድ ሪንከሰመረ ካምሰካ ከትም ኤሰይሴ፣ ኤሰዝደረ ኩን ከትም ገይሴ።

3 “ኤሰርከቴ! ይና፣ ዋንንባብና ማሰንም ማሰካንታ ወተዴ፣

4 ክት ማዝድንካ ዋልቃ ዋልቃ ማሰና ጎግንታ ካንተከን ዋቹ፣ አፍትንከሰረ ዐይሱ እቸኬ።

5 አብ ማሰና በድ ፍጫ ካየን ቦምቸከን ዋቹ፣ ፍጫ ኮታከን ካየን ኦላር ሳነካ ባቀልሴ፣

6 ማታጋካ ዳት ዐይደና ወተዳንደትካ ሱልሴ፣ በድ ጫጨረ ካየንካንታ ዋቹ።

7 አብ ማሰነረ ኡክምታ ግድያር ዋቹ፣ ኡክምነረ ጋጵሳንደትካ ጉንሳን ካንታ አፍ ኡሰክሳ ነገዴ።

8 አብ ማሰና ኡርማ ፍጨዘን ዋቹሶ ባቀልሴ፣ ባቅለነረ ጋጵሶ አፍ ኡሴ፣ ዋልቀና ቦንደከ ታማ፣ ዋልቀና ማከን ቦንዳ፣ አብነረ ዶንቅ ቦንዳ አፍ ኡሴ።”

9 ጉጅሰረ የሱሰ፣ “ኤሰርድን ቃም ዶቅድባብ ኤሰራ!” ጋይሴ።

የሱስ ዐረታ ክት ካምሰካ ኬዘር ዐቃናና

(ማፍ. 13:10-17፤ ሉቃ. 8:9-10)

10 የሱስ ይንት ክት ማቻን ዐይካ ክትም ጎርሰምድ ዐቃን ኤድንከሰኬ ታመኬ ቃሰተን ክታ ካርንካ ጎርሰምድባብከሰ ካምሰንከሰታ ቡልን ክትም ኦይሰኬ።

11 የሱሰረ፡ “የካንታ ሳብ ባንቸምንታ አቸምሳን ኤስና እምምቲ”፡ አብንከሰካንታ ማቼ ሙዳ ሪን ካምሰካ ከትካንታ ኬዝምዴ።

12 ኮነረ ማድንዳ፡

ከታ ሳብደር ማታይንካንታ

ከታ ሳመና ነጋ ጋይምዳክንግንዳ፡

ሰድን ሰደረኮ ቡዳር የዳከኬ፡

ኤስርንም ኤስረረኮ ገቀራየኬ ጋይምሳንደት ግንዴ። ኩንጋየር ማሰሴ።

ማሰንታ ካምሰንከሰታ ቡልና

(ማቶ. 13:18-23፤ ሉቃ. 8:11-15)

13 የሱሰ፡ “የመረ ኮና ካምሰና የም አርዳዮ? ኮናና፡ አብ ካምሰንከሰም ሙዳ ዐስግንደንት ኤስካንታ ማዳ?

14 ማሰንባብና ሳብታ ቃለንም ማዝዴ።

15 ቃለና ማሰምሳንደትካ ሳግንታ ካንታር ዋቻን ማሰን ሰቸዝድንዳ ቃለን ከት ኤስርሳንዐይካ ሳነካ ሰጣን ዐድሶ ከታ ቡደናር ማሰምሳን ቃለን ከታዘንካ ተይምድባብ ኤድንከሴ።

16 “ኮትኮግንደረ ቦምቻካርንዘን ማሰምሳንዳ ኮት ሰቸዝድንዳ ቃለንም ኤስርደኮ ሳና ጉርምካ ተይድ ኤድንከሰሜ፡

17 ማቸንከረ ከታ ሰጫካንታ ዳት ከታ ቡደናር ጫጭ ኦይታክየ፡ ቶክም ሰጪታ ቡር ቃለንካ ማጣ እነረ ዳይር ከታዘን የልድንካ ሳነካ ኮተርሰኮ ዋጅደኬ።

18 “ኡክምንታ ዋክናር ማሰርሳንዳ ጉጅሶ ሰቸዝድንዳ ቃለንም ኤስርድባብ ኤድንከሰሜ፡

19 ማታጋካ ዳት ኮ ፍጫሙደንታ ገቅርና፡ ቆልመታ ሶልመከ አብነረ ዉቸኩን እግርና ከታ ቡደናር አርድሶ ቃለንም ጉንእት የድንካንታ አፍ ኡሳዬ።

20 ኡርማ ፍጨንዘን ማሰርሳንዳ ማቼ ኮት ሰጅድንዳ ቃለንም ኤስርሰኮ ገቅርት ተይድባብ ኤድንከሰሜ። ኮግንደና ዋልቀና ቦንደከ ታማ፡ ዋልቀና ማከን ቦንዳ፡ ዋልቀነረ ዶንቅ ቦንዳ አፍ ኡዝዴ”።

ዘጳና ሳግድን ካርዘን ዋደርድንደታ ካምሰ

(ሉቃ. 8:16-18)

21 የሱስረ “ኤድ ዞጰን ዞጰስትዮ ዳሀ ባኬንታ ዋር ናንከረ እነረ ስለንታ ጎያር ዋዶ? ከት ዋድንዳ፥ ሳክመና **ዐፈርድንግንዳ** ዞጰን ዋደርድንካርዘን ካዮ?

22 ኮትኮግንደረ አችምሳንዳ መያማትክሳ፥ አጥምሳንደረ ኤስማክዶቆ ነጋዬ።

23 ይና ኤስርድን ቃም ዶቅድባብ ኤስራ!” ኩንጋይሴ።

24 ኮታዘንከረ የሱስ “የ ኤስርድን ሪይንካንታ ካርስምከቲ! የ ማግድን ርንካ የካንታ ማክምተሬ፥ ኮታዘንከረ ሰግዳንዳ የካንታ ጉጅምተሬ።

25 ዶቅድባብካንታ እምምተሬ፥ ካየንባብዘንካ ማቼ ና ክታ ዶቅድንዳ ቶክምና ዋራ ክታዘንካ ተይምተሬ” ከትም ገይሴ።

ጋጽድን ማስንታ ካምስ

26 ኮታዘንከረ የሱስ፥ “ሳብታ ባንችምና ፍጨዘን ማስን ማዝድባብ ኤድም ካምዴ።

27 ኤችና ሶይት ራዴ፥ ሰጩ ኖእምዴ፥ **ዐስግንዳ** ኮትናነረ ክት ኤሳክናና ባቀልዴ፥ ጋጽዴ።

28 ፍጨነረ ይንታ ማታ እርምሶ ባቅለንም፥ ኮታዘንከረ ፋጥመንም ና ሰችዝዴ፥ ኮታቡረረ ፋጥመንዘን ኡሳን እፍ **ዐፈርዴ**።

29 እፍ ኡሳንግንዳ ሰከርድንዳ ማቻንካንታ ኤችና ሳነካ ባጨንም ግግዝዴ” ኩን ጋይሴ።

ኤክና አፍታ ካምስ

(ማቶ. 13:31-34፤ ሉቃ. 13:18-19)

30 የሱስ፥ “ሳብታ ባንችምን **ዐረካ** ክክኖንት የክስተራ? እና **ዐረ** ካምስንከስኮንት መያ ማስተራ?

31 ኤክነንታ እፍ ማስንም ካምዴ፥ ና ማስምደረ ፍጨዘን ዶቅድን ማሳ ሙደንዘንካ ቶክሳንዴ።

32 ይ ማስምሳንደታ ቡር ጋጽሶ ኮራ ሙደንዘንካ ና ሰገዴ፥ ጭለንታ እፍትንከሰረ ኮታ ጎይናር ኤሀ ዋድስኮ ከታዶቅንት ካንታ ማተርን የለልታ አንድርይ እክመንከሰም ወጅዴ” ኩን ጋይሴ።

33 የሱስረ ኤድንከሰ ገቀርት ተይድንጎካ፥ ከናከሰም ካምድን ቦድ ካምስንከሰካ ይንታ ቃለንም ከትካንታ ኬዝድ **ዐቂ**።

4:21 ማቶ. 5:15፤ ሉቃ. 11:33። 4:22 ማቶ. 10:26፤ ሉቃ. 12:2።

4:24 ማቶ. 7:2፤ ሉቃ. 6:38። 4:25 ማቶ. 13:12፤ 25:29፤ ሉቃ. 19:26።

4:29 እዪ. 3:13።

34 ካምስካይሰረ ከትም ኤስሳይ ዐቁ፥ ከት ይንት ማድንካ ማቼ ሙዳ ሪም ይንታ ካርንካ ጎርሰምድባብከስካንታ ከትም እርድንግንዳ ከዝድዐቁ።

የሱስ ሎቀዘን ዘገንም ነክሰና

(ማፍ. 8:23-27፤ ሉቃ. 8:22-25)

35 ኮት ሰጩናይካ ሶይት የሱስ ይንታካርንካ ጎርሰምድባብከስም “ኦስ ባህርንታ ፋማ ዋ ቃላ” ከትም ጋይሴ።

36 ዋርሰናርንከረ ፋስምሶ ይ እርድሶ ዐቃን ሎቀንዘንካ ቃልዝድን ጀልበንካ የሱስም ተይ አይሰኬ። ኡብ ጀልበንከሰረ የካ ዐቃኬ።

37 ዛብዛንዳ ቡርበች ዘገና እምሶ ሎቀና ጀልበንታ ዋር ጮጭተርን የለልታ ቡርበችና ጀልበንም ዙብድዐቁ።

38 ኮትዐይካ የሱስ፥ ጀልበንታ ዋር ቡርንካ ቃዳ ኦልንደትም ዋድሶ ራትሶ ዐቁ፥ ክታ ካርንካ ጎርሰምድባብከስ ክትም ንግሰሰኮ “ኤስሰንባቦ! ዋ ካይድንካ የሰካንታ ኤስማዮ?” ክደር ጋይሰኬ።

39 የሱስረ ንግሶ ዘገንም ዋጩ፥ ባሃርንመሬ “ጫምን ጋይካ!” ጋይሴ፥ ዘገነረ ዛቅሴ፥ እንድር ሰምን ጋይንታ ማቼ።

40 የሱስረ፥ “ኮግንዳ የ ጳዝድንዳ ዐራካንተረ? ዐስግንዶክ እማን የንታ ካይዳራ?” ከትም ጋይሴ።

41 ከተረ እንድር ጳሰሶ፥ ክክ ክክ “ይና ዘገንከ ባህርንካ ዋራ ክትካንታ ክትምድባብ ኮና ኖ ዐይራ?” ክክ ጋይሰኬ።

5

የሱስ ዋልቃ ግምዘካ የደርሰባብ ኤችን ፋችና

(ማፍ. 8:28-34፤ ሉቃ. 8:26-39)

1 ገሊለታ ባህርን ቃልሶ ገርገሰኝን ሞረናር የልሰኬ።

2 የሱስ ሎቀንዘንካ ቃልዝድን ጀልበናርንካ ዐንቸርሳንግንዳ ዋልቃ ቱና እያንካ የደርሰባብ ኤች ሳነካ ዱክያርንካ ዉትሶ ክትካ ዐረርሴ።

3 ኮና ኤችና ዱክያር ዶቅድ ዐቁ፥ ዐየሰነረ ሳንቸለትካ ዋራ ዘክሶ ዋድካንታ ማታከኬ።

4 ቢድዐይካ ዱት ዘከርድን ሰብልኬ እን ዘከርድን ሳንቸለትካ ኖ ዘከርምድ ዐቁ፥ ኬዛር ማቼ ሳንቸለትን ታክሰርንደትኬ ዱትንታ ሰብልነረ ቁንጨር ይንዘንካ ዐልእዝድ

ዐቂ፥ ኮካንታ ክትም የድሶ ዎይሰካንታ ማድባብ ዐየሰነረ ካያ ዐቂ።

⁵ ሙዳዐይከረ ሶይትኬ ዐየካ ነጋክ ዶቆ ዱክ ካራርከ ገቸንከዘን ኦንገሮ ፍብድ ዐቂ፥ ይንታ ዘነንመረ ሰይንካ ተቐሮ ድደርዘድ ዐቂ።

⁶ ኖየረ የሱሰም ጎትካ ይ ሰጃን ግንዳ ክደር ዘደካ ዐቂሶ ይንታ ቡቀንካ ጉምፈርሶ ጎሰትሴ።

⁷ እንድር ኡፍሰከረ ፍፈሮ፥ “የና ሙደንዘንካ ሰግ ሳብንታ ይንቶ የሱሰዮ! የሰታ እንካ ክክን ዐራ ዶቅዳ? ሳብታ ላምካ የሰም ምግዝድቴ፥ ዋደ እም ዐይማእሴ!” ክትም ጋይሴ።

⁸ ኮመረ ክት ጋይሳን ጎግና፥ “የና ቱና እያንና ኮ ኤችንዘንካ ዉትካ!” ጋይሶ ክትም ክትሳንጎኬ።

⁹ የሱሰረ “የሰታ ላምና ዐይራ?” ጋይሶ ክትም ኦይሴ፥ ኖየረ “በድንከሰ ዎማቻንካንታ እሰታ ላምና ለጎኔ” ጋየሮ ክትካንታ ማሰሴ። *

¹⁰ ፍጨን ኮታርከረ ክትም ዳይዳክንግንዳ ዳቅሰሶ ክትም ምክሴ።

¹¹ ካርንኮታረረ ደንንከሰታ ካንተካ በድ ጉድምንከሰታ ዉዳ ግሰምድ ዐቂ።

¹² ኮካንታ “ዋደ እይሶቶ ጉድምንከሳር ዎ እርድንግንዳ ዎም ጋይካ” ጋይሶኮ ክትም ምክሰኬ፥

¹³ የሱሰረ ክትም እይከቴ ጋይሴ፥ ቱና እያንንከሰረ ኤችን ክታዘንካ ዉትሰኮ ጉድምንከሳር እርደደኬ፥ ዉደናር ዐቅባብከሰ ቃሰተን ሳኦ ማድባብ ጉድምንከሰ ዎረንዘንካ ታድምካ ዐንቸርሰኮ ባሀርናር ኤቅዘምሰኬ።

¹⁴ ጉድምን ግዝድባብከሰ አጥምሰኮ እይሰኬ፥ ካተመናርንኬ ካተማ ካየንካርያር ኬዘኬ፥ ኤድንከሰረ ማቻን ርን ሰድንካንታ ዋልቃ ዋልቀና ይንታ ኤርንካ ዉተደኬ፥

¹⁵ የሱሰደር ዐቂሶኮ ኖኮና ቱና እያንንካ የደርሶ ዐቅባብ ኤችንታ ቡዳ ዐቂ፥ ኤፍላ ቆበርሶ፥ ዶቅሶ ክት ዶቅድንካ ከታ ሰድሰኮ ገቅሰኬ።

¹⁶ ኮመረ እርምሶ ሰድባብ ኤድንከሰ ቱና እያንካ የደርሰባብ ኤችንኬ ጉድምንከዘን ይይምሳንደትም ሙዳ ክትካንታ ኬዘኬ።

¹⁷ ኮታይካ ፍጨን ኮታር ኤድንከሰ የሱሰ ከታ ፍጨናርንካ ዉትሶ ክት እይድንግንዳ ከታ ምክሰኬ።

* 5:9 ለጎን ጋይንትና ዳምንባብከ እነረ ከታ በድምን ሰጅዳ

18 የሱስ ሎቀንዘንካ ቃልዝድን ጃልበናር ክት እርዳዶቅድንካ ግምዘንካ የደርሰባብ ኤችና “ዋደ እ የሰታ ካርንካ ጎርሰማ!” ጋይሶ ክትም ምክሴ።

19 የሱስ ማቼ ይንታካርንካ ጎርሰምድንግንዳ ክትም ጋያክዬ፥ ኬዛር ማቼ፥ “የሰታ ኤሪ አይሳዮ ጮይሰ ዐራከካ እንድር ሪ የሰካንታ ይሳንደትምከ ዐስግንዳ የሰም አጨርሳናንከረ የሰታ ኤድንከሰካንታ ኬዝካ” ክትም ጋይሴ።

20 ኤችነረ የሱስ ክትካንታ ይሳን ሪን “ታማ ካተመንከሰ” ገይምድን ሞረንከሳር ኬዛ የጄ፥ ኤሰርሰባብከሰረ ሙደና በርእድዮዐቀኬ።

እያእርሰታ ይንችንኬ የሱሰታ አፍለን ዋልሳን ኤተና
(ማቶ. 9:18-26፤ ሉቃ. 8:40-56)

21 የሱስ ሎቀንዘንካ ቃልዝድን ጃልበንካ ባሀርንታ ፋማ እናካርንካ ክት ማቻንደትካ በድ ኤድንከሰ ክደር ሳንምሰኬ፥ ኮታይካ ኖ ባሀርንታ ላማር ዐቁ።

22 ኮታረረ አይሁድንታ ምክሰ ኤሄንታ ገችንባብከሳርንካ ዋልቃባብ ዐቁ፥ እያእርሰ ጋይምሰባብ ኤች የሱሰም ይ ሰጃንደትካ ክታ ዲትንዘን ዋችሶ

23 “ይንቸን እስታ መረና ደእካንታ የልሶ ዶቅድንኦል፥ ኮት ፋጭተርንግንደከ ሰንፔካ ኮት ዶቅተርንግንዳ ዋደ ዐድሰዮ የሰታ እንን ኮታዘን ዋድካ!” ጋየሮ ዳቅሰሶ ክትም ምክሴ።

24 የሱሰረ ክትካ የካ አይሴ፥ በድ ኤድንከሰረ ክትም ጎርሰምሰኮ ክታ ካንተንካ ኤንምሰሮ ዐቁ።

25 ታመከ ቃሰተን ሰላ ማቀሰ ዉልእምድንካ ማጠርድንዳ ዋልቃ ኤተን ዋር ዐቁ።

26 ዋልቃ እክምደርንካ አብ እክምንደር ና አየሮ በድ ማጥርሰንደትኬ ይንታ ብረንመረ ሙዳ በይሰታ ዐቁ። ኬዛር ማቼ እንድንካ ኮታዘን ጉጅመሮ አይሳዳት ዐረነረ ኮትካንታ ኡራክዬ።

27 ናየረ የሱሰታ ይተንጎካ ኤሰርሳንካንታ ጉትምድን ዋርሰንታ ዋክናር ክታ ቡርጎካ ና ዐድሶ ክታ አፍለን ዋልሴ።

28 ኮመረ ኮት ይሳንዳ፥ “ክታ አፍለን ዋራ እ ዋልሳናና አቅድቴ” ጋይድን አሜንካ ዐቁ።

29 ዉልእምድንዳ ኮታ ማቀሰነረ ሳነካ ዋእሴ፥ ዐዝምናርንከረ ኮታ አቅንተና ኮታ ዘነንዘን ኤሰምሴ

30 የሱሰረ ሳነካ ይንዘንካ ዋልቃ ወተዳንደትም ኤስሶ፡ ዋርሰንደር ዋልንጋይሶ “አፍሊን እስታ ዋልሰባብ ዐይራ?” ጋይሶ ኦይሴ።

31 ክታ ካርንካ ጎርሰምድባብከሰረ፡ “ዋርሰና ጉትመረኮ የሰም ከት ጎርሰምድንካ ሰደረዮ፡ ‘ዐይራ እም ዋልሰባብ?’ ጋይተራ?” ጋይሶኬ።

32 የሱሰረ ኮም ይሰባብ ዐይናነረ ሰድንካንታ ዋልንጋይሶ ሰጁ።

33 ኤተና ማቼ ይንዘን ይይምሳን ኤስንተካ ጳሰካ ጭጨር ክታ እሪ ና ዋችሶ ዶፈንን ሙዳ ክትካንታ ና ኬዜ።

34 የሱሰረ “እስታ ይንቸኖ፡ የሰታ አሜንና የሰም አቅስቲ፡ ኤርመካ አይካ፡ የሰታ ማጥርናርንከረ ኡክንካ” ኮትም ጋይሴ።

35 የሱሰ አክኮም ኬዘዘን ክት ዶቅድንካ፡ አይሁድንታ ምክሰ ኤሄንም ገችዝድባብታ ኤርንካ ዐድባብ ኤድንከሰ ምክሰ ኤሄንም ገችዝድባብም፡ “የሰታ ይንቸና ደእቲ፡ ይና ዐራካንተሰ ኤስሰንባብም ጋብዝዳ?” ክትም ጋይሶኬ።

36 የሱሰ ማቼ ኮም ኤሰርሶ አይሁድንታ ምክሰ ኤሄንታ ገችንባብም፡ “አሜንካ ዳት ዐይ ጳሴ!” ክትም ጋይሴ።

37 የሱሰ ጴጥሮሰኬ ያይቆብካ፡ ያይቆብተረ እሰመን ዮሀንስዘንካ ኡብ፡ ዐየሰነረ ይም ጎርሰምድንግንዳ ጋያክዬ።

38 አይሁድንታ ምክሰ ኤሄንታ ገችንባብታ ኤር ከት የልሳንደትካ የሱሰ ኤድንከሰ ቃየረኮ ኤብድንካ፡ ከት ፍብድንከረ ሰጁ።

39 ኤሄናረረ አርድሶ፡ “ኮና ሙዳ አዉልንኬ ኤፍንካ ዐረተረ? ይንቸና ራታ ዳት ና ደእክዬ” ከትም ጋይሴ።

40 ኤድንከሰረ ዐልተርካ ክታዘን ይንጨኬ፡ የሱሰ ማቼ ሙድንመረ ኤሄናርንካ ዉችሴ፡ ይንቸንንታ ባቤንም እንደንምኬ ክትከረ ክክን ዐቅባብከሰም ጎርሰሶ፡ ይንቸንና ዶቅድን ካርናር አርደዴ።

41 ኮታዘንከረ ይንቸንንታ እንን የድሶ፡ “ጣልቶ ዋእካ!” ኮትም ጋይሴ፡ ኮታ ቡልነረ “የና ይንቸኖ አምካ የሰም ጋይድቲ” ጋይንትዬ።

42 ይንቼነረ ታመኬ ቃሰቲን ሰለታ ይንቹ ና ዐቁ፡ ሳነካ አምትዮ ኦሰከ ፈንካ ኦንጋ የጄ፡ ኮነረ ማቻንደትካ ኤድንከሰ እንድር በርእሰኬ።

43 የሱስ ማቼ ኮም ርን ዐየነረ ኤዘዳክንግንዳ ከትም ዳቅሰሶ ክትሰንደትከ “ኮት እጅድንደትም እምከቲ!” ከትም ጋይሴ።

6

የሱስም ናዝረት ፍጨናር ክታዘን የልሳን ግርና

(ማቶ. 13:53-58፤ ሉቃ. 4:16-30)

1 የሱስ ኮታርንካ ዉትሶ ይንታ ፍጨናር ዐይ። ክታ ካርንካ ጎርሰምድባብከሰረ ክትም ጎርሰምሰኬ።

2 እይሁድንታ ዐዉስ ሰጨንካ ከታ ሞክሰ ኤሄናር ኤሰሰ የጃ። በድ ኤድንከሰ ኮታር ዐፈርሰኮ ክደር ኤሰርድ ዐቀኬ። ከተረ “ኮና ኤችና ኮም ሙዳ ርን ዐምንክክ ዐፍሳሬ? ዐስግንዳ ኤጫ ክትካንታ እምምሳረ? ከትከነም አተን ክት ይድንዳ ዐስግንደረ?” ጋየረኮ በርእድ ዐቀኬ።

3 ኮታዘንከረ “የለተ ፍኮና ዐቀን ዐዝድባብ ማራመታ ይንች ካዮ? ያይቆበታ። የሰታ ይሁደተኬ ሰምኦነታ እሰመና ካዮ? ክታ ሞችነከሰረ ኬና ምንካ ክክን ካየኮ?” ጋየረኮ ክትም ቶቸካ ኤሰርክሳ ነገደኬ።

4 የሱስ ማቼ። “ሳብዘንካ ኤሰርሶ ኬዘድባብ አብንከዝደር ቦንችምዴ። ይንታ ገታ ፍጨንዘን። ይንታ ሱስንከዝደርኬ ይንታ ኤሀ ኤድንከዝደር ማቼ ቶችምዴ” ጋየር ከትካንታ ማሰሴ።

5 ኮታረረ ቶክም ዐዝምባብከዝን ይንታ አንን ሞድሶ ፋችዘንካ አብ አተን ፍክሳክዬ።

6 ምርሰና አሜንክሳ ክታ ነግንካ አንድር በርእሴ። ኮተረ ቡር የሱስ ሞረንከሳር ኦንገር ኤሰዝድ ዐቁ።

ታመከ ቃሰተን ኦይትምሰባብከሰ ኤሰሰካንታ ኦይትምና

(ማቶ. 10:5-15፤ ሉቃ. 9:1-6)

7 ታሜከ ቃሰተንከሰም ይንደር ኤልሶ ቃሰተን ቃሰተን ማሰሶ ከትም ኦይቼ። ዳቅል እያንንከዘነረ ሞልቃ ከትም እምሴ።

8 ኬታ ጎግታ ጉፈዘንካ አብ ሶለረ ማታ ቦርሳ። ብረረ ይንታ ክሰናር ከት የዳክንግንዳ ክትሴ።

9 “የንታ ዲትናር ጫማ አርቶከቲ ዳት ቃሰተን ሳምዝ ዐይ ቆበረተ ከትም ጋይሴ።

10 ዐምንካርዘረ ሞልቃ ኤታ ኤሪ አርደቶ። ካርንኮትም የ ዛቅተርን የለልታ ኮታር ዶእከቲ።

11 ኤድንከስ የም ዋግዳክንካርያርከ የም ኤስርዳክን ካርዘን ሙዳ የንታ ዱትንታ ቡልንም ድንግሰሰቶ ኮታርንካ ወትሰቶ አይከቱ፤ ኮነረ ከትካንታ ኤግዘምስታ ማርካ ከታዘን ማተረ” ከትም ጋይሴ። *

12 ኦይትምሰባብከሰረ ኮታርካ ወትሰኮ፤ ኤድንከስ ሙዳ ጎማ ይንታ ፍክሰን ከት ዎይዘድንግንዳ ኤሰሰኬ።

13 በድ ግምዘንከሰመረ ወቕሰኬ፤ በድ ኤድንከሰመረ ዛይት ሳየረኮ ፋቕሰኬ።

ሰእሰንባብ የሆነሰታ ደእና

(ማቶ. 14:1-12፤ ሉቃ. 9:7-9)

14 የሱሰታ ላምና ሙደንደር ኤሰምሳን ኦል፤ ባንቕና ሄረዶስ ክትካካ ኤስርሴ። ዋልቃ ዋልቃ ኤድንከሰ፤ “ሰእሰንባብ የሆነሰ ደእያርንካ አምቱ፤ ኮካንታ ኮና ሙዳ አተና ክትካ ይይምዴ” ጋየሮ ዐቀኬ።

15 አብንከሰረ “ኤላሴ” ጋይሰኬ። ነገድባብከሰረ ጉጅሶ “ኤና እሪ ሳብዘንካ ኤስርሶ ኬዛቅባብከሳርንካ ዋልቀንግንዴ” ጋይደኮ ዐቀኬ።

16 ሄረዶስ ማቼ ኮም ሙዳ ኤስርሶ፤ “ኮና እ ክታ ባርን ተቕሰባብ የሆነሴ፤ ኮናና! ኖ ደእያርንካ አምሴ”፤ ጋይሴ።

17 ኮነረ ሄረዶስ ይንታ እሰመን ፍልጶስታ ኬነን ሄሮድያደም እንቸንካ የሆነሰም ኮትካካ የቕሶ ዘክና ኤሀር ዘክሰሶ ዐቀ።

18 የሆነሰረ ክት ዘክርሳንዳ፤ ሄረዶስም “የሰታ እሰመንታ ኬነንም የሰታ እንቸና ዝግዝድንዳ ካዬ!” ጋይድ ዐቃንአሌ።

19 ሄሮድያደረ ኮካ ይምኤርሶ የሆነሰም ደይሰሰካንታ ዝግድ ዐቀ፤ ኬዛር ማቼ ኮትካንታ ማታክዬ።

20 ሄረዶስ እርምሶ የሆነሰ ጭልምሰባብከ ሳብካንታ ፋሰምሰባብ ማትንተን ይ ኤዘድንኦል ክትም ጳሰሮ ካርዘድ ዐቀ። ሄረዶስ የሆነሰታ ኬዘንም ይ ኤስርሳንዐይካ ሙዳ ኦይምድ ዐቀ፤ ማታጋካ ዳት ጉርምካ ክትም ኤስርድ ዐቀ።

6:11 ኦይት. ፍ. 13:51።

*

6:11 ግዝንታ ክላ ጫቀንከ 1947 ሰለናር ጸፍምሳንዳ ጋማ አፈንካ ጸፍምሳንዳ ጭልና ኮዘንካ ኦሰንም ጉጅዴ፤ “ደፈን የም ጋይድቱ፤ ኮት ካተመንዘንካ ሰክሰሶ ሰዶም ካንተከ ገምራ ካንታ ሳብታ ፍርዳ ሰጨንካ ከትካንታ ቶግዴ” ኬና ኬዘና ማቼ ዐቃን ግርክንታ ኤናር ካዬ። 6:15 ማቶ. 16:11፤ ማር. 8:28፤ ሉቃ. 9:19።

6:18 ሉቃ. 3:9-20።

21 ሄረድስ ይ አጠርሳን ሰጪን ቦንቻካንታ ባንቹንታ ገቹታ ኤረንባብከሰካንታ፡ ዳምንባብከሰታዘን ዶርምሰባብከሰካንተኬ ዋልቃ ዋልቃ ኤስምሰባብ ገሊላር ዶቅድን ኤድንከሰም ሞካካንታ ግክሴ፡ ኮነረ ሄረድያዳ ክትም ዐፋካንታ ኡርማ ሰጪ ኮትካንታ ማቼ።

22 ኮካንተረ ሄረድያደታ ይንቸና ሞከርድን ኤሄናር አርድሶ ኮት ይግድንካ ሄረድሰምንኬ ክትካ ክክን እቶምንዘን ዶቅድባብከሰም ና ጉርምሴ። ባንቹነረ ይንቸን፡ “የሰ ዝግድን ዐፋምንመረ ሙዳ እም ኦይሰካ፡ እታ የሰካንታ እምትቴ” ኮደር ገይሴ።

23 “እስታ ባንቹምንተረ የከንም ዎራ ማቼ፡ እም የሰ ኦይዝድንደትም ሙዳ የሰካንታ እምድቴ!” ጋየሮ ኮትካንታ ጫቅሴ።

24 ናየረ ይንታ እንደንደር አይሶ፡ “ዐርሰ ክትም ኦይሰቴ?” ኮደር ገይሴ፡ እንደነረ “ሰእሰንባብ የሀንሰታ ቃደን እምካ፡ ገይሰኖ ክትም ኦይሰካ”፡ ኮትም ገይሴ።

25 ይንቸነረ ሳና ጭጭመትካ ባንቹንደር ማትሶ፡ “ሰእሰንባብ የሀንሰታ ቃደን ጋበትታ ዋር ታ እካንታ እምምድንግንዳ ዝግድቴ” ጋየሮ ና ኦይሴ።

26 ባንቹና ኮ ገይተንካ አንድር ሞርእሴ፡ ማታጋካ ዳት እቶምዘን ዶቅሰባብከሰታ እር ይ አርደዳን ጫቀንታ ኮት ኦይሳንደትም ማርካንታ ዘጋክዬ።

27 ኮካንታ ባንቹና ሳነካ ዋልቀን ካርሰንባብ ፖልሰን የሀንሰታ ቃደን ተቶትኖ ተይ ዐድንግንዳ ኦይቼ፡ ፖልሰነረ ዞክና ኤሄናር አይሶ የሀንሰታ ቃደን ተቼ፡

28 ተቶምሳን ቃደንመረ ጋበትታ ዋር ተይዐድሶ ይንቸንንካንታ እምሴ፡ ይንቸነረ ይንታ እንደንካንታ እምሴ።

29 የሀንሰታ ካርንካ ጎርሰምድባብከሰ ኮም ከታ ኤሰርሳንዐይካ ዐድሰኮ ለይሰንም ተይ አይሰኮ ዱክሰኬ።

የሱሰ በድ ኤድንከሰም እቶና

(ማፉ. 14:13-21፤ ሉቃ. 9:10-17፤ ዮሀ. 6:1-14)

30 ኦይትምሰባብከሰ ከታ ይ ክትምሳን ካርናርንካ ማት ዐድሰኮ የሱሰታ እር ሳንምሰኬ፡ ከታ ይ ይሳንደትምከ ኤሰሳንደትም ሙዳ ክትካንታ ኬዘኬ።

31 የሱስረ “የታ የንት ዋልቃ ዐርጉ ጋይሳን ካርዘን አይሰቶ ቶክም ዐጢስኩ”። ከትም ጋይሴ፡ ኮመረ ክት ጋይሳንዳ ዐረታ ጋይሴ ከደር ዐድባብከስ አይድባብ በድንከሰ ማቻንካንታ እችምካንታ ዋራ ሳዓት ከትካንታ ካየንካንቱ።

32 ኮካንታ ይንት ከታ ደቅካንታ ሎቀንዘንካ ቃለርድን ጀልበናር አርድሰኮ ዋልቃ ዐርጉ ጋይሳን ካርያር፡ አይሰኬ።

33 ማታጋካ ዳት ከት አይድንካ በድ ኤድንከሰ ሰድሰኮ ከትም ኤሰኬ፡ ዐክ ዐክ ካተመንከሳርንከረ ዉትሰኮ ዱትካ ዞደረኮ ከትም እርምሰኮ ከደር ሳንምሰኬ።

34 የሱስ ሎቀንዘንካ ቃልዘድን ጀልበናርንካ ዐንቸርድዮ በድ ኤድንከሰም ኖ ሰጄ፡ ግሰመንባብ ከታ ካየን ቆልግንዳ ከታ ማትንተንከረ ከትካንታ ሞርእሴ፡ በድ ሪመረ ከትም ኤሰሰ የጄ።

35 ሰጪና ሶይተር አይድንካንታ ክታካርንካ ጎርሰምድባብከሰ ክደር ዐድሰኮ ኩን ጋይሰኬ፡ “ኮና ካርና ኤድ ካየንካርዬ፡ ሰጪነረ ሶይቱ፡

36 ከት እጅድንዳ ካየንካንታ ሞረናር ደቅድን ካተመን ካየንከሳርኬ የለንከሳር አይሰኮ እችም ከት ሰንድንግንዳ ኬና ኤድንከሰም ኦይትካ” ከትም ጋይሰኬ።

37 የሱስ ማቹ፡ “ከት እጅድንደትም የታ እምከቱ” ጋየር ማሰሴ። ከተረ “ይና፡ አይሰቶ ከት እጅድንደትም ቃሰተን ጸታ ብራ ጣገረካ ሰንት እምተርቶ?” ጋይሰኬ። †

38 የሱስረ “መም ሶላ የንደር ደቅዳ? ይና አይሰቶ የ ሰድኔ”፡ ከትም ጋይሴ፡ ከተረ ሰድሰኮ “ድንቅ ሶላኬ ቃሰተን ሞለካ ደቅዴ”፡ ክደር ጋይሰኬ።

39 የሱስረ ዋርሰንም ዐክ ዐክ ፋሰሶ፡ ጮልሳን ድረዘን ከትም ደቅዘድን ግንዳ ይንታ ካርንካ ጎርሰምድባብከሰም ክትሴ።

40 ኮካንታ ዋርሰና ባንግና ጸታ እና ባንግና ቃሰተን ቦንደከ ታማ ማትሰኮ ዐክ ዐክ ፋሰምሰኮ ደቅሰኬ።

41 የሱስረ ደንቅ ሶለንምከ ቃሰተን ሞለን የድሶ፡ ፈሰ ጭላር ሰድሶ ጋለቹ፡ ሶለንም እስትዮ ኤድንከሰካንታ ከት

6:34 ፋይ. 27:17፤ 1 ባንቺ. 22:17፤ 2 ሳሙ. 18:16፤ ሕዘ. 34:5፤ ማቶ. 9:36። † 6:37 ድናር ጋይንትና ዋልቃ ሰጪታ ፍክሰባብካንታ ናከርድንዴ።

የልዝድንግንዳ ይነታ ካርንካ ጎርሰምድባብከሰካነታ እምሴ።
ኮትኮግንደረ ቃሰተን ሞላን ሙደንካነታ የልሰሴ።

42 ሙደነረ እቶሶ ሞሰኬ።

43 ክታ ካርንካ ጎርሰምድባብከሰረ ሰጣንደትም ዶከን ታመከ
ቃሰተን ጋበትካ ጮጭ ሳንሰኬ።

44 ሶሊንም እቶባብ እግነንከሰታ ፋይደና ዶንቅ ሳእ ዐቀኬ።

የሱሰ ባህርንዘን ሙከሮ ክታ አይና

(ማቶ. 14:22-33፤ ዮሀ. 6:15-21)

45 የሱሰ ሳነካ ዎርሰንም ኦይተሮ ክት ዶቅድንካ ክታ ካርንካ
ጎርሰምድባብከሰ ሎቀንዘንካ ቃልዝድን ጀልበንካ ኦሰ ፋማ
በቴሳይዳ ካተመናር ቃልሰኮ ክት እር አይድንግንዳ ክትሴ።

46 ኮታ ቡር ከታዘንካ ፋሰምሶ ምክሰካነታ ገቸንዘን ወተዴ።

47 ፍጨና ሶይድንካ ሎቀንዘንካ ቃልዝድን ጀልበና ባህርንታ
ግድያር ዶቅድንካ የሱሰ ማቼ ይነት ፍጨዘን ዐቀ።

48 ክታ ካርንካ ጎርሰምድባብከሰ ከታዘን ዞግድን ዞግንሳካ
በይካነታ ማጠርድንካ ክትም ሰጄ፤ ሶይትናርንከረ ሳክላ
ሳኦትዘንካ የድሶ ታመከ ቃሰቴን ሳዓት ዶቅድንደታር
ባህርንዘንካ ሙከሮ ከደር ዐቀ፤ ክትም ሰግሰረ አይዳ ዶቆ።

49 ኬዛር ማቼ ክታ ባህርንዘንካ ሙከሮ ክት አይድንካ
ሰድሰኮ ቡንከም ካምሰንካ ፍፍሰኬ።

50 ሙደነረ ክትም ሰዳንደትካ ገቅሰኬ።

የሱሰ ማቼ ሳነካ፡ “ዳእከቴ! እትቴ! ዐይጳሰቴ!” ክትም
ጋይሴ።

51 ኮታዘንከረ ሎቀንዘንካ ቃልዝድን ጀልበናረረ እርድሶ፤
ክትካ ክክን ክት ማቸንደትካ ዞግና ዎእሴ፤ ክታ ካርንካ
ጎርሰምድባብከሰረ እንድር በርእሰኬ።

52 ይና፡ ክታ ቡደና ገቀርክሳ ነግድንካ ሶሊንታ አተንም ገቀርት
ተይክሳ ነግሰኮ ዳት ኮና ርና ክትም በርእሰሰተራክ ዶቆ።

የሱሰ ገንሰረጥ ካተመናር ሰቅምንክንባብከሰም አቅሰና

(ማቶ. 14:34-36)

53 ባህርን ቃልሰኮ፡ ገንሰረጥ ካተመናር የልሰኬ፤ ጀልበንም
ባህርንታ ካንተዘን ወቶሰኮ ዞክሰኬ።

54 ጀልበናርንካ ክታ ይ ዐንቸርሳንግንዳ ሳነካ ኤድንከሰ
የሱሰም ኤሰኬ።

55 ከተረ ፍጨነኮታር ዘደረኮ የሱስ ዶቅድን ካርናር ሙዳ ሰቅምንባብከሰም ዐቸካ ባልትዮ ተይ ዐድ የጀኬ።

56 ክት እይሳን ካርሙደናር ሞረናርንካ፥ ካተመናርንካ፥ ካተማ ካየናርንከረ ሰቀርሰባብከሰም መለንዘን ተይ ዐደረኮ ክታ እሪ ዋድዐቀኬ፥ ክታ እፍለንታ ካንተንም ዋራ ከት ዋልድንግንዳ ክትም ሞግዘድ ዐቀኬ፥ ክትም ዋልሰባበረ ሙደና ፋጭድ ዐቀኬ።

7

ባቤነከሰታ ዋገንካ

(ማፍ. 15:1-9)

1 ፈረሳዊያንንከሰ የሩሳሌማርንካ ዐድባብከሰ ዋልቃ ዋልቃ ሙሴታ ህግንም ኤሰዝድባብከሰ የሱሰደር ዐድሰኮ ክታ ካንተንካ ሳንሰኬ።

2 የሱሰታ ካርንካ ጎርሰምድባብከሳርንካ ዋልቃ ዋልቀንከሰ እርናክን ገይንት ሰኤራክን እንካ ሶላ ከት እጅድንካ ሰደኬ።

3 ፈረሳዊያንንከሰከ ነግድን እይሁድንከሰ ጋልተንከሰታ ዋገንም ካርሰካ ከታ ይንታ እንንም ዋገንግንዳ ሰኤራክንዳ ማቼ እቻየኬ።

4 ኮግንደረ ጋበንካ ዐድሰኮ ሰኤራከክ ዶቆ እቻየኬ፥ ሶርቀን፥ ዳሄን፥ ጋይካ ኡርሰርሳንደትምኬ ሰለንም፥ ሰኤርድንደትግንዳ፥ አበረ በድ ዋግን ካርዝደኬ።

5 ኮካንታ ፈረሳዊያንንከሰ ሙሴታ ህግንም ኤሰዝድባብከሰኬ “የሰታ ካርንካ ጎርሰምድባብከሰ ጋልተንከሰታ ዋገንም ግርንተካ፥ ዐረተክ ከታ ይንታ እን ሰኤራክዶቆ ሶለንም እጅዳ?” ጋየረኮ የሱሰም ኦይሰኬ።

6 የሱሰረ “የታ ኦትረንባብከሶ!” ኢሰያሰ ቤርድዮ የኀካ፥ ኮና ዋርሰና ይንታ አፈካ ዐክ እምቦንጅደክ ዳት ቡደና እዘንካ ጎተርሳንዴ!

7 “ኤድ ፍክሳን ዋገን ሳብታ ዋገንግንዳ ማሰሰኮ ኤሰረኮ ወቕኩን እም ጎይንደኬ! ጋይሶ ክት ኬዛን ቤርና ዶፈኔ፥ ኩንጋየሮ ከትካንታ ማሰሰ።

8 “ኮካንታ የታ ሳብታ ክተን ዛቅሰቶ ኤታ ዋገንም ካርዝደቱ”።

9 ኮታዘንከረ የሱስ፡ “የንታ ዎገንም ካርሰካንታ ገየረቶ ሳብታ ክተንም ዛቅደቱ፥ ኩን ከትም ጋይሴ።

10 ሙሳ፡ ‘የሰታ ባበንምከ እንደንም ቦንቶካ፥ ጉጅሰረ ይንታ ባበንዘን እነረ እንደንዘን ዳቅልን ኬዘድባብ ዐጣነረ ደእ ክትም ዝግዝዴ’ ጋይዴ።

11 የታ ማቼ ኩን ጋይደቱ፥ ‘ዋልቃ ኤድ ይንታ ባበንካንታ እነረ ይንታ እንደንካንታ አላ ዝግዝድንካ ይ ክትም ዝግዝድንደትም ሪን ሙዳ ሳብካንታ እ እምሳንዳ እሜ’ የንደር ጋይዴ።

12 ይንታ ባበንምኬ ይንታ እንደንም አሌዘንካ ወቕ ክትም ነግዝደቱ።

13 ኮግንዳ ይተንከረ የንታ ዎገን ካርሰካንታ የ ጋይድንካ ሳብታ ቃለንም ነግዝደቱ፥ ኮትኮግንደረ ኮም ካምድንደትም በድ ሪ ይደቱ” ኩንጋየሮ ማሰሴ።

ኤድም ቱና ማዝድር

(ማቶ. 15:10-20)

14 ካርንካ ዎርሰንመረ የሱስ ይንደር ኤልሶ፡ “የታ ሙደና እም ኤሰርከቱ፥ ገቅርከቱ።

15 ኤድም ቱናማዝድንዳ፥ ኤታ ዋርንካ ወድንዳ ዳት ማልንካ ኤታ ዋር አርድንዳ ቱናማዝዳክዬ!

16 ይና ኤሰርድን ቃም ደቅድባብ ኤሰራ!” ኩን ከትካንታ ጋይሴ። *

17 የሱስ ዎርሰንም ዛቅሶ ኤሄናር ክት አርደዳንደታ ቡር ክታ ካርንካ ጎርሰምድባብከሰ ካምሰንከሰንካ ኦይሰኬ።

18 የሱሰረ ከደር፥ “የተረ ጉጅሶ ኮም ገቅራየቱ? ኤድ እቕሶ ይንታ ዋር ኤቅዝድንዳ ዐረሰነረ ኤድም ቱና ማዝዳክንደትም የም አርዳዮ?

19 ልጳርንካ ሰግሶ ማል ወዳ ዳት ቡዳር ደቃዬ” ኩንጋየሮ ማሰሴ። ኮከረ የሱስ እቕም ሙደና ኡርማ ማትንተን ኬዜ።

20 ኮታዘንከረ፥ “ኤድም ቱና ማሰዝድንዳ ኤታ ቡዳርንካ ወድን ርንከሰኬ።

21 ከተረ፥ ዳቅል ገቅር፥ ዞምባ፥ ድቢይ፥ ኤድም ደይሳ፥

22 ቤልም፥ ጭጭ፥ ዳቅል፥ ገሰ፥ አይተር ማት፥ ጨባ፥ የክ፥ ኦትራ፥ ቦስ፥ ከናከሴ።

7:10 ዉት. 20:12፤ 21:17፤ ካሪ. 20:9፤ ካሪ. 5:16። * 7:16 ዋልቃ ዋልቃ ኤና አር ንከሰ 4ይ. 16 ጉጅደኬ፥ ቃለነረ 4:23 ደቅድንደትም ካምዴ።

23 ኬና ሙደና ዳቅል ርና ኤታ ቡዳርንካ ወደኬ፥ ኤድመረ ቱናማዝዴ” ኩን ጋይሴ።

ሰሮፍንቃው ፍጨናር ኤተንንታ አሜንና

(ማቶ. 15:21-28)

24 የሱስ ኮታርንካ እምሶ ትያጥርሰ ካተመንታ ላማር ዶቅድን ሞረናር አይሴ፥ ዋልቃ ኤሀር አርድሶ ዋር ዶቅንትን ዐየሰነረ ኤሳይንግንዳ ዝግዜ፥ ማታጋካ ዳት ዋር ክታ ዶቅንተና አችምካንታ ማታክዬ።

25 ኮታ ይንቸና ዳቅል እያንካ የደርምሳንዳ ዋልቃ ኤተን የሱስካ ኤስርሶ ሳነካ ዐዳንግንዳ ክታ ዲትንዘን ና ዋቹ።

26 ኤተነረ ሰሮፍንቃውያንንከሰታ ኮች ማቻንዳ ግርክ ፍጫ ኤተን ዐቁ። ናየረ ኮታ ይንቸንንዘንካ ግምዘንም ውችዝድንግንዳ የሱስም፥ ምክሴ።

27 የሱስ ማቹ፥ “ይንችንታ እችምን ተይዮ እክሰንከሰካንታ እም ዝክሳዬ፥ ይና እርምሶ ይንችንከሰ ምሳጋካ” ኮትም ጋይሴ።

28 ናየረ ማሰሶ፥ “ገቴ የ ጮይሰዮ፥ ማችንከረ እክሰንከሰረ ጋበትንታ ጎያር ማትሶ ይንቸና እጅድንካ ዋጅድንደትም ድንግመንም እጅደኬ”፥ ጋየሮ ክትካንታ ና ማሰሴ።

29 ኮካንታ የሱስ፥ “ኮ የሰታ ኬዘንካ ግምዘና ይንችንዘንካ ወቴ፥ ይና ኮዘንካ የሰታ ኤር አይካ!” ኮትም ጋይሴ።

30 ናየረ ይንታ ኤር ኮትማቻንደትካ ኮታ ይንቸንን ዳቅል እያንና ዛቅሰንካ ሰለንዘን ኡርመካ ራትሶ ዶቅድንካ ና ሰጁ።

ቃም ኤስራይባብተኬ አፋ ኬዛይባብታ ፋጭንታ

(ማቶ. 15:29-31)

31 የሱስ ትያጥርሰ ካተመን ዛቅሶ ሰዶና ካተመንካ ዶቆ ታማ ካተማ ገየርድንደትካ ሰግሶ ገለላ ባሃርንደር ኖዐዴ

32 ኮታረረ ዋልቃ ቃም ቱንከከ አፋ አሰ ኤችም ክደር ተይ ዐደኬ፥ ይንታ አንንመረ ክታዘን ዋድንግንዳ ክትም ምክሰኬ።

33 የሱስረ ኤችንም ዋርሰናርንካ ወችትዮ ክትም ዐክ ተይ አይሰንደትከ ይንታ ግልኤንከሰም ኤችንታ ቃምንከሰታ ዋር አርችሴ፥ ኮታዘንከረ ይንታ ፈጭምነረ ፈጭምሶ ኤችንታ እድምን ዐጮ።

34 ፈሰ ጭላር ሰድሶ ቡዳርንካ ኡክነሶ “ኤፍታ!” ገይሴ፥ ኮታ ቡልነረ “ፍኦችምካ!” ጋይንትዬ።

35 ሳነካ ክታ ቃምንከሰ ፎችምሰኬ፥ አድምነረ ብልምሴ፥ ዋልቀረ ማጥርካይሳ ጭርርሳ ኬዛ የጄ።

36 የሱሰረ ኮም ርን ዐየሰንካንተረ ከት ኬዘዳክንግንዳ ኤድንከሰም ክትሴ፥ ማታጋካ ዳት፥ ከት ኬዘዳክንግንዳ ክትሳንከካ በድካ ሰክሰሶ ኬዘድ ዐቀኬ።

37 ኤሰርሰባብከሰረ ሙዳ አንድር በድ በርእካ፥ “ሙዳ ርን ኡርመካ ይሴ! ቃም ቱንንከሰ ኤሰርድንግንዳ፥ እፋ አሰንከሰ ኬዘድንግንዳ ኖ ይዴ!” ጋይሰኬ።

8

የሱሰ ኦይድ ሳኦ ማድባብ ኤድንከሰም እችሰና

(ማቶ. 15:32-39)

1 ከትኬና ሰጨንከሳር እነታ በድ ኤድንከሰ ሳንምሰኬ። ከት እጅድንደረ ካያ ዐቀ፥ ኮካንታ የሱሰ ይንታ ካርንካ ጎርሰምድባብከሰም ኤልሶ ኩን ጋይሴ።

2 “ይና ኬና ኤድንከሰ እነካ ክክን ማከን ሰጫ ዐቅተኬ፥ ዐረነረ ከት እጅድንዳ እችም ካየንካንታ ከትካንታ አጨርድቴ።

3 ኮከት ዳቀርሳንግንዳ ከትም ከታ ኤሪ እ ኦይዳ ማቼ ጎግያር ጋብደኬ፥ ኮትኮግንደረ ከታርንካ ዋልቃ ዋልቀንከሰ ጎትንካ ዐድባብከሰኬ” ከትም ጋይሴ።

4 ክታ ካርንካ ጎርሰምድባብከሰረ፥ “ይና፥ ኮ ዴል ቆቸናር ከትኬና ሙድንከሰካንታ ማድን እችም ዐብድባብ ዐይራ?” ጋይሶ ክትካንታ ማሰሴ።

5 የሱሰረ “መም ሶላ የንደር ዶቅዳ?” ጋይሶ ከትም ኦይሴ። ከተረ “ታብዛ ሶላ ዋንደር ዶቅዴ” ጋይሰኬ።

6 የሱሰረ ፍጨዘን ከት ዶቅተርንግንዳ ዋርሰንም ክትሴ፥ ታብዛ ሶለንም የድሶ ሳብም ጋለቼ፥ ዐእስትዮ ዋርሰንካንታ ከት እምድንግንዳ ይንታ ካርንካ ጎርሰምድባብከሰካንታ እምሴ፥ ከተረ ዋርሰንካንታ የልሰሴ።

7 ቶክም መራ ዋለንከሰረ ከደር ዶቅዴ፥ ሞለንከሰንከረ ሳብም ጋለቻንደታ ቡር ዋርሰንካንታ እምድንግንዳ ይንታ ካርንካ ጎርሰምድባብከሰም ክትሴ።

8 ኤድንከሰረ ሙዳ እችሰኮ ሞሰኬ፥ ሰጣንደትመረ ዶከንም ሳንሰሶ ታብዛ ጋባሰርካ ጮጮ እምሰኬ።

9 እችባብ ኤድንከሰ ኦይድ ሳኦ ማድባብ ዐቀኬ፥ የሱሰረ ከትም ኦይቼ።

10 ኮታ ቡር ይንታ ካርንካ ጎርሰምድባብከሰካ ክክን ሎቀንዘንካ ቃልዘድን ጃልበናር ኦርድሶ ዳልማኑታ ጋየርድን ፍጨናር ኣይሴ።

ቃዉተንም ሰድንካንታ ኣይሰርሳንዳ

(ማቶ. 16:1-4)

11 ፈረሳዊያንንከሰ የሱሰደር ዐድሰኮ ክትካ ክክን በርም የጀኬ። ጳጤካንተረ ገቀርሰኮ ጭላርንካ ዋልቃ ቃዉተን ክትካንታ ሰፕዝድንግንዳ ኣይሰኬ።

12 የሱሰ ይንታ ኣያንካ ኣንድር ክትካንታ ኤሰምሰንካ፡ “ኮና ኣጥርና ቃዉተን ይድንግንዳ ዐረካንትክ ዝግዳ? ዶፈንካ የም ጋይድቴ፡ ኮ ኣጥርንካንታ ዐረሰነረ ቃዉተን ኣምምዳክዬ!” ከትም ጋይሴ።

13 ኮታርንከረ ከትም ዛቅሶ ካርንካ ሎቀንዘንካ ቃልዘድን ጃልበንካ ኦሰ ፋማ ቃልሴ።

ፈረሳዊያንንከሰተኬ ሄርድሰታ ኣርሰና

(ማቶ. 16:5-12)

14 ክታ ካርንካ ጎርሰምድባብከሰ ሶላ የድን ከት ባቀርሳንካ ሎቀንዘንካ ቃልዘድን ጃልበናር ዋልቃ ሶለዘንካ ኣብ ዐረነረ ከደር ካዬ።

15 የሱሰረ “ፈረሳዊያንንከሰተኬ ሄርድሰታ ኣርሰንዘንካ ካርሰምከቴ” ጋይሶ ከትም ክትሴ።

16 ከተረ “ኮም ክታ ጋይንተና፡ ዐረንግርካ ሶላ ዋንደር ካየንካንታ ማዴ” ጋይሰኮ ክክ ክክ ከዘምሰኬ።

17 የሱሰረ ኮም ክታ ገቅርን ኤሰሶ ኩን ጋይሴ፡ “ሶላ ዋንደር ካየንካንታ ጋይሰቶ ዐረተንት ገቅርዳ? ኣክ ዐረነረ ገቅርት ተይዳክባብከ የም ዝግዝዳክባብቶ? የንታ ቡደነረ ገቅርዳክንደ?”

18 ኣፍይ የንታ ዶቅድንካ ሰዳከቴ? ቃም የንታ ዶቅድንካ ኤሰርዳከት? ዐሰግንዳ የም ኤልቅ ጋይዳክንዳ?

19 ይና ዶንቅ ሶለን ዶንቅ ሳኦ ኤድንከሰም ዐኣሰት ኣ ኣምሳን ዐይካ ሰጮንደትም መም ጋባሰርካ ጮጮንት ኣምሳሬ?” ኬተረ “ታመከ ቃሰተን ጋባሰርካ ጮጮዬ” ክደር ጋይሰኬ።

8:11 ማቶ. 12:38፤ ሉቃ. 11:16። **8:12** ሉቃ. 11:29። **8:15** ሉቃ. 12:1። **8:18** ኤር. 5:21፤ ሕዝ. 12:2፤ ማር. 4:12።

20 “ኮትግንደረ ታብዛ ሶለንም ኦይድ ሳኦ ኤድንከሰካንታ እ ዐእስት እምሳንደት ዐይካ ሰጥመንም መም ጋባስርካ ጮጬንት እምሳሬ?” ጋይሶ ከትም ጋይሴ። ኬተረ “ታብዛ ጋባስርካ ጮጭዬ” ክደር ጋይሴ።

21 የሱሰረ “ይና፥ ታ የለልታ ገቀራከቲ?” ከደረ ጋይሴ።

በቴሳይዳ ካተመናር ዋልቃ እፍይ ዝልንታ ፋጮና

22 ኮታርከረ በቴሳይዳር ከት የልሳንደትካ ኤድንከሰ ዋልቃ እፍይ ዝልን የሱሰደር ተይዐደኬ፥ ክትም ዐጭድንግንደረ የሱስም ምክሰኬ።

23 የሱሰረ እፍይ ዝልን ኤችንታ አንን የድሶ ጎርሰር ሞረናርንካ ኦስ አብ ካርዘን ዉችሴ፥ ኤችንታ አፍንከዘነረ ይንታ ፈጭምን ፈጭምሶ ይንታ አንን ክታዘን ዋድሶ “ዋልቃ ር የዝደር ዐፈርዶ?” ጋዩር ክትም ኦይሴ።

24 እፍይ ዝልነረ ጩክን ጋይሶ፥ “ይዬ ኤድንከሰ እዝደር ዐፈርደኬ፥ ማችንከረ ኤድንከሰና ዐቀም ካምሶ ኦንግድንካ ሰድቲ” ጋይሴ።

25 እናካርንከረ የሱስ ኤችንታ አፍንከዘን ይንታ አንንከሰም ዋጄ፥ ኮታይካ ኤችና ፍሰሳ ሰጄ፥ አፍና ክታ ፎችምሰንካ ሙዳ ሪም ፋሰት ሰድን የጄ።

26 ኮተረ ቡር የሱስ “ሞረናር ዐይኦርዶ”፥ ጋይሶ ክት ይንታ ኤር አይድንግንዳ ኦይቼ። *

የሱስ ሳይምሰባብ ማትንተን ጴጥሮስታ መያ ማስና
(ማቶ. 16:13-20፤ ሉቃ. 9:18-21)

27 የሱሰከ ክታካርንካ ጎርሰምድባብከሰካ ፍልጾስ ቀሳርያ ጋዩርድን ፍጨናር ዶቅድን ሞረንከሳርንካ ዉተደኬ፥ ጎግዘነረ ከትዶቅድንካ የሱስ፥ “ኤድንከሰ እም ዐይክ ጋይዳ?” ጋዩር ይንታ ካርንካ ጎርሰምድባብከሰም ኦይሴ።

28 ከተረ፥ “ዋልቃ ዋልቅንከሰ ሰእሰንባብ የሀንሴ፥ አብንከሰረ ኤላሴ፥ አብንከሰረ ሳብዘንካ ኤሰርሶ ከዛቅባብከሳርንካ ዋልቀነ የሰም ጋይደኬ” ጋዩር ክትካንታ ማሰሰኬ።

29 “የተሰ እም ዐይንት ጋይዳ?” ጋይሶ ከትም ኦይሴ። ጴጥሮስረ፥ “የና ሳይምሰባበዬ” ጋዩር ክትካንታ ማሰሰኬ።

* 8:26 ዋልቃ ዋልቃ ኤና እር ግርክ አፈንካ ጸፈርሳን ጭል ኤናር ኮትኮም ጉጅዴ፥ (ኮም ዐየሰንካንተረ ዐይከዚ) 8:28 ማር. 6:14-15፤ ሉቃ. 9:7-8። 8:29 የሀ. 6:68-69።

30 የሱሰረ፡ “ክትኅካ ሀየሰንካንተረ ከት ኬዝዳክንግንዳ” ጋይሶ ከትም ኤግዝምሴ።

የሱሰ ይነታ ደእነተኬ እምንተነታ እርምሶ ክታ ኬዘና
(ማቶ. 16:21-28፤ ሉቃ. 9:22-27)

31 የሱሰ ይነታካርንካ ጎርሰምድባብከሰም ኩንጋየሮ ኤሰሰ የጄ፡ “ኤደት ይነች በድ ማጣ ተይ ክትም ዝግዝዳ፡ ጋልተንከዚደር፡ ቀሰንከሰታ ገችሰንባብከዚደርኬ ሙሴታ ህግንም ኤሰዝድባብከዝደር ቶችምዴ፡ ደይሰምዴ፡ ማታጋካ ዳት ማከን ሰጩንታ ቡር አምዴ”።

32 ኮም ርን መየካ ከትም ኬዜ፡ ኮትኮሀይካ ጴጥሮስ ክትም ሀክ ሀርሳ ተይአይሶ ዋጭ ክትም የጄ።

33 የሱሰ ማቼ ዋልን ገይሶ ይነታካርንካ ጎርሰምድባብከሰም ሰደር ጴጥሮስም፡ “የና ሰጣን ኦሰ እዘንካ ጎተርካ! የና ኤተን ዳት ሳብትንደትም ገቀደከዬ!” ጋየሮ ክትም ዋጩ።

ክርሰቶስም ጎርሰምና ኦይሰዝድን ካሰ

(ማቶ. 10:38-39፤ 16:24-28፤ ሉቃ. 9:23-27፤ 14:25-27)

34 ኮታ ቡር የሱሰ ዋርሰንም ይነታ ካርንካ ጎርሰምድባብከሰካ ክክን ኤልሶ ኩን ከትም ጋይሴ፡ “እም ጎርሰምካንታ ሶልምድባብ ይ ዶቅሴ ይነታ ማተንም ዛቃ፡ ማዝቀልንመረ ባልሶ እሰታ ካርንካ ጎርሰማ፡

35 ይነታ ሰንፔንም አቅሰካንታ ዝግድባብ ሙደና ኮትም ካይዝዴ፡ እ ካንተኬ ክላ ኬዘንኅካ ይነታ ሰንፔንም ሰክሰት እምድባብ ማቼ ኮትም አቅዝዴ።

36 ኤድ ፍጫሙደንታ ቆልመንም ሙዳ ሀፍሴ፡ ይነታ ሰንፔንም ክት ካይሴ ሀርክ ክትም መዬ?

37 እና ኤድ ይነታ ሰንፔንካንታ ቆትማ ሀርክ ናክ እምካንታ ማዳ?

38 ኮ ቤልምንባብኬ ጎመንባብከሰታ አጥርንታ እሪ እንከ እሰታ ቃለንካ ኦሰንድባብ ሙደና እተረ ኤደት ይነች እሰታ ባቤንታ ቦንቸካ ጭል ክታይንችንካ ክክን ሀድቶ ክትካ እታ ኦሰንድቱ።”

9

1 ኮታዝንከሬ የሱስ፡ “ዶፊን የም ጋይድቴ፤ ታ ኮታር ደቅድባብከሳርንካ ዋልቃ ዋልቀንከስ ሳብታ ባንችምና አንድር ዋልቀካ ዐድንካ ከት ሰተርን የለልታ ደእዳክባብከስ ደቅደኬ” ከትም ጋይሴ።

የሱስታ ማልክንታ ኦክምና

(ማቶ. 17:1-13፤ ሉቃ. 9:28-36)

2 ላ ሰጩንታ ቡር የሱስ ጴጥሮስም፤ ያይቆበምከ የህንሰምከ ዐክ ጎርሰሶ ዋልቃ አንድር ገቸዘን ዉተዴ፤ ከታ እረረ የሱስታ ማልክና ኦክምሴ።

3 ክታ አፍለና አንድር ሮጵሴ፤ ፍጨዘን ዐየረ ሰእትዮ ጫምሰካንታ ማዳክንደትከካ የለልታ አንድር ጫምሳ ማቼ።

4 ኮታይካ ኤላሰኬ ሙሴካ መያ ማትሰኮ የሱሰካ ክክን ከት ከዝምድንካ ከትካንታ ዐፈርሰኬ።

5 ጴጥሮስረ የሱሰም፤ “ኤሰሰንባቦ! ካሪ ዋ ደቅሰሰናና ዋካንታ ኡርሜ፤ ኮካንታ ዋልቃ የሰካንታ፤ ዋልቀን ሙሴካንታ፤ ዋልቀን ኤላሰካንታ ማድን ማከን ዳልቸንከስም ዋፍክሳ” ጋይሰኬ።

6 ክታ ካርንካ ጎርሰምድባብከስ ማከንና አንድር ከታ ገቅሰኮ ዐቃንካ ጴጥሮስ ይ ኬዝድንደትም ኤሳይዐቁ።

7 ኮታዝንከረ ኡፓ ዐድሶ ከትም ሰፍሴ፤ ኡፔንተረ ዋር “እ ሶልምድን እስታ ይንችና ኖ ኮኔ! ክትም ኤሰርከቴ!” ጋይድን ኡፍሰ ኤሰምሴ።

8 ሳነከረ ዋልንጋይሰኮ ከታ ይንታ ካንተንካ ከት ሰድንካ ከትካ ክክን የሱሰዘንካ አብ ዐይመነረ ሰዳከኬ።

9 ገቸንዝንከረ ከት ዐንቸርድንካ የሱሰ፤ “ኤደት ይንች ደእናርንካ አምትርን የለልታ ኮም የ ሰጃንደትም ዐየንካንተረ ዐይከዘቴ” ጋየሮ ከትም ክትሴ።

10 ከተረ ክታ ቃለንም ይንታ ቡዳር የጀኬ፤ ማታጋካ ዳት “ኮና ደእያርንካ አምንተና ዐራ ጋይንት ማተራ?” ጋየረኮ ክክ ክክ ከዝምሰኬ።

11 ከተረ “ሙሴታ ህግንም ኤሰዝድባብከስ እርምሶ ዐድ ዝግዝድባብ ኤላሴ ዐረተክ ጋይዳ?” ጋየረኮ ክትም ኦይሰኬ።

12 የሱሰረ፡ “ኮና ገቱ፤ ኤላስ እርምሶ ዐዴ፤ ሙደንመረ ኡርዝዴ፤ ማታጋካ ዳት፤ ኤደት ይንቹ እንድር ማጣ ተይድንደትምከ ቶቶምድንደትም ጸፍምሳንዳ ዐረተረ?”

13 እታ ማቼ ኤላስ እርምሶ ዐቱ፤ ኤድንከሰረ ክትኅካ ጸፍሳንግንዳ ከታ ይ ዝግዛንደትም ሙዳ ክታዘን ይተኬ” የካንታ ጋይድቴ። ኩንጋየሮ ከትካንታ ማሰሴ።

የሱሰ ቱና እያን የጅባብ ይንቹን ፋችና

(ማቶ. 17:14-21፤ ሉቃ. 9:37-43)

14 የሱሰኬ ማከንና ክታ ካርንካ ጎርሰምድባብከሰ ነግድባብ ክታካርንካ ጎርሰምድባብከዘደር ማተኮ ከት ዐዳንደትካ በድ ኤድንከሰ ከታ ካንተካ ሳንምሰንካ ሰደኬ፤ ሙሴታ ህግንም ኤሰዘድባብከሰረ ክታ ካርንካ ጎርሰምድባብከሰካ ክክን ቤርምድ ዐቀኬ።

15 ዋርሰነረ ሙዳ የሱሰም ሰድሰኮ በርእካ ገቅሰኬ፤ ክደር ዘደካ ዐድሰኮ እን የድሰኮ አቦ ጋይሰኬ።

16 የሱሰረ “ከትካ ክክን የ በርምድንዳ ዐረካንተረ?” ጋየሮ ከትም ኦይሴ።

17 ዋርሰንታ ዋክያርንካ ዋልቀና፤ ኩንጋየሮ ማሰሴ፤ “ኤሰሰንባቦ፤ እፋ ኬዘዳክንግንዳ ይሰዘድን እያንካ የደርሰባብ እሰታ ይንቹን የዘደረ ተይዐትቴ፤

18 ክታዘን እምሳንደትካ ክትም ባልት ኦይዴ፤ እፈካ ዱብ ዐደሮ እችነረ ቅርጭዴ፤ ዘነነረ ክታ ዋቕሶ ለይሰንግንዳ ማዴ፤ ቱና እያንነረ ክታዘንካ ወቕዘድንግንዳ የሰታ ካርንካ ጎርሰምድባብከሰም ኦይሰትት ዶቆ፤ ኬዛርንካ ማቼ ከታ ወቕካንታ ማታከኬ”።

19 የሱሰረ፡ “የታ አሜንዳክን ኤድንከሶ! ዐንታ የለልትሰ የንካ ክክን እታ ዶቅዳ? ዐንታ የለልትሰ ዳንዳእዳ? ይንቹንም ኮር እዘደር ተይ ዐድከቴ!” ኩን ከትም ጋይሴ።

20 ከተረ ይንቹንም ክደር ተይ ዐደኬ፤ ቱና እያንነረ የሱሰም ሰጃንደትካ ሳነካ ይንቹንም ባልት ዛቅሶ ጭእሴ፤ ይንቹነረ ፍጨዘን ቡክለሮ እፈካ ዱብ ዐድ የጄ።

21 የሱሰረ ይንቹንታ ባበንም፤ “ኮና ሰቅምና ክትም የጅንካ በድ ዶቅቶ?” ጋየሮ ከትም ኦይሴ።

ባቤነረ፡ “ኤና ክት ይንቹናና የድሶ፤

22 ክትም ደይሳካንተረ ዝገሮ በድዐይካ ፍሔታ ዋርኬ ሎቀታ ዋር ባልት ክትም ኦይዴ፤ ዋዴ ዋልቃ ር ይይካንታ የዘደር

ማድንካንታ ዋደ ዋካንታ አጨርካ! አሌን ዋም አልካ!” ኩን ጋይሴ።

23 የሱሰረ፡ “የዝደር ማደረግ” የና ጋይተራ? “አሜንድን ኤድካንታ ሙዳ ሪና ማዳ!” ክትም ጋይሴ።

24 ሳነካ ይንችንታ ባበና፡ “አመንድቴ፡ እስታ አሜንንታ ቶክንተን አላን አልካ” ጋይሶ ፍፍሴ።

25 የሱሰረ ዋርሰና ጭጭመትካ ዘደሮ ከት ዐድንካ ሰዴ፡ ቱና አያንንመረ “የና አፋ ከሰዘዳክባብከ ቃም ቱንዘድን አያንና ይንችንዘንካ የሰ ዉድንግንዳ ክደረረ ማተዮ የሰ አርዳክንግንዳ የሰም ክድቴ!” ጋይሶ ክትም ዋጮ።

26 ቱና አያንና አንድር ኡፍሰካ ፍፍሴ፡ ይንችንመረ አከካ ጭእሳንደታ ቡር ክታዘንካ ዉተዴ፡ ይንችነረ ደእሳን ለይሰንግንዳ ክታ ማትንተንካ በድንዘዘደር ደእሳን ከደር ካምሴ።

27 የሱሰ ማቼ ይንችንታ እንንም የድሶ አምሴ፡ ይንችነረ አምትዮ ዋእሴ።

28 የሱሰረ ኤሄናር አርደዳንደትካ ክታ ካርንካ ጎርሰምድባብከሰ፡ “የለቴ ኮም ቱና አያንን ዋታ ዉችካንታ ዋማታክንደና ዐረተረ?” ጋይሰኮ ክትም ዐክ ኦይሰኬ።

29 የሱሰረ፡ “ኮግንደና ምክሰኬ በቼካ ምክሰንካ ማታክንዳ ማቼ አብ ዐራርከረ ዉታዬ” ጋየሮ ከትካንታ ማሰሴ።

የሱሰ ይንታ ደእንተኬ ይንታ አምንተንታ ቃሰትምሰ ዴት ክት ኬዛንዳ

(ማቶ. 17:22-23፤ ሉቃ. 9:43-45)

30 የሱሰኬ ክታ ካርንካ ጎርሰምድባብከሰ ካርንኮትም ዛቅሰኮ ገሊላ ሞረናርጎካ አይሰኬ፡ ክት ዶቅድን ካርን ዐየነረ ኤድ ኤዘድንግንዳ የሱሰ ዝጋክዬ።

31 ኮነረ ማቻንዳ የሱሰ ይንታ ካርንካ ጎርሰምድባብከሰም፡ “ኤደት ይንች ኤድንከሰታ እንያር ሰክሰምትቶ አምምዴ፡ ከተረ ክትም ደይዘደኬ፡ ይ ደይሰምሳንደታ ቡር ማቼ ማክምሰ ሰጩንካ አምዴ” ጋየሮ ክትም ኤሰሰሮ ዐቃንካንቴ።

32 ክታካርንካ ጎርሰምድባብ ማቼ ኮና ሪና ክትም አርዳክዬ፡ ክትም ከት ኦይዘዳክንግንደረ ጳሰኬ።

ሙደንዘንካ ሰገድባብ ዐይራ

(ማቶ. 18:1-5፤ ሉቃ. 9:46-48)

33 የሱሰኬ ክታ ካርንካ ጎርሰምድባብከሰ ቅፍራናሆም ካተመናር ዐደኬ፥ የሱሰ ኤሄናር አርደዳንደታ ቡር ይንታካርንካ ጎርሰምድባብከሰም “ጎግዘን ደቅደቶ የ በርምሳንዳ ሪና ዐራ?” ጋየሮ ከትም ኦይሴ።

34 ከታ ማቼ ጫምን ጋይሰኬ፥ ኮነረ ጎግዘን ደቅደኮ፥ “ዎ ሙደንዘንካ ሰገድባብ ዐይራ?” ጋየረኮ ቤርምድ ከት ዐቃንጎኬ።

35 የሱሰረ ደቅሳንደታ ቡር ታሜከ ቃሰተንን ኤልሶ፥ “እሪ ማትካንታ ዝግድባብ ዐየነረ ኤድ ሙደና ሙደንታ ቡር ማታ ጉጅሰረ ሙደንከሰታ ፍክሰባብ ክት ማታ” ከትም ጋይሴ።

36 ዋልቃ መራ ይንቹ ተይዐድሶ ከታ ዋክያር ዋይሰሶ፥ እምጭሰረ ኩን ከትም ጋይሴ።

37 “ኮግንዳ ደቅድን ይንቹንከሳርንካ ዋልቀን እሰታ ላምንካ ሞግድባብ ሙደና እም ሞግዴ፥ እመረ ሞግድባብ ሙደና እም ማታክናና፥ እም ኦይቶባብም ሞግዴ”፥ ከትም ጋይሴ።

ዎም ግርዳክባብ ሙደና ዎንካ ክክኔ

(ሉቃ. 9:49-50)

38 ዮሀንስረ የሱሰም “ኤሰሰንባቦ፥ ዋልቃ ኤች የሰታ ላምንካ ግምዘን ዉጅድንካ ሰዶቴ፥ ማቹንከረ ዎንከረ ክክን ክት ማታክንካንታ ማርሶቴ” ክደር ጋይሴ።

39 የሱሰ ማቼ፥ “እሰታ ላምንካ እታ ይየሮ ሳንካ እሰታዘን ዳቅል ከዝድባብ ካየንካንታ ክትም ዛእከቴ፥ ዐይማረቴ።

40 ዎም ግርዳክባብ ሙደና ዎንካ ክክኔ፥

41 ዶፈን የም ጋይድቴ፥ ክርሰቶሰታ የ ማቻንካንታ እሰታ ላምንካ ዋልቃ ቡርጭቀካ ሎቃ ዋራ የም እምድባብ ሙደንታ ናክ ካያዬ” ከትም ጋይሴ።

ኤድም ኮተርዝድባብ ማትንተዘንካ ካርሰም

(ማቶ. 18:6-9፤ ሉቃ. 17:1-2)

42 “ዐየነረ ኤድ እንካ እሜንድባብ ከትኬና መረንከሳርንካ ዋልቀን ኮተርዝድንዘንካ እንድር ደይሰን ሰይንም ይንታ ባርያር ዘክርሶ ባህርናር ክት ኦይትምሰሰናና ኡርዴ።

9:34 ሉቃ. 22:24። 9:35 ማቶ. 20:26-27፤ 23:11፤ ማር. 10:43-44፤

ሉቃ. 22:26። 9:37 ማቶ. 10:40፤ ሉቃ. 10:16፤ ዮሀ. 13:20። 9:40

ማቶ. 12:30፤ ሉቃ. 11:23። 9:41 ማቶ. 10:42።

43 ኮካንታ የሰታ አንና ጎማ የሰ ፍግዝድንግንዳ የሰም ኮተርዝደ ኮትም ተችት ዛእካ! ቃሰተን እን የሰታ ደቅድንካ ድግዳክን ኖሄናር የሰ ኦይትምድንዘንካ ዱንግላ ማትሶ ሰለንካ ደቅንትያር አርድና የሰካንታ ኡርዴ።

44 ድግዳክን ኖሄናር ዱርእመና ደእዳክንዳ፡ ኖሄነረ ድግዳክን ካርዬ። *

45 የሰታ ዱትነረ የሰም ኮተርዝደ ተችት ዛእካ፡ ቃሰተን ዱት የሰታ ደቅድንካ ድግዳክን ኖሀር የሰ ኦይትምተርንዘንካ ዋብ ማትሶዮ፡ ሰንፔካ ደቅንትያር አርድና የሰም ኡርዴ።

46 [ድግዳክን ኖሄናረረ ዱርእመና ደእዳክንዳ ኖሄነረ ድግዳክንዴ።]

47 የሰታ አፍነረ የሰም ኮተርዝደ፡ ዋልክሰት ወችካ፡ ቃሰተን አፍይ የሰታ ደቅድንካ ድግዳክን ኖሄናር ኦይትምዘንካ፡ ዋልቃ አፍይ የሰታ ደቅድንካ ሳብታ ባንችምናር አርድና የሰም ኡርዴ።

48 “ድግዳክን ኖሄናረረ ዱርእመና ደእዳክንዳ፡ ኖሄነረ ድግዳክንዴ።

49 “ካሴርድንዳ ሶቅካ ሳወሰምድንግንዳ ዋልቃ ዋልቃ ኤድንከሰ ኖሄካ ጳጭምም ዝግዝዴ።

50 “ሶቅ ኡርሜ፡ ማጉጋካ ዳት፡ ሶቅታ ሎቅንም ኮት ይንታ ካይሰ ዐረከንት ሎቅሰዝዳ?

“የንከረ ሶልማ ሶቅታ ሎቅንግንዳ ሶልማ የንታዋር ዶቃ፡ ክክ ክከረ ኤእሰቶ ሳራትቸካ ዶእከቴ” ጋይሴ።

10

ክእሰተኬ ኬነንተካ ብልምኅካ

(ማቶ. 19:1-12፤ ሉቃ. 16:18)

1 የሱሰ ኮታርንካ አምሶ፡ ዮርዳኖስ ሎቀንታ ፋማ ደቅድን ይሁዳ ዋረናር አይሴ። አንድር በድ ኤድንከሰረ እና ካርንካ ክደር ሳንምድ ዐቀኬ፡ የሱሰረ ይንታ መጠንግንዳ ከትም ኤሰዝድዐቁ።

9:43 ማቶ. 5:30። * 9:44 ዋልቃ ዋልቃ ኤና እር ጸፈርሳንዳ ፋይ. 44 ጉጅደኬ፡ ቃለነረ ፋይ. 48 ደቅድንደትም ካምዴ። 9:47 ማቶ. 5:29።

9:48 እሳ. 66:24። 9:49 ሊዊ. 2:13፤ ሚል. 3:2-3፤ ፋይ. 3:17።

9:50 ማቶ. 5:13፤ ሉቃ. 14:34-35።

2 ፈረሳዊያንንከሳርንካ ቶክምንከሰ ክደር ዐጰኬ፥ ክትም ጸጫካንተረ ዝግለኮ፥ “ኤድ ይንታ ኬነንም ቡልድንግንዳ ህግንካ ክትካንታ ጋይምቶ?” ጋየረኮ ኣይሰኬ።

3 የሱሰረ “ሙሴ ኮርንካንታ ዐርክ የም ክትሳፊ?” ክትም ጋይሴ።

4 ከተረ “ሙሴ ማቼ ኮት ብልምሳንደታ ማርካትቶ ዋርቀትን እምሶ ኮትም ቡልድንግንዳ ጋይቲ” ክደር ጋይሰኬ።

5 የሱሰረ፥ “ሙሴ ማቼ ኮም ህግን የካንታ ጸፍሳንዳ የንታ ቡደና ዳቅሰንካ የ ኤሰራይንካ።

6 ኬዛር ማቼ ኤና እሪ ፍዝርንዘንካ የቶሶ ‘ሳብ እኅነኬ ማነካ ማሰሶ ከትም ፍዜ።

7 ኮካንታ ኤድ ይንታ ባቤንምኬ እንደንምካ ዛቅሶ ይንታ ኬነንካ ክክን ዋልቃ ማዴ።

8 ቃስተነረ ዋልቃ ዋህ ማደኬ’ ኮዘንከረ ኦስ ቃስተን ከታ ማትንተና ነግሶ ዋልቃ ማደኬ።

9 ይና ሳብ ዋልቃ ማሰሳንደትም ኤድ ዐይ ፋሳ” ኩንጋየር ከትካንታ ማሰሴ።

10 ኤሪ ከታ ይ ማቻንደትካ ክታ ካርንካ ጎርሰምድባብከሰ ኮትኮ ኬዘንካ ካርንካ የሱሰም ኣይሰኬ።

11 የሱሰረ፥ “ይንታ ኬነንም ቡልሶ ኣብ ማና እንጅድባብ ኮትዶቅድንካንታ ኖ ቤልምቲ፥

12 ኮትኮግንደረ ይንታ ክእሰን ብልሶ ኣብ ኣኅና ኤሪ ይእድን ኤተና ቤልምታ ጋይንትዬ” ኩንጋየር ማሰሴ።

የሱሰ ይንቶንከሰም እንጅና

(ማቶ. 19:13-15፤ ሉቃ. 18:15-17)

13 የሱሰ ከትም ዐጭድንግንዳ ይንቶንከሰም ክደር ተይ ዐጰኬ፥ ክታካርንካ ጎርሰምድባብከሰ ማቼ ይንቶን ተይዐድባብ ኤድንከሰም ዋጪኬ።

14 የሱሰረ ኮም ሰድሶ ዋጪ፥ ይንታካርንካ ጎርሰምድባብከሰም፥ “ሳብታ ባንቶምና ከትኬናከሰግንዳ ይንቶንታ ማቻንካንታ ይንቶንከሰ እዘደር ከት ዐጻ፥ ዛእከቲ፥ ከትም ዐይማረቲ፥

15 ደፈን የም ጋይድቴ፤ ሳብታ ባንችሞን ይንችግንዳ ማትሶ ኮትሞ ተይዳክባብ ቦድሶ ኮታር አርዳክዬ” ኩን ከትም ጋይሴ።

16 ኮታ ቡር ይንችንከሰም እምጭሰንደትከ ይንታ እንንም ከታዘን ዋድሶ ከትም እንጂ።

ቆልመንከንባብ ኤችንታ

(ማቶ. 19:16-30፤ ሉቃ. 18:18-30)

17 የሱሰ ኮታርንካ ዉትሶ አያደቅድንካ ዋልቃ ኤች ክደር ዘደር ዐድሶ ክታ እር ጉምፈርሶ “ዐልሰማ ኤሰሰንባቦ፤ ሰለንካ ደቅንትን ተይካንታ ዐራ እም ይ ዝግዝዳ?” ጋየር ክትም ኦይሴ።

18 የሱሰረ፤ “ዐራንከሰ ዐልሰማ እም ጋይዳ? ዋልቃ ሳብንዘንካ ኡብ ዐየነረ ዐልሰማ ካዬ፤

19 ክተንከሰም የና ኤዘደዬ፤ ከተረ ‘ዐይ ደይሴ፤ ማነን ኦከር ዐይ ቤልመ፤ ዐይ ድቤ፤ ካርከካ ዐይማርከሬ፤ ዐይ ገሰሴ፤ የሰታ ባበንምከ የሰታ እንደንም ቦንችካ’ ጋይምሰባብከሰኬ” ኩንጋየር ክትካንታ ማሰሴ።

20 ኤችነረ “ኤሰሰንባቦ፤ ከትኬና ክተንከሰም ማቼ ኤና ይንችዘንካ የችሰቶ ካርሰትቴ” ጋይሴ።

21 የሱሰረ ክትም ሰድሶ ሶልምሴ፤ ኩነረ ክትም ጋይሴ፤ “ዋልቃ ር ዐክ የዘንካ ነገቴ፤ አይካ፤ የሰታ ደቅድንደትም ሙዳ ሰንሰዮ የሰታ ብረንም ርካየንባብከሰካንታ እምካ፤ የሰካንታ ሳንምሳን ቆልመንም ጭላር ዐፍተረዬ፤ ኮታ ቡር ዐድካ፤ እም ጎርሰምካ” ክትም ጋይሴ።

22 ኤችነረ ኮም ይ ኤሰርሳንደትካ ባለና ክታ ሞርእካ ጫልሴ፤ ቡድ ቆልመረ ክታ ደቅድንካንታ ሞርኤር አይሴ።

23 የሱሰ ዋልን ጋይሶ ክትም ሰድሰንደትከ ይንታ ካርንካ ጎርሰምድባብከሰም፤ “ቆልመክንባብከሰ ሳብታ ባንችምናር አርድና ዐስግንዳ ደጭመሬ!” ክትም ጋይሴ።

24 ክታ ካርንካ ጎርሰምድባብከሰረ ክታ ቃለንካ በርእሰኬ፤ የሱሰ ማቼ ማሰሶ፤ “እሰታ ይንችንከሶ! ሳብታ ባንችምናር አርድና ዐስግንዳ ደጭመሬ!

25 ቆልማባብ ሳብታ ባንችምናር አርድንዘንካ ግመል ጋየርድንደና ማርፈታ ጨቅካ አርደሰናና ኡርዴ” ኩን ከትም ጋይሴ።

26 ክታካርንካ ጎርሰምድባብከሰ እንድር በርእሰኮ፡ “ኮናና ኮግንደካ ዐይይ አቅካንታ ማዳ?” ክክ ጋይሰኬ።

27 የሱሰረ ከደር ሰድሶ፡ “ገታ ኮና ርና ኤደር ማታዬ፡ ሳብደር ማቼ ማደ፡ ሳብካንታ ሙዳ ር ማዴ” ጋይሰ።

28 ጴጥሮስረ “ይና ዋታ ሙደን ዛቅሶቶ የሰታ ካርንካ ጎርሰምሶቲ” ክደር ጋይሰኬ።

29 የሱሰረ፡ “ዶፈን የም ጋይድቴ፡ እካንተከ ኮ ክላ ኬዘንካንታ ጋይሶ ይንታ ኤሄንም እነረ ይንታ እሰመንከሰም እነረ ይንታ ሞቕንከሰም እነረ፡ ይንታ እንደንም፡ እነረ ይንታ ባበንም፡ እነረ ይንታ ይንቕንም፡ ናነረ ይንታ ዋንንም ዛቅሰባብ ኤድ ሙደና ሰክሰሶ ዐብደ።

30 ታ ኮ ፍጫሙደንዘን ዋራ ዳይርንካ ክክን ይንታ ኤሄንም፡ እሰመንከሰም፡ ሞቕንከሰም እንደንከሰም ይንቕንከሰም ዋንንም ዶንቅ ቦንደዘን ዶንቅ ቦንዳ ጉጅምሳንደትም ተይዴ፡ ዐይድን ፍጫሙደንዘን ሰለንካ ዶቅንትንም ዐፍተሬ።

31 ማታጋካ ዳት እር ማትሶ ዐቅባብ በድንከሰ ቡርንባብ ማተረከ፡ ቡርንባብ ማቕባብከሰረ እርንባብ ማተረከ” ኩን ከትም ጋይሰ።

የሱሰ ይንታ ደእንታ ማክምሰ ዱት ኬዘና

(ማቶ. 20:17-19፤ ሉቃ. 18:31-34)

32 የሩሳሌም እይድን ጎግዘን ከትዶቅድንካ፡ የሱሰ ከታ እር እይድ ዐቂ፡ ክታካርንካ ጎርሰምድባብከሰረ ኮርንካ በርእሰኬ፡ ክታ ካርንካ ዐይድባብ አብንከሰ ጳዘድ ዐቂኬ። ካርንከረ ታሜከ ቃሰተንን ይንደር ተይዐቕሶ፡ ይንዘን የልድን ሪንጎካ ኩንጋየር ከትካንታ ኬዜ፡

33 “ይና፡ የሩሳሌማር ዋንታ እይንቴ፡ ኤድ ይንቕ ቀሰንከሰም ገቕዘድባብከሰካንተኬ ሙሴታ ህግን ኤሰዘድባብከሰካንታ ሰክሰምት እምምተሬ፡ ከተረ ደእታ ፍርደን ክታዘን ፋረተርኬ፡ እይሁድ ማታክባብከሰካንታ ሰክሰት ክትም እምተረኬ፡

34 እይሁድ ማታክባብከሰረ ክታዘን ዐልተርተረኬ፡ ክታዘን ፈጭምተረኬ፡ ክትም ዐርተረከ፡ ክትም ደይሰተረኬ፡ ኬዛር ማቼ ማከን ሰጨታ ቡር ኖ እምተሬ”።

ያይቆበተኬ ዮሀንስተካ ኦይሰና

(ማቶ. 20:20-28)

35 ዛብደሰታ ይንቅንከሰ ያይቆበኬ የሆነሰካ የሱሰደር ዐድሰኮ፤ “ኤሰሰንባቦ፤ የሰም ዋ ምግዝድንደትም ሙዳ የሰ ይድንግንዳ ዝግድቲ” ክደር ጋይሰኬ።

36 የሱሰረ “ዐራ እ የካንታ ይድንግንደንት ዝግዳ?” ክደር ጋይሰ።

37 ከተረ “የሰታ ቦንቕምሳን ባንቕምንዐይካ ዋንታርንካ ዋልቀና የሰታ ምዝዘን፤ ዋልቀና የሰታ ብተንዘን ዋ ዶቅድንግንዳ ዋካንታ ጋይካ” ክደር ጋይሰኬ።

38 የሱሰ ማቺ “የታ የ ምግዝድንደትም ኤዝዳከቲ፤ እ ዋጭድን ማጠንታ ዋጭምን ዋጭካንታ ማደቲ? እ ሰኤርድንደት ሰእርንም ሰእርካንታ ማደቲ?” ከትም ጋይሰ።

39 ከተረ “ይዬ ዋጭካንታ ማደቲ” ከታ ጋይሰኬ። የሱሰረ፤ “ዶፈን እ ዋጭድንደትም ማጠንታ ዋጭምን ዋጭተረቲ፤ እ ሰኤርድንደትም ሰእርን ሰኤርተረቲ።

40 ኬዛር ማቺ እሰታ ምዝዘንኬ እሰታ ብተዘን ዶቅንትን እምድባብ እታ ካይቲ፤ ኮና እምምድንዳ ሳብ ይ ግክሰባብ ኤድንከሰካንታ ዐክዬ”።

41 ነገድባብከሰ ታሜና ኮም ኤሰርሰኮ ያይቆብዘንከ የሆነሰዘን ዋጨኬ።

42 የሱሰ ሙድንመረ ይንደር ኤልሶ ኩን ከትም ጋይሰ፤ “አይሁድ ማታክባብከሰታ ገቕንባብ ዋርሰንም ቆልድባብከሰ ጋይምሰኮ ኤልምድንግንደከ ከትም ጎርዝድባብከሰረ ከታዘን ገቕታ ኤራ ዶቅድንደትም የታ ኤዝደቲ፤

43 የንደር ማቺ ኮግንዳ ማት ዝግሰሳዬ፤ የንታ ዋክያርንካ እንድር ማትካንታ ዝግድባብ፤ የንታ ፍክሰባብ ማት ክትም ዝግዝዴ፤

44 ኮትኮግንደረ የንታ ዋክያርንካ ሙድንዘንካ ሰግ ማትካንታ ዝግድባብ ሙድንታ አይላ ማታ።

45 ኤደት ይንቕ ዋራ ፍክሰካንተኬ ይንታ ሰንፔንም በድንከሰካንታ ቆትማ ማሰሶ እማካንታ ዐዳ ዳት ክትካንታ ፍግዝድንግንዳ ዐዳክዬ”።

የሱሰ እፍይ ዝልን በርጤመዋሰም ፋቕና
(ማቶ. 20:29-34፤ ሉቃ. 18:35-43)

46 ኮታ ቡር የሱስ ይንታ ካርንካ ጎርሰምድባብከሰካ ክክን ኢያርኮ ካተመናር ዐይዴ። ሰግሰረ ካተመናርንካ ዉትሶ ክት አይድንዐይካ እንድር በድ ዋርሳ ክትም ጎርሰምድ ዐቁ፥ ጉጅሰረ ጎግንታ ካንታር ጤሜዎስታ ይንቶ ማቕባብ በርጤመዎስ ጋይምድባብ ዋልቃ ኣፊይ ዝል ዶቅሶ ሞግዝድ ዐቁ።

47 ኮትከረ ሰግድባብ ናዝረት የሱስ ማትንተን ይ ኤስርሳንደትካ “ዳውትታ ይንቶ የሱሶ፥ ዋደ እካንታ አጨርካ!” ጋየር ፍፍ የጄ።

48 በድንከሰ ጫምን ጋይካ! ጋይሰኮ ክትም ዋጤኬ፥ ኖ ማቼ “ዳዊተታ ይንቶኖ! ዋዴ እም ኣጮርካ” ጋየር ሰግሰሶ ፍፍሴ።

49 የሱስረ ዋእሶ “ክትም ኤልከቴ!” ጋይሴ፥ ከተረ እፍይ ዝልንመረ “ታ ዛብካ! አምካ! የሱስ የሰም ኤልዴ!” ክደር ጋይሰኬ።

50 ኤችነረ አፍለን ይንታ ዛቅሶ ጎብሶ አምትዮ የሱስደር አይሴ።

51 የሱስረ ክትም “ዐራ እ የሰካንታ ይድንግንደሰ ዝግዳ?” ጋየር ክትም ኦይሴ።

ኣፊይ ዝል ኤችና “ኤስሰንባቦ፥ ዋደ እስታ አፍና ሰድንግንዳ እካንታ ይካ” ክትም ጋይሴ።

52 የሱስረ “ይና አይካ፥ የሰታ አሜንና የሰም አቅሰቴ” ክትም ጋይሴ። ኤችነረ ሳነካ ሰድንካንታ ማቼ፥ ጎግንኮትከረ የሱስም ጎርሰምሶ አይሴ።

11

የሱስ እንድር ቦንቸካ የሩሳሌማር አርድና

(ማቶ. 21:1-11፤ ሉቃ. 19:28-40፤ ዮሀ. 12:12-19)

1 የሱስኬ ክታ ካርንካ ጎርሰምድባብከሰከ የሩሳሌማር ከት የልሳንደትካ ደብረዛይት ገቼንታ ላማር በቴ ፋጋርኬ ብታንያ ሞረናር የልሰኬ፥ ኮታዘንከረ የሱስ ይንታካርንካ ጎርሰምድባብከሳርንካ ቃስተንንም ኩንጋየር ከትም ኦይቼ።

2 “የንታ እፊ ዶቅድን ሞረናር አይከቴ፥ ኮታረረ የ የልሳንግንዳ ሳነካ ዐየነረ ኤድ እክ ዶቃክንዳ ኡክልታ ቅንጭ ዘክርሶ ዶቅድንደትም ዐፍተረቴ፥ ቡልተቶ እዝደር ተይ ዐድከቴ።

3 ሀይለኒረ ‘ወረተንት ኮም ይዳ?’ የንደር ጋይሴ፥
‘ጮይሰካንታ ዝግዝዴ፥ ሳነካ ማሰት ኖ ኦይተሬ’ ጋይሶ
ከሰከቲ።

4 ከተረ እይሰኮ ኡክልታ ቅንጨን ጎግንታ ካንተዘን ኤሄንታ
ዋፈዘን ዘከርሰንካ ወፍሰኮ ቡልሰኬ።

5 ኮታይከረ ዋር ዋእሶ ደቅድባብ ኤድንከሳርንካ ዋልቃ
ዋልቀንከሰ። “ኡክልንታ ቅንጭንም የ ቡልድንዳ ወረተረ?”
ጋይሶ ከትም ኦይሴ።

6 ከተረ የሱሰ ከደር ጋይሳንደትም ኤድንከሰካንታ ኬዘኬ፥
ኤድንከሰረ ከትም ዛቅሴ።

7 ክታ ካርንካ ጎርሰምድባብከሰረ ኡክልንታ ቅንጭንም
የሱሰደር ተይ ወደኬ፥ ክታ ይንታ አፍለንም ኡክልንታ ባዘደዘን
ዋጅንካ የሱሰ ኮታዘን ደቅሴ።

8 በድ ኤድንከሰ ይንታ አፍለንም ጎግንዘን ታከርሰኬ፥
አብንከሰረ ጮልም ወቀንታ ትርሰንም ፋክተኮ ታከርድ
ወቀኬ።

9 እሪ ሰግድባብከሰከ ክታ ቡር ጎርሰምድባብከሰ ሙደና፥

“ሆሳእና! * ጮይሰታ ላምካ ወድባብ እንጅምሰባቤ!

10 ወድንዳ ዋንታ ባበን ዳውትታ ባንችምና እንጅምሳንዴ፥
ጎፍሰና ጨክን ጋይሳን ጭለዘን ሳብካንታ ማታ!”
ጋየረኮ ፍብድ ወቀኬ።

11 የሱሰረ የሩሳሌማር የልሳንደትካ ሳብታ ጭል ኤሄናር
አርደዴ፥ ካንተካ ደቅድንደትም ርን ሙዳ ሰጂ፥ ሰጨነረ
ሶይቻንካንታ ታመከ ቃሰተንከሰካ ክክን ብታንያ ሞረናር
ኦይሴ።

የሱሰ ባድሳን ወቀን በለሰና
(ማቶ. 21:18-19)

12 ዛማክንካ ብታንያርንካ ከት ማድንካ የሱሰ ዳቀርሴ።

13 ቃምና ኮታ ጮልሳንዳ ወቃ ባለሰ ጋይምድንደትም ጎትካ
ሰድሶ ወረንግርካ እፍ ወፈርዳናንከረ ጋይሶ ኮደር ወደዴ፥ ኬዛር
ማቼ ኮደር ወድንካ ወቃ በለሰና እፍ ኡዝድንደታ አርፍ
ማታክንካንታ ቃምዘንካ አብ ወረኒረ ኮታዘንካ ወፋክዬ።

* 11:9 እብራይስጥ አፈካ “ታ ዋም አቅሰካ” ጋይንትዬ።
118:25-26።

14 ኮካንታ የሱስ በለስ ዐቀን፥ “ይና ኮዘንካ ኦስ ስለንክንደታ ዐየነረ የዘንካ እፍ ዐይ እቻ!” ኮትም ጋይሴ። ኮመረ ክት ኬዘድንካ ክታ ካርንካ ጎርሰምድባብከስ ኤስርሰኬ።

የሱስ ሳብታ ጭል ኤሄናር ጋበንባብከስም ዉቕና

(ማቶ. 21:12-17፤ ሉቃ. 19:45-48፤ ዮሀ. 2:13-22)

15 የሩሳሌማር ከታ የልሳንደትካ የሱስ ሳብታ ጭል ኤሄናር አርድሶ ኮታር ሰንድባብምከ ጋብድባብ ኤድንከስም ዉቕ የጂ፥ ብረን ኦካኦግድባብከስታ ጣርጸዘንምኬ፥ ዋለንም ሰንድባብከስታ ዶቅንት ጎንገንከስም ባልትዮ ኦይቼ።

16 ዐየነረ ኤድ ዐረነረ ር ባልትዮ ሳብታ ጭል ኤሄንታ ጋስናር ሰገድንግንዳ ጋይይቲ።

17 ኩነረ ጋየር ከትም ኤስሴ፥

“ ‘እስታ ኤሄና ዋርሳ ሙደንካንታ ሞክሰ ኤሀ ጋይምዴ!’ ጋይምሶ ጸፍማክዮ?

የታ ማቼ ፋንገንከስ አጥምድንግንዳ የርሳ ማሰሰቲ። ከትም ጋይሴ።

18 ቄሰን ከስም ገቕዝድባብከስኬ ሙሴታ ህግንም ኤስዝድባብከስ ኮም ክት ኬዘድንካ ኤስርሰኬ፥ ዋርሰነረ ሙዴ ክታ ኤስሰንካ ከት በርእሳንካንታ ክትም ጸሰኬ፥ ማታጋካ ዳት ዐስግንዳ ይይሶ ከታ ክትም ይ ደይዘደክ ናነረ ጎግ ዝግድ ዐቀኬ።

19 ፍጨና ሶይቻንደታ ቡር የሱስኬ ይንታ ካርንካ ጎርሰምድባብከስካ ካተመናርንካ ዉተደኬ።

ባለስ ዐቀንታ ዋቕና

(ማቶ. 21:20-22)

20 ዛማክንዐይካ ሰጭማ ጎግንካ ከት ሰገድንካ ባለስ ዐቀና ይንታ ጫጭንካ ዋቕንካ ሰደኬ።

21 ጴጥሮስም ርና ከልቅን ጋይሰንካ የሱስም፥ “ኤስሰንባቦ! ኮሰቼ፥ የስ ባድሳን ባለስ ዐቀና ዋቕቲ።” ጋይሴ።

22 የሱሰረ፥ “ሳብካ አመንከቲ፥

23 ዶፈን የካንታ ጋይድቲ፥ ዐየነረ ኤድ ይንታ ቡዳር ዐኤራክዶቆ ክት ዝግድን ርና ክትካንታ ቦድምድንደትም አሜንሶ ኮም ገቸን ‘ኮዘንካ አምሰዮ ባሀርናር አይካ’፥ ክት ጋይሴ ክትካንታ ማዴ።

24 “ኮካንታ ሞክሰካ ዐምንመረ ር የ ሞክሴ፥ የካንታ ቦድምሳን ማሰሰቶ አመንከቱ፥ የ ምግዝድንደትም ሙዳ የካንታ እምምዴ።

25 ጭላር ደቅድባብ የንታ ባቤና የንታ ጎመንም ነጋ ጋይተርንግንዳ የተረ ሞክሰካንታ የ ዎእድንዐይካ ዐየነረ ዋልቃ ሪካ የም ይምኤርሰታ ማቼ ክትካንታ ነጋ ጋይከቱ።

26 የታ አብንከሰታ ዳቀልሰን ነጋ የ ጋያይንዳ ማቼ ጭላር ደቅድባብ የንታ ባቤና የንተረ ጎመን ነጋ የካንታ ጋያዬ” ከትካንታ ኩን ጋይሴ። †

የሱሰ ገችታ ኤረንጎካ ክታ አይሰምና

(ማቶ. 21:23-27፤ ሉቃ. 20:1-8)

27 እናካርንካ የሩሳሌማር ዐደኬ፥ የሱሰረ ሳብታ ጭል ኤሄናር ክት እንግድንካ፥ ቀሰንከሰታ ገችንባብከ፥ ሙሴታ ህግንም ኤሰዝድባብከሰከ ጋልተንከሰካ ክደር ዐድሰኮ፥

28 “ከትኬና ሪን የሰ ይድንዳ ዐራ ገችሰታ ዋልቀከረ? እና ከነም ርንከሰም የሰ ይድንግንዳ ገችሰታ ኤረንም የሰካንታ እምሰባብ ዐይራ?” ጋየረኮ ክትም አይሰኬ።

29 የሱሰረ፥ “ይና እተረ የም ዋልቃ አይሰ የም አይዝድቱ፥ የታ እካንታ የ ማሰሴ፥ እተረ ኬና ርንከሰም ዐራ ገችታ ኤረካ እ ይዳናከረ የካንታ ኬዝድቱ ኩን ከደር ጋይሴ።

30 ዮሀንስታ ሰእሰና ሳብዘንኮ ኤድዘንኮ? እካንታ ማሰከቱ” ከደር ጋይሴ።

31 ከተረ “ይና ዐሮንት ጋይቱ?” ጋይንተካ ክክ ክክ ዘርምሰኬ፥ “ ‘ሳብዘንኬ’፥ ዋ ጋይሴ፥ ‘ኮናና ዐረተረ ክትካ የ እማናክንዳ?’ ዋም ኖ ጋይዴ፥

32 ‘ኤድዘንኬ’ ጋይተርቶ?” ኮም ከት ጋይዳክንግንዳ ዋርሰና ሙዳ ዮሀንስም ዶፈን ሳብዘንካ ኤሰርሶ ኬዝድባቤ ጋይድ ከትዐቃንካንታ ጳሰኬ።

33 ኮካንታ “ዋታ ኤሳዮቱ” ጋየረኮ ክትካንታ ማሰሰኬ። የሱሰረ “ይና ኮናና እተረ ዐራ ገችታ ኤረካ ኬና ርንከሰም እ ይይዳናንከረ የም ኬዛይቱ” ከደር ጋይሴ።

11:25 ማቶ. 6:14-15። † 11:26 ዋልቃ ዋልቃ እና እር ጸፈርሳንደና 4ይ. 26 ጉጅደኬ፥ ቃለነረ ማቶ. 6:15 ደቅድንደትም ካምዴ።

12

ዎይን ኮረንታ ዎንንባብከሰታ ካምሰ

(ማፍ. 21:33-46፤ ሉቃ. 20:9-19)

1 ኮታዘንከረ የሱስ ኮም ካምሰካ ኩንጋየሮ ከትም ኬዛ የጄ፥ “ዋልቃ ኤች ኮረርድን ዎይንንም ኮርሴ፥ ካንተንመረ ጋሴ፥ ዎይንን ጩጴርድንደታ ጎር ኮይሶ ካርሰርድንደታ ላቺረ ኡርሴ። ኮታዘንከረ ዎንንባብከሰካንታ እምሶ አብ ፍጫር አይሴ።”

2 እፍ ኡዘድን ለእንካ ዎይንታ አፍንም ካምት **ዐትርንግንዳ** ፍክሰንባብከሰርንካ ዋልቀን ዎንንባብከዘደር አይቺ።

3 ከታ ማቺ የድሰኮ ጉጽሰኬ፥ እንይ ዉች ክትም አይቺኬ።

4 እናካርንከረ አብ ፍክሰንባብም አይቺ፥ ከተረ ማተን ክታ ሰይንካ ዛልሰኮ እሰንሰሶ አይቺኬ።

5 ታየረ ካርንካ አብንም አይቺ፥ ክትመረ ደይሰኬ፥ ኮትኮግንደረ በድንከሰም አይችንካ ዋልቃ ዋልቀንከሰም ጉጽሰኬ፥ አብንከሰመረ ደይሰኬ።

6 ታ ይይ ክታዘንካ ነገዳንዳ ይ ሶልምድን ይንታ ይንችንም አይት **ዐክኤ**፥ ኮካንታ እሰታ ይንችንም ከታ ቦንችተረ ዳቶ ጋይሶ ገቅርካ በእንተዘን ዋልቃ ይንታ ይንችን አይቺ።

7 ኬዛር ማቺ ክታ ዎንንባብከሰ ክክ ክክ ኖኮና ባእንም ተይድባብኔ! ኮረቲ ክትም ደይሰተሮቲ! ባእነረ ዎካንታ ማዴ ክክ ጋይሰኬ።

8 ኮካንታ ይንችንም የድሰኮ ደይሰኬ፥ ዎይን ኮርምሳን ካርናርንከረ ጎችት ዉችሰኮ ዛቅሰኬ።

9 “ይና ኮዘንካ ዎይንን ኮርምሳን ባበና **ዐርክ** ይቲ? ዎይንንታ ባበና ይንታ ማታርንካ **ዐዴ**፥ ይንታ ዎንንባብከሰመረ ደይዘዴ፥ ዎይን ኮረንመረ አብንከሰካንታ እምዴ።

10 ይና፥

“ሰይን ኤሄንም ዎድባብከሰ ቶችሳን ሰይንና

ዎደርድን ኤሄንታ እድምሳንዳ ማቺ፥

11 ኮነረ ጮይሰዘንካ ይምሴ

ዎንታ አፍንካንታ በርእዘድንዴ። ኩን ጋይድንደትም ጭል ማጻፍናርንካ ናበባከቲ?

12 አይሁድንከሰም ገችዘድባብከሰ የሱስ ኬዛንደትም ካምሰንከሰና ከትም ሰጅድንዳ ማትንተን ከታ ይ ገቀርሳንካንታ ክትም የድካንታ ዝግተክ ዶቆ፥ ኬዛር ማቺ ዎርሰንም ጳሰሰኮ ክትም ዛቅሶ አይሰኬ።

ቀሳርካንታ ግራ ናክንኅካ

(ማቶ. 22:15-22፤ ሉቃ. 20:20-26)

13 ፈረሳዊያንንከሰ ሄሮድስታ ኮች ማችባብ ዋልቃ ዋልቃ ኤድንከሰ የሱሰም ክት ኬዘድንደትካ ክትም የድካንታ ክደር ኦይቸኬ።

14 ክደር ዐድሰኩ፥ “ኤሰሰንባቦ፥ የና ዶፈን የሰ ማቻንደትም ዋታ ኤዘዶቲ፥ ኤድም ጳሰከ ኦሰነካ የሰ ይድንዳ ር ካዬ፥ ሳብተረ ጎግንም ዶፈንካ ኤሰዘደዬ፥ ይና፥ ሮማ ባንችንካንታ ግራ ናክና ዝግዘዶ እና ዝክሳዮ? ዋተረ ግርተሮቶ ግርተራኮቶ?” ኩን ክደር ኃይሰኬ።

15 የሱሰረ ከታ ኦትረንም ኤሰሶ “ዐራካንተንት ጭካ እካንታ ዎዳ? ይና ብረን ተይዐድሰቶ እም ሰችከቲ”፥ ከትም ኃይሴ።

16 ከተረ ብረንም ክትካንታ ተይ ዐደኬ፥ የሱሰረ “ኮ ብረንዘን ዶቅድንዳ ምስልንኬ ጸፈርሳንዳ ላምና ዐይተረ?” ኃይሶ ከትም ኦይሴ።

ከተረ “ሮመታ ባንችን ቀሳርቲ” ኃይሰኬ።

17 የሱሰረ “ኮናና ቀሳርትንደትም ቀሳርካንታ፥ ሳብትንደትም ሳብካንታ እምከቲ” ኃየሮ ከትካንታ ማሰሴ። ከተረ ክታ ኬዘንታ ማሰንካ በርእሰኬ።

ደእያርንካ አምንታ

(ማቶ. 22:23-33፤ ሉቃ. 20:27-40)

18 “ደእሰባብታ አምንታ ካዬ” ኃይድባብከሰ ሰዱቃዊያን ኤድንከሰ የሱሰደር ዐድሰኩ ኩንኃየሮ ክትም ኦይሰኬ።

19 “ኤሰሰንባቦ፥ ‘ዋልቃ ኤድ ይንች አጣክዶቆ ይንታ ኬነንዘንካ ደእካ ክት ፋሰምሴ ክታ እሰመና ኤተንን ማሰሶ ደእሰባብታ ካርያር ይንች አጣ፥ ኃይሶ ሙሳ ዎካንታ ጸፍቲ።

20 ይና፥ ታብዛ እሰመንከሰ ዐቀኬ፥ ከት ሙደንታ ባይረና ማና እንችሶ ይንች አጣክዶቆ ደእሴ።

21 ቃሰትምሰነረ ኤተንን ኮትም ማሰሶ፥ ኖየረ ይንች አጣክዶቆ ደእሴ፥ ማክምሰነረ ኮትኮግንዳ ደእሴ።

22 ኮግንደካ ታብዘና ኮትም እንችሰኮ ይንች አጣክክ ዶቆ ደእሰኬ፥ ከትሙደንተረ ቡር ኤተነረ ደእሴ።

23 ይና፥ ታብዛ እሰመንከሰረ ኮትም እንችተኬ፥ ይና ደእሰባብከሰ አምድንደትዐይካ ዐይቶክ ማና ና ማዳ?”

24 የሱሰረ፡ “የ ኮተርድንደና ጭል ማጻፍንከ ሳብታ ዋልቀን ኤስክሳ የነታ ነግነተንካ ካዮ?”

25 ደእስባብከስ አምድንዐይካ ጭላር ደቅድባብ ክታይንችንከሰግንዳ ማደክ ዳት እንቻየኬ ይእየኬ።

26 ደእስባብ ማቼ ከት አምድንግንዳ ሳብ፡

“ ‘እታ አብራህመታ ጮይስ ይሳቀተረ ጮይስ ያይቆበተረ ጮይስቴ’

ክት ጋይሳንደትግንዳ ቆቸናር ፍሄና የድንካ ሙሴካንታ ሳብ ዐራክትም ከዛናንከረ ሙሴታ ማጻፍናር ናበባከቴ?

27 ኮካንታ ሳብ ስለንካ ደቅድባብከስታ ጮይስ ዳት ደእስባብከስታ ጮይስ ካዬ፡ የታ ማቼ እንድር ኮተርደቴ” ኩንጋይሶ ማስሴ።

ሙደንዘንካ ሰግድንዳ ክታ

(ማቼ. 22:34-40፤ ሉቃ. 10:25-28)

28 ሙሴታ ህግንም ኤስዘድባብከሳርንካ ዋልቀና ከታ ቤርምን ኤስርድ ዐቋ፡ የሱሰስ ኤርመካ ከትካንታ ኬዛንካንታ ሙሴታ ህግንም ኤስዘድባብ ኖ ገቀርሴ፡ የሱሰደር ዐድሶ “ሙደንዘንካ ሰግድንዳ ክተና ዐምነረ?” ጋይሶ ክትም ኦይሴ።

29 የሱሰረ፡ “ሙደንዘንካ ሰግድንዳ ክተና፡ ‘እስራኤሎ! የና ኤስርካ፡ ሳብ ዋንታ ጮይስና ዋልቃ ጮይስዬ፡

30 የነረ የሰታ ጮይስ ሳብንም የሰታ ቦድማ ቡዳርንካ፡ ቦድማ ሰንፔካ፡ ቦድማ የሰታ ገቅርንካ፡ ቦድማ የሰታ ዋልቀንካ ሶልምካ፡፡ ጋይድንዴ።

31 ኮመረ ካምድንዳ ቃሰትምስ ክተና፡ ‘የሰታ የለንም የሰታ ማታግንዳ ማስሶ ሶልምካ።’ ከትኬና ቃስተንናርንካ ሰግድንዳ አብ ክታ ካዬ” ኩንጋየር ማስሴ።

32 ሙሴታ ህግንም ኤስዘድባብረ የሱሰም፡ “ኤስሰንባቦ! ‘ሳብ ዋልቁ፡ ክታዘንከረ አብ ጮይስ ካዬ’ ጋይሶ የሰ ኬዛንዳ ገቼ፡

33 ኮካንታ ኤድ ይንታ ቦድማ ቡደካ፡ ቦድማ ይንታ ሰንፔንካ ቦድማ ይንታ ገቅርንካ ቦድማ ይንታ ዋልቀንካ ሳብም ሶልማ ክትም ዝግዘዴ፡ ኮትኮግንደረ ይንታ የለንም ይንታ ማታግንዳ ሶልማ ክትም ዝግዘዴ፡ አችሶ ካስርድንደትምከ አብ ካስነረ

ሳብካንታ እምድንዘንካ ሰክሰሶ ከትኬና ቃሰተን ክተንከሰም ካርሰና ሰገዴ” ኩን ክደር ጋይሴ።

34 የሱሰረ ሙሴታ ህግን ኤስዘድባብ ኤጨከ በድ ገቅርካ ክት ማሰሳንደትም ሰድሶ፡ “የና ሳብታ ባንችምናርንካ ጎተርሰባብ ካየዬ” ክደር ጋይሴ። ኮታ ቡር የሱሰደር ኦይሰካንታ ካርቸሰባብ ዐዋነረ ካዬ።

ክርሰቶስ ዐይታ ይንቸረ

(ማቶ. 22:41-46፤ ሉቃ. 20:41-46)

35 የሱሰ ሳብታ ጭል ኤሄናር ኤስዘድዮ ኩን ጋይሶ ኦይሴ “ሙሴታ ህግንም ኤስዘድባብከሰ ‘ክርሰቶስ ዳዊትታ ይንችዬ’ ዐረተክ ጋይዳ?

36 ዳዊት ይንታ ማታርንካ እያንይ ጭልንካ ኬዘድዮ፡ “ ‘ሳብ እስታ ጮይሰንካንታ (ሳይምሰባብካንታ)፡

የሰታ ይምኤንባብከሰም የሰታ ዱትንታ ጎያር እ ማሰተርን የለልታ

እስታ ምዝንዘን ዶእካ ክትም ጋይቲ።

37 ዳዊት ይንታ ማታርንካ ‘ጮይሶ’ ጋይሶ ክት ኤልሳንካ ይና፡ ሳይምሰባብ ዳውተታ ዐስግንድክ ይንች ማዳ?” በድ ዋርሰነረ ጉርምካ ኤስርድዮ ዐቀኬ።

ሙሴታ ህግን ኤስዘድባብከዘንካ ካርሰም

(ማቶ. 23:1-36፤ ሉቃ. 20:45-47)

38 የሱሰ ኤስዘድዮ፡ “ቃልም እፍለንከሰም ቆበርሰኮ ኦስከ ፈንካ ኦንገን፡ ጋባረረ ቦንችምሳን ሳራትቸን ተይካንታ ሶልምድባብ ሙሴታ ህግን ኤስዘድባብከዘንካ ካርሰምከቲ፡

39 ከታ አይሁድንከሰታ ምክሰ ኤሄናር ቦንችምሳን ጎንገንም፡ እቸርድን ካርዘነረ ቦንቸምሳን ካርም ዝግደኬ።

40 ኤድ ይምሰዳ ጋይሶ ክት ይድን ቃልማ ምክሰንካ ገሰረኮ ከታ ክእስንከሰ ደእሰባብ ማንንከሰታ ኤሄን ከታ ሪካይሳ ማዘደከ፡ ኮካንታ ከታዘን ሰግዳን ፍርዳ የልተሬ” ኩን ጋይሴ።

ኤተን ቡድንንታ እመና

(ሉቃ. 21:1-4)

41 የሱሰ እመን እመርድንደትካ ደቅሶ ክት ደቅድንካ ዋርሰና ኦይተርድንደታር ከት ብረን ኦይድንካ ሰድ ዐቁ፡ በድ ቆልመንክንባብከሰ በድ ብራ ኦይድ ዐቀኬ፡

42 ዋልቃ ኤተን ቡድና ርካየንዳ ዐድሶ ዋልቃ ሳንትም ማድን ቃሰተን ባከና ኮታር ኦይቼ።

43 የሱሰረ ይነታ ካርንካ ጎርሰምድባብከሰም ኤልሶ፡ “ዶፊን የም ጋይድቴ፡ ብረን ሳንሰርድንደታር ኦይቼባብ ኤድ ሙደንከሳርንካ ሰክሰሶ ኦይቻንዳ ናኮና ርካየንዳ ቡድነኔ።

44 ኢብንከሰ ሙዳ ከት እምሳንዳ ከታ ደቅድን ቆልመናርንካ ሰጫንደትሜ፡ ናማቼ ሪካየንዳ ማትሶ ደቅድኖ ዐረጎረ ነክሳክደቆ ይነታ ደቅድንደትም ሙዳ እምሴ” ኩን ከትም ጋይሴ።

13

በእነታ ስለነታ ቃወተንከሰ

(ማቶ. 24:1-2፤ ሉቃ. 21:5-6)

1 የሱሰ ሳብታ ጭል ኤሄናርንካ ወድንካ ከታ ካርንካ ጎርሰምድባብከሳርንካ ዋልቀና፡ “ኤሰሰንባቦ! ከትከነም ሰይንንከሰምከ ሰይን ኤሄንከሰም ሰድካ፡ በርእሰዘድባብከሰኬ!” ጋይሰኬ።

2 የሱሰረ ማሰሶ “ከነም እንድር ሰይን ኤሄንከሰም የና ሰዳዶቅዳ? ኬና ሰይንንከሰ ሙዳ ወልእምደኬ፡ ሰይን ሰይንዘን ከልምሶ ነገዳክዬ” ጋይሶ ከትካነታ ማሰሴ።

3 የሱሰ ሳብታ ጭል ኤሄነታ የረየር ደብረዘይት ገቼንዘን ደቅሶ ከት ደቅድንካ ጴጥሮሰ፡ ያይቆብ፡ የሀንሰከ እንድራሰካ ከታ ይነት የሱሰደር ዐድሰኮ፡

4 “ኮና ርና ማድንዳ ዐንተረረ? ኮነረ ሙዳ ቦድካነታ የልድንካ ቃወተና ዐራ? ይና ዋም የና ኬዝካ” ጋየረኮ ከትም ኦይሰኬ።

5 የሱሰረ፡ “ዐየነረ የም ኮተርዝዳክንግንዳ ካርሰምከቴ፡

6 በድንከሰ፡ ‘እታ ክርሰቶሰቴ!’ ጋየሮ እሰታ ላምንካ ዐተረኬ፡ በድ ኤድንከሰመረ ኮተርሰተረከ።

7 የነታ ላማር ዳም ዳምድንከ ጎትንከረ ዳምትንደትም ኤሰርደቶ ዐይገቀቴ፡ ኮና ሙዳ ማትካነታ ነጋይንዴ፡ ማታጋካ ዳት በእነተና አክዬ። ኩንጋየሮ ከትካነታ ማሰሴ።

8 ዋርሰና ዋርሰንዘን፡ ባንቸና ባንቸንዘን እምተሬ፡ በድ ካርዘን ፍጨታ ጭጭከ ዳቅከ ማተሬ፡ ኬና ሙዳ እቸር ማጠታ የድንታ ማተሬ”።

9 “የተረ የነታ ማታ ካነታ ካርሰምከቴ፡ ኤድንከሰረ ፍርደን ፋረድባብከሰካነታ ሰክሰት የም እምተረኬ፡ አይሁድንከሰታ

ምክስ ኤሄናር የም ዐርተረከ፤ ማርካ እካንታ የ ማድንግንዳ እካካ ዋርሰን ገጃዝድባብከዝደርከ ባንቸንከሰታ እር ፋረድምካንታ ዋእተረቱ።

10 ኮና ሙዳ ማተርንደታ እሪ ማቼ ክላ ኬዘና ፍጫሙደንዘን ዋርሰንካንታ ሳባክም ዝገዝዴ።

11 ኤድንከስ የድሰኮ ፍርዳካንታ የም የልዝድንካ፤ ‘ዐሮንት ከሰተራ?’ ጋይንትካ እርምሶ ዐይማጠረቱ፤ ኬዝድባብ ኢያንይ ጭልና ዳት የታ ካየቱ። ኮካንታ ኮት ሳዓትንካ የካንታ እምድንደትም ዐክ ኬዝከቱ

12 እሰመና ይንታ እሰመንም፤ ባበና ይንታ ይንቸንም ደእ ካንታ ሰክሰት እምተሬ፤ ይንቸንከሰረ አጥመንባብከዘን እምተረኬ፤ ከትም ደይሰተረኬ።

13 እስታ ላምንካንታ ጋይሶ ኤድ ሙደንደር ቦሰምሰባብ ማተረቱ፤ በእንታ የለልታ ዳንዳእካ ዳቅድባብ ማቼ እቅተሬ”።

ዘርዝድንዳ ማጣ

(ማቶ. 24:15-28፤ ሉቃ. 21:20-24)

14 “ኦጅሰረ ዐፍር ዝገዝዳክን ካርዘን ካይሰዝድን ቱና ር ሰተረቱ፤ ኮመረ ናበብድባብ ክት ገቅራ፤ ኮታይካ ይሁዳ ሞረናር ደቅድባብከስ ገጃንከዝደር ከት ዐዛ።

15 ኤሄንታ የለንዘን ደቅድባብ ዐገንፍርሶ ይንታ ኤሄናርንካ ዋልቃ ሪየረ ተይካንታዐይ ኦርዳ፤

16 ዋን ዐምናርንባበረ ይንታ አፍለን ተይካንታ ቡር ዐይማታ።

17 ኮትዐይካ ማና ሰርመንከስ ካንተከ እምን ገእዝድባብከሰካንታ አንድር ማጣ ማተረ!

18 ኮና ሙዳ በርግካ ማተራክንግንዳ ምክሰከቱ።

19 ኮትኮ አርፈንካ ሳብ ፍጫ ሙደን ፍዛንደትዘንካ የቾሶ ታ የለልታ ይምድንካ ሰድማክንዳ ማጣ ማተረ፤ ኦስ እረረ ኮትም ካምድንዳ ይምድክንዳ ማጣ ኮታይካ ማተረ።

20 ጮይስ ከትከ ሰጪንከሰም ጨቻክናና ዐየነረ አቃይ ደቆ፤ ኬዛር ማቸ እድምሰባብ ኤድንከሰካንታ ጋይድንካ ኬና ሰጪንከሰ ጩደኬ”።

21 ኮታይካ ዐየነረ ማቸ ክርስቶስ ኮንሴ ኖ ካሬ! አነረ ኖ ኦኮታሬ! የም ጋይዴ ዐይ አሜነቱ።

13:9 ማቶ. 10:17-20። 13:13 ማቶ. 10:22። 13:14 ዳን. 9:27፤ 11:31፤ 12:11። 13:15 ሉቃ. 17:31። 13:19 ዳን. 12:1፤ ለም. 7:14።

22 ካርካ ክርስቶስንከሰከ ሳብዘንካ ኤስራክዶቆ ኬዘድባብ ካርከንባብከሰ ዐይኪ፥ ከታ ከትካንታ ማደሰናና እድምሰባብከሰም ዋራ ኮተርሰካንታ አተንምከ በርእሰዝድን ርንከሰም ይደኬ።

23 ኬዛር ማቼ ሙዳ ርን እርምሰቶ የካንታ ከዝትቴ ይና ካርሰምከቲ!

ኤድይንችታ ዐድንታ

(ማቶ. 24:29-31፤ ሉቃ. 21:25-28)

24 “ኮታይካ፥ ኮት ሙዳ ማጠንታ ቡር፥ ዐይና ኡምተሬ፥ አርፈነረ ይንታ ሳክመንም ሳክሰተራክዬ።

25 “ቤዝንከሰረ ጭለዘንካ ዋችተረኬ፥ ጭላር ዶቅድን ዋልቀንከሰረ ጭጭተረኬ።

26 ኮተረ ቡር ኤድ ይንች አንድር ዋልቀከ ቦንቸካ ኡፔካ ክት ዐድንካ ሰተረኬ፥

27 ይንታ ክታይንችንመረ ኦይዴ፥ ከታ ኦይድ ፍነካ አይሰኮ ፍጨታ ካንተዘንካ ጭለታ ካንታ የለልታ ዐፈርድባብ ሳብካ እድምሰባብ ኤድንከሰም ሳንዘደኬ”።

ዐቃ በለሰንታ ካምሰ

(ማቶ. 24:32-35፤ ሉቃ. 21:29-33)

28 “ዐቃ በለሰንታ ካምሰንከሰታ ኤሰሰና የም አርዳ፥ እክመና ኮታ ፋርድንከ ቃምነረ ጮልድንካ ኮታይካ ዐስን የልሳንደትም ኤዘደቲ።

29 ኮግንደረ የታ ኬና ሙዳ ማድንካ ሰደቶ ኤድ ይንች ዐድን ሰጨና ፍልተዘን የልሳንደትም ኤሰከቲ፥

30 ዶፈን የም ጋይድቲ፥ ኮና አጥርና ሰገተርንደታ እር ኮና ሙዳ ቦድምዴ።

31 ጭለኬ ፍጨካ ሰገደኬ፥ እሰታ ቃለና ማቼ ሰጋዬ” ጋይሴ።

የሱሰ ዐድን ሰጨን ዐየነረ ኤሳዬ

(ማቶ. 24:36-44)

32 “ኬዛር ማቼ ኮትኮ ሰጨንተኬ ኮትኮ ሳዓትንታ ሳብ ባቤንዘንካ አብ ዐሀየነረ ኤዘድባብ ካዬ፥ አብ ነግሶ ጭላር ክታይንችነረ ማታ፥ ይንችነረ ኤሳዬ።

13:23 እ.ሳ. 13:10፤ ሕዝ. 32:7፤ እ.ዩ. 2:10፥31፤ 3:15፤ ለም. 6:12።

13:25 እ.ሳ. 34:4፤ እ.ዩ. 2:10፤ ለም. 6:13። 13:26 ዳን. 7:13፤ ለም.

1:7። 13:32 ማቶ. 24:36።

³³ ሰጩና ዐንታ ማዳናከረ የታ ኤሳይን ካንታ ካርሰምክቴ፥ ዳእከቴ።

³⁴ ኮነረ፥ ይንታ ኤሄንም ዛቅሶ ጎት ፍጫር አይሰባብ ኤችንም ካምዴ፥ ኖየረ ዋልቃ ዋልቃ ፍክሰንባብከሰም ዐክ ዐክ ፍክሰንዘን የችሴ፥ ካርሰንባበረ ዳቅሶ ክት ካርዘድንግንዳ ክትም ክትሴ።

³⁵ “ኮካንታ ኤሄንባብ ክት ዐድንደት ሰጩን የ ኤዘዳክንካንታ ካርሰምክቴ፥ ዐረንግርከረ ሶይት፥ እነረ ገልትገር፥ እነረ ባቻ ቅቅድንካ፥ እነረ ዛማ ገልትናር ዐዳ ደቅተሬ፥

³⁶ ኤችና ፋትን ጋይሶ ክት ዐድንካ የ ራትሶ ደቅድንካ ዐብዳክንግንዳ ዛብከቴ።

³⁷ የካንታ እ ኬዛንደትግንዳ አብንከሰካንተረ ሙዳ ኬዘድቴ፥ ዛብከቴ! ጋይድቴ” ጋይሴ።

14

የሱሰዘን ይይምሳንዳ ዙዘም

(ማቶ. 26:1-5፤ ሉቃ. 22:1-2፤ ዮሀ. 11:45-53)

¹ ፋሰገኬ ባይሰ ባአልን ቦንችካንታ ቃሰተን ሰጫ ነገድንካ ቄሰንከሰታ ገችንባብከሰኬ ሙሴታ ህግንም ኤሰዘድባብከሰ የሱሰም ጨበካ ይ የድንደትምከ ይ ደይዘድንደትም ጎግ ዝግድ ዐቀኬ።

² ኬዛር ማቼ ዋርሰና ዋጭማ አምሳይንግንዳ “ባአል ሰጩንታር ማት ዝክሳዬ” ጋየር ዐቀኬ።

የሱሰም ዋዘድንደትም ሳይሳን ኤተን

(ማቶ. 26:6-13፤ ዮሀ. 12:1-8)

³ የሱሰ ብታንያ ሞረናር እጳ ሰቅምንክንባብ ሰምኦነታ ኤር ዐቁ። እችምዘን ክት ደቅድንካ፥ ዋልቃ ኤተን አንድር ሰንጋ ማቻንደትከ ጭልሰርሳን ናርዶሰ ጋይምድን ዐቀንዘንካ ፍክሰምሳንዳ ዋዘድንደትም አልባሰጥርሰ ብልቃትንካ የት ዐዴ፥ ብልቃትንም ድክሰሶ ዋዘድንደትም የሱሰታ ማተንዘን ና ወልእሴ።

⁴ ኮታር ዐቅባብከሳርንካ ዋልቃ ዋልቀንከሰ ኮታ ይተንካ ዋጭሰኮ፥ “ኮ ዋዘድንደትም ወችኩን ባችና ዐረተረ?

5 ኮና ዎዝድንደና ማከን ጾታ ጣገራ ብርርዘንካ ሰግ ሰንሞሶ ብረና ሪካየንባብከሰ ካንታ እምሞሳ ናና ኡርማ ዶቆ!” ክክ ጋይሰኬ፥ ኤተንንመረ ሶሰኬ።

6 የሱሰ ማቼ፥ “ኮትሞ ዛእከቴ! ዐረተንት ኮትሞ ዘርዘዳ? ና እካንታ ኡርማ ር ይቴ።

7 ሪካየንባብከሰ ሙዳዐይካ የንካ ክክን ከት ማቻንካንታ የ ዝግዛንዐይካ ኡርመን ከትካንታ ይካንታ ማደቴ፥ እታ ማቼ ሙዳዐይካ የንካ ክክን ዶቃይቴ።

8 ኮና ኤተና ይንደር ማድንደትሞ ና ይቴ፥ እሰታ ዋሄና ዱክምተርንደታ እርምሶ ግክሰካንታ ዎዝድንደትሞ ና ሳይሴ።

9 ዶፈን የም ጋይድቴ፥ ኮ ፍጫሙደንዘን ኮና ክላ ኬዘና ሳባክምድን ዐምንካርዘንረ፥ ኮና ኮት ይሳንደና ገቀርዝድንዳ ማተር ኮትኅካ ኬዘምዴ” ከደር ኩንጋይሴ።

ይሁዳ የሱሰም ሰክሰት እምካንታ ኤእና

(ማቶ. 26:14-16፤ ሉቃ. 22:3-6)

10 ታመኬ ቃስተንናርንካ ዋልቀና እስቆሮንት ፍጩናርንክንባብ ይሁዳ የሱሰም ሰክሰት እምካንታ ቀስንከሰም ገኙዝድባብከዘደር አይሴ።

11 ከተረ ኮም ኤስርሳንደትካ ከትሞ ጉርምሴ፥ ብረረ ክትሞ እምካንታ ኤእሰኬ። ኖየረ የሱሰም ሰክሰት እምካንተረ ኡርድን ሰጨም ካርሰሮ ዐቁ።

ፋሰገንታ ሶይት እችምና

(ማቶ. 26:17-25፤ ሉቃ. 22:7-14፥21-23፤ ዮሀ. 13:21-30)

12 ፋሰገንታ ቆለን ከት ማጅድንዳ ባይሰ ባልንታ እር ሰጨንካ፥ ክታካርንካ ጎርሰምድባብከሰ የሱሰደር ዐድሰኮ፥ “ፋሰገንታ ሶይት እችምን እችካንታ ዐብጠ ሞ ግግዝድንግንደሰ ዝግዳ?” ጋየረኮ ክትሞ ኦይሰኬ።

13 የሱሰረ ይንታ ካርንካ ጎርሰምድባብከሳርንካ ቃስተንን ኩንጋይሶ ከትሞ ኦይቼ፥ “ካተመናር አይከቴ፥ ኮታረረ ዳሀካ ሎቃ ባልሰባብ ኤችም ዐብደቴ፥ ክትሞ ጎርሰምከቴ።

14 ክት አርድን ኤሄናረረ አይሰቶ ኤሄን ባብም፥ “ኤስሰንባብ፥ እሰታ ካርንካ ጎርሰምድባብከሰካ ክክን ፋሰገንታ ሶይት እችምን

እ እጅድንደታ እካንታ ማድንዳ ሶችታ ዐጠሰንታ ኤሄና ዐጠምነረ?፡፡ ጋይዳ ክደር ጋይከቲ።

15 ኖየረ ኤሄታዘን ዋደርሳን ኤሀ ደቅድንደትም ግክሰርሳንደትኬ ታከረርሳንደትም ሳክማ ኤሀ የም ሰችተረ፡፡ ዋር ዋካንታ ግግሰከቲ” ጋይሴ።

16 ቃስተና ክታ ካርንካ ጎርሰምድባብከሰ ኮታርንካ ዉትሰኮ ካተማናር አይሰኬ፡ ገታ የሱሰ ከትም ጋይሳንግነደረ ዐፍሰኬ፡ ፋሰገንተረ ሶይት እችምን ኮታር ግክሰኬ።

17 ፍጨና ሶይችንካ የሱሰ ታመኬ ቃስተንንከሰካ ክክን ዐጸ።

18 እችምዘን ከትደቅድንካ የሱሰ፡ “ደፈን የም ጋይድቴ፡ የንታ ዋክያርንካ ዋልቀና እም ሰክሰት እምተሬ፡ ኖየረ ታ እንካ ክክን ሶይት እችምንዘን ደቅዳ” ጋይሴ።

19 ከተረ ኮ ኬዘንካ ሞርእሰኮ “እታ ማትትዳቶ?” ጋየረኮ ዋልቃ ዋልቃ ክትም አይሰኬ።

20 የሱሰረ፡ “ኖኮና ኤችና የ ታመከ ቃስተንናርንካ ዋልቀና እንካ የካ እንንም ጋበትናር አይድባቤ።

21 ኤድ ይንች እምሶ ክትጎካ ጸፈርሳንደት ደእና ክታ ነጋዬ፡ ኬዛር ማቼ ኤድ ይንችም ሰክሰት እምድባብ ክትኮ ኤችንካንታ የኤ! ኖኮና ኤችና አጠማከሰ ናና ኡርማ ደቆ!” ኩን ከትም ጋይሴ።

የሱሰታ ደእንም ገቀርዝድን እችም

(ማቶ. 26:26-30፤ ሉቃ. 22:14-20፤ 1 ቆሮ. 11:23-25)

22 ከታ እችምዘን ደቅድንካ ሶለንም እምሰትዮ አንጄ፡ አሰተረ ይንታ ካርንካ ጎርሰምድባብከሰካንታ እምድዮ “ይኤቴ፡ ኮና አሰታ ዋሄኔ” ጋይሶ ከትካንታ እምሴ።

23 ኡፍተንም እምሰሶ ጋለትሶ ከትካንታ እምሴ፡ ሙደነረ ኡፍተናርንካ ዋጨኬ።

24 የሱሰረ፡ “ኮና በድንከሰካንታ ውልምድንዳ እሰታ ጫቃ ማቀሴ፡

25 ደፈን የም ጋይድቴ፡ ሳብ ባንችምናር ክላ ዋይን ዋጭምን እ ዋጭተርን የለልታ ኮ ዋይንታ ዋጭምን ቦድሶ ዋጫይቲ” ኩን ከደር ጋይሴ።

26 ኮታዘንከረ የችንም የችሰኮ ደብረዘይት ገቸንዘን ዉተደኬ።
*

ጴጥሮስ ካተርንደትም የሱስ እርምሶ ኬዘና

(ማቶ. 26:31-35፤ ሉቃ. 22:31-34፤ ዮሀ. 13:36-38)

27 የሱስ ይንታካርንካ ጎርሰምድባብከሰካንታ፡ “
ግሰመንባብም ጉጽድቴ፤ ቆልንከሰረ ይጭምደኬ’ ጋይምሶ
ጸፍምሳንግንዳ የታ ሙደነረ፤ እንካ ኮተርተረቴ፤

28 “ኬዛር ማቼ ደእያርንካ እ አምሳንደታ ቡር የም እርምሶቶ
ገሊላ ካተመናር አይድቴ” ኩን ከደር ጋይሴ።

29 ኮታይካ ጴጥሮስ “አብንከሰ ሙዳ ዋራ የሰካ ከት ኮተርዴ፤
እታ ቦድሶ የሰካ ኮትራይቴ!” ጋይሴ።

30 የሱስረ “ዶፈን የሰም ጋይድቴ፤ ኮ ሶይትናር ባቻ ቃሰተን ዱት
ቅቅተርንደታ እር ማከን ዱት እም ካተራዬ” ከትም
ጋይሴ።

31 ጴጥሮስ ማቼ “ደእ ዋራ ዝክሴ የሰካ ክክን
ደእድት ዳት ቦድሶ የሰም ካዳይቴ!” ጋየር ዳቅሰሶ
ኬዜ። ነገድባብከሰረ የሱስታ ካርንካ ጎርሰምድባብከሰ
ኮትግንዳ ጋይድ ዐቀኬ።

የሱስ ገታ ሰማን ጋየርድን ካርዘን ምክሰና

(ማቶ. 26:36-46፤ ሉቃ. 22:39-46)

32 ኮተረ ቡር ገተሰማን ጋየርድን ካርንዘን አይሰኬ፤ የሱስ
ይንታ ካርንካ ጎርሰምድባብከሰም፤ “እ ኦኮታር ምግዝድንካ
የታ ኮዘን ደእከቴ” ከትም ጋይሴ።

33 ጴጥሮስምከ ያይቆብም ዮሀንስመረ ጎርሰሶ አይሴ፤ ኮታረረ
አንድር ሞርኤር ማጥር የጄ።

34 ኮታዘንከረ “እስታ ሰንጥና ደእ የለልታ አንድር ሞርእሴ፤
ኮዘን ደእከቴ፤ ዳቅሶ ካርሰከቴ” ከትም ጋይሴ።

35 ከታዘንካ መራ ጎተርሶ አይሴ፤ ፍጨዘነረ ይንታ ባለንካ
ጉፕን ጋይሶ የዝደር ማድንዳ ማቼ ናኮና ሳዓትና ክታዘንካ
ሰገድንግንዳ ምክሴ።

36 “እስታ ባበኖ፤ ሙዳ ርና የሰካንታ ማዴ፤ ኮም ማጠንታ
ኡፍተን እዘንካ እምሰካ፤ ኬዛር ማቼ የሰታ ጋይተንግንዳዳት
እስታ ጋይተንግንዳ ዐይማታ” ኩን ጋይሴ።

* 14:26 ደብረዘይት ጋይንት ዛይታ ዐቃ ዋይራ ባቀልድን ገቸንታ ላምዬ።

14:27 ዘካ. 13:7። 14:28 ማቶ. 28:16።

37 ይንታ ካርንካ ጎርሰምድባብ ማከንነከዘደር ማትሶ ክት ዐጻንደትካ፥ ራትሶ ደቅድንካ ክትም ዐፍሴ፥ ኮካንታ ጴጥሮሰም፥ “ሰምኦኖ፥ የና ራታ? ዋልቃ ሳዓት ዋራ ንግሶ ደቅ የሰም ጋምሶ?” ክትም ጋይሴ።

38 ይና የ “ጳጤር ኦርተራክንግንዳ ዳቅሶ ምክሰከቴ፥ እያንና ግግሞቴ፥ † ዋሄና ማቸ ጋፍሳንዴ” ክትም ጋይሴ።

39 ካርንከረ እይሶ እር ይ ምክሳንደትም ካርንካ ምክሴ።

40 ጉጅሰረ ማት ክት ዐፍጉካ፥ አፍና ከታ ግንእካ ደጭንካ ራትሶ ከትደቅድንካ ዐፍሴ፥ ክትካንታ ከታ ይ ማዝድንደትም ኤሳይ ዐቀኬ።

41 ማክምስ ዱት ከደር ዐፍሶ፥ “ታየረ ራትሰንት ደቅዶ? ታየረ ኡክንተረቴ? ይና ማተረ! ሳዓትና የልቴ! ኮሰቸቴ! ኤድ ይንቹ ጎመንባብከሰታ አንያር ሰክሰምት እምምተሬ።

42 ይና እምከቴ! ሙከቴ! ሰክሰትን እም እምድባብ ዐቴ!” ኩን ክትም ጋይሴ።

የሱሰታ የድርና

(ማቶ. 26:47-56፤ ሉቃ. 22:47-53፤ ዮሀ. 18:3-12)

43 እክ የሱሰ ኮም ክት ኬዘዘን ደቅድንካ ታመከ ቃሰተንከሳርንካ ዋልቀና ይሁዳ ዐጴ፥ ክትከረ ክክን ማሰከ ጉፈካ የጅባብ ቢድ ኤድንከሰ ዐቀኬ፥ ከተረ ቀሰንከሰም ገቻዝድባብከሳርንካ፥ ሙሴታ ህግንም ኤሰዝድባከሰከ፥ ቡጫ ጋልተንከዘደርንካ ኦይትምሰባበኬ።

44 ሰክሰት እምድባበረ ይሁዳ፥ “የታ የ የድባብ እታ አቦ ጋይሶቶ እ ሶንቅድባብመ፥ ክትም ካርሰምሶቶ የድሶ እይከቴ”፥ ጋይሶ ቃዉታ ከትካንታ ኖ ኬዘቴ።

45 ይሁዳ ሳነካ ዐፍሶ የሱሰደር ቅንቹሶ፥ “ኤሰሰንባቦ!” ጋይሶ ሶንቅሴ።

46 ኮታ ቡር ኤድንከሰ የሱሰም የጀኬ።

47 ኮታር ዋእሶ ዐቅባብከሳርንካ ዋልቀና ማሰንም ጎቹትዮ ቀሰንከሰም ገቻዝድባብታ ፍክሰንባብታ ቃምንም ተቼ።

48 የሱሰረ፥ “ማሰከ ጉፈከ የድሰቶ የ ዐጻንዳ እም ፋንገንከሰግንዳ የድካንቶ?

† 14:38 ኮዘን እይን ጋይምሳንዳ ኤታ ዋር ደቅድን እያን ዳት ጭል እያንይ ካዬ።

49 ሰጭንካ ሰጭንካ ሳብታ ጭል ኤሄናር እ ኤስሰርቶ የንካ ክክን እ ዶቅድንካ እም የዳከቱ፥ ኬዛር ማቼ ኮና ማቻንዳ ጭል ማጸፍንከሰታ ቃለና ቦድምድንግንዴ” ኩን ጋይሴ።

50 ኮታዘንከረ ክታካርንካ ጎርሰምድባብከሰረ ሙደና ክትም ዛቅሰኮ አጥምሰኬ።

51 እፍላ ላጠና ዐክ ቆበርሰባብ ዋልቃ ማርንድ የሱሰም ጎርሰመሮ ዐቁ፥ ኤድንከሰረ ክትም የጃንደትካ

52 እፍላን ላጠነን ዛቅሶ ዘና ጫለንካ ዐክሎ አጥምሴ።

የሱሰ ቡጫጋልተንከሰታ እር ተይ አይምና

(ማቶ. 26:57-68፤ ሉቃ. 22:54-55፥63-71፤ ዮሀ. 18:13-14፥19-24)

53 የሱሰም ማቼ ቀሰንከሰም ገችዝድባብደር ተይ አይሰኬ፥ ኮታረረ ቀሰንከሰም ገችዝድባብከሰ፥ ጋልተንከሰከ ሙሴታ ህግንም ኤስዝድባብ ከሰ ሙደና ሳንምሰኬ።

54 ጴጥሮሰረ ቀሰንከሰም ገችዝድባብታ ጋሰናር የለልታ የሱሰም ጎትካ ጎርሰምድ ዐቁ። ኮታረረ አብንከሰካ ክክን ዶቅሶ ሮህ ኦይጠርድ ዐቁ።

55 ቀሰንከሰም ገችዝድባብከሰኬ ቡጫ ጋልተንከሰ ሙደና የሱሰም ደይሰሰካንታ ማርካ ዝግድ ዐቁኬ፥ ማችንከረ ዐፋከኬ።

56 በድንከሰረ ካርከካ ክታዘን ማርከርሰኬ፥ ማችንከረ ከታ ማርከርና ዋልቃ ማታክዬ።

57 ዋልቃ ዋልቀንከሰረ አምሰኮ ኩን ጋየረኮ ካርከካ ክታዘን ማርከርሰኬ።

58 “እታ ኮም ኤታ አንካ ዋድምሳንደትም ሳብታ ጭል ኤሄንም ዉልእሰቶ ማከን ሰጫር አብ ኤታ አንካ ዋድማክንደትም ዋድቱ ጋይሶ ክት ኬዝድንካ ዋታ ኤስርቶቱ።”

59 ኩን ከት ጋይሰንከረ ከታ ማርከርና ዋልቃ ማታክዬ።

60 ቀሰንከሰታ ገችንባበረ ከታ ዋክያር ዋእሶ፥ “ዋልቃ ሪየረ ማሳያ? ከናኤድንከሰ የሰታዘን ከት ማርከርድንዳ ዐፋ?” ጋየሮ የሱሰም ኦይሴ።

61 የሱሰ ማቼ ጫምን ጋይሳ ዳት ዐረነረ ከደር ማሳክዬ። ቀሰንከሰም ገችዝድባበረ “እንጅምሰባብ ሳብታ ይንች ሳይምሰባብና የኖ?” ጋየሮ እናካርንካ ኦይሴ።

62 የሱሰረ “ይዬ፥ እትቴ፥ ኤድ ይንኙ ሳብታ ምዝዘን ደቅሰንካ ሰተረቴ! ኮትኮግንደረ ጭለዘን ኤፔካ ማት ዐድገካ የታ ሰተረቴ” ጋይሴ።

63 ቀስንከሰታ ገኙንባበረ ዋጭካ ይንታ አፍለን ዐእስሶ “አብ ማርካ ዐራ ዝግዝዳ?

64 ኮሰቸቴ! ኮም ሳብዘን ዋራ ክት የግድንካ ኤሰርተቴ፥ ይና የም ዐሮክ ካሜ?” ጋይሴ። ሙደነረ ዋልቃ ኡፍሰካ፥ “ደእ ክትም ዝግዝዳ!” ጋይሴኮ ክታዘን ፋረጀኬ።

65 ዋልቃ ዋልቀንከሰረ ከታ ይንታ ፈጭምን ክታዘን ፈጭምተሮቴ ጋይ የጀኬ፥ ክታ አፍንመረ አፍለካ ዞክሰኮ “የና ሳብዘንካ ኤሰርሶ ኬዘድባብ የሰ ማቼ ይና የሰም ዐይ ጉጵሳናንከረ ኤሰካ!” ጋየረኮ ክትም ቱንከሮ ዐቀኬ። አብንከሰረ ክትም ጫቀረኮ ተይ አይሰኬ።

ጴጥሮስ የሱሰም ካድና

(ማቶ. 26:69-75፤ ሉቃ. 22:56-62፤ ዮሀ. 18:15—18:25-27)

66 ጴጥሮስ ቀስንከሰታ ገኙንባብታ ኤሄንታ ታመርካካ ጋሰንታ ዋር ክት ደቅድንካ ቀስንከሰታ ገኙንባብታ ፍክሰንባብከሳርንካ ዋልቀንዳ ዐይዬ፥

67 ናየረ ጴጥሮስ ኖህ ኦይጠርድንካ ፍሰሳ ክትም ሰድሰንደትከ “ናየረ ናዝረታርንባብ የሱሰካ ክክን ዐቀዬ”፥ ና ጋይሴ።

68 ጴጥሮስ ማቼ “እታ ኤሳይቴ፥ የሰ ጋይድንዳ እም አርዳዬ”፥ ጋየሮ ካጄ። ኮመረ ጋይሶ ማል ክት ዉተዳንግንዳ ባቻ ቅቅሴ።

69 ና ፍክሰንንደረ ጴጥሮስም ሰድሶ፥ ዋር ዋእሰባብከሰካንታ “ኖ ኮነረ ከታ ኮችናርንከ!” ጋየሮ እነታ ና ኬዛ የጄ፥

70 ኖ ማቼ እናካርንካ ካጄ። ዐጢእካ ክት ደቅሳንደታ ቡር ኮታር ዋእሰባብ ኤድንከሰ ጴጥሮስም፥ “ገሊላ ኤድ የሰታ ማትንተና ገታ የሰታ ኬዘንካ ኤሰምደዬ፥ ኮካንታ ዶፊን የነረ ከታ ኮችናርንከዬ” ጋይሰኬ።

71 ኖ ማቼ “ኮም የ ጋይድባብ ኤችንም ኤሳይቴ!” ጋየሮ ይንታ ማተን ባደሮ ጫቃ የጄ።

72 ሳነካ ባቸና ቃስትምሰ ዱት ቅቅሴ፥ ጴጥሮስረ “ባቻ ቃስተን ዱት ቅቃክናና ማከን ዱት እም ካተራዬ” ጋይሳንዳ

የሱስታ ቃለና ክትም ከልቅን ጋይሴ፥ ኮታዘንከሬ ቡዳርንካ ኤፍሴ።

15

የሱስ ጽላጦስታ እሪ

(ማቶ. 27:1-2፥11-14፤ ሉቃ. 23:1-5፤ ዮሀ. 18:28-38)

¹ ዛማ ሰጭማ ቀሰንከሰታ ገችንባብከሰ ጋልተንከሳርንካ፥ ሙሴታ ህግንም ኤስዘድባብከሳርንካ፥ ቡጫ ጋልተንከሰካ ሙዳ ክክን ዙዝምሰኬ፥ ኮተረ ቡር የሱስም የችሰት ጽላጦስካንታ ሰክሰት እምሰኬ።

² ጽላጦስረ “እይሁድንታ ባንችና የኖ?” ጋይሶ ኦይሴ።

የሱስረ “የሰ ጋይሳንግንዴ”፥ ጋይሴ።

³ ቀሰንከሰታ ገችንባብከሰ ማቼ የሱስም በድካ ማእዘድ ዐቀኬ።

⁴ ኮካንታ ጽላጦስረ “መም ሪካ የሰም ካሰዘዳናንከረ ሰድካ! ቦድሶ ዋልቃ ሪየረ ማሳያ?” ጋየሮ እናካርንካ ክትም ኦይሴ።

⁵ ጽላጦስ በርእተርን የለልታ ታየረ የሱስ ዐረሰረ ማሳክዬ።

የሱስዘን ደእታ ፍርደና

(ማቶ. 27:15-26፤ ሉቃ. 23:13-25፤ ዮሀ. 18:39-40፤ 19:1-16)

⁶ ጽላጦስ ሰለዘን ሰለዘን እይሁድንከሰታ ፋሰጋ ባእልንዐይካ ቡልምድንግንዳ ኤድንከሰ ኦይሰባብም ዋልቃ ዘከርሰባብም ብልድንደታ ዋጋ ዐቁ።

⁷ ኮታይካ ዳቀልሰም እምሰሰሶ ሰንፓ ደይሰሶ ዘከርሰባብከሳርንካ ዋልቀና ባርባን ጋይምድባብ ኤች ዐቁ።

⁸ ዋርሰነረ ጽላጦስደር ዐድሰኮ ከታ መጠንግንዳ ከትካንታ ይድንግንዳ ኦይሰኬ።

⁹ ጽላጦስረ “እይሁድንታ ባንችንም ቡልት እ ኦይድንግንዳ ዝግደቴ?” ጋይሶ ከትም ኦይሴ።

¹⁰ ኮመረ ክት ጋይሳንዳ ቀሰንከሰም ገችዝድባብከሰ የሱስም ሰክሰት ከት እምሳንዳ ቀምሰካ እምሶ ማትንተን ይ ኤዝድንካንቴ።

¹¹ ቀሰንከሰም ገችዝድባብከሰ ማቼ፥ “የሱስ ቡልምድንዘንካ ባርባን ዋካንታ ብልምድንግንዳ” ጋይሰኮ ጽላጦስም ከት ኦይዝድንግንዳ ዋርሰንም እምሰሰኬ።

12 ጵላጦስረ፡ “ይና፡ ኮም አይሁድነታ ባንቕን የ ጋይድባብም ዐስሰ ይቴ?” ጋይሶ ኤድንከሰም ካርንካ አይሴ።

13 ከተረ “ክትም ሮካ!” ጋየረኮ እነታ ፍፍሰኬ።

14 ጵላጦስረ “ዐረታ? ክት ይሳንዳ ባችና ዐራ?” ከደር ጋይሴ።

ከታ ማቼ “ክትም ሮካ!” ጋይሶኮ እርንደትዘንካ ሰክሰሶ ፍፍሰኬ።

15 ጵላጦስ ዋርሰንም ጉርምሰካነታ ጋይሶ ባርባንም ከትካነታ ቡልሴ፡ የሱሰም ማቼ ዐረቕሶ ሮከርድንግንዳ ሰክሰት እምሴ።

ፖልሰንከሰታ የሱሰዘን ዐላተርና

(ማቶ. 27:27-31፤ ዮሀ. 19:2-3)

16 ፖልሰንከሰ የሱሰም ፍጨን ገቕዝድባብታ ፕራይቶርዮን ጋይምድባብ ባንቕነታ ኤር ጋሰናር ተይ አይሰኬ፡ ነግድባብ ፕሆልሰንከሰመረ ሙዳ ኤልሰኬ፡

17 ዘይም አፍለረ ክትም ቆፍሰኬ፡ ጋልታ ዛዉዳ ላጭሶ ክታ ማተንዘን ጉፍሰኬ።

18 ኮታዘንከረ “አይሁድነታ ባንቕኖ! ዎዜ ካዉታ ማታ!” ጋየረኮ ዐላተርካ ጎይንድ ዐቀኬ።

19 ጉፈካ ክታ ማተንም ጉጵሰኬ፡ ይነታ ፈጭምነረ ክታዘን ፈጭምሰኬ፡ ክታ እረረ ዐላተርካ ጉምፈረረኮ ክትካነታ ጎዘድ ዐቀኬ።

20 ከታ ይ ዐላተርሳንደታ ቡር ዘይም አፍለንም ክታዘንካ ዉቕሰኮ፡ ክታ አፍለንም ቆፍሰኬ፡ ክትም ሮክካነታ ተይ አይሰኬ።

የሱሰታ ሮክርና

(ማቶ. 27:32-44፤ ሉቃ. 23:26-43፤ ዮሀ. 19:17-27)

21 ከት እያደቅድንካ ቀረና ፍጨ ኤቕ ማቕባብ አላክሳንደርተከ ሩፎሰታ ባበና ሰምኦን ካተማ ካየናርንካ ክት ዐድንካ ዐፍሰኬ፡ የሱሰታ ማዝቀልንም ክት ባልድንግንዳ ጋይሰኬ።

22 ኮተረ ቡር የሱሰም ኮታ ቡልና ራሰቅል ጋይምሳን ጎልጎታ ካርያር ተይ አይሰኬ።

23 ኮታረረ ከርበ ጋይምድንደትካ ቡቅምሳንዳ ዎይንነታ ዎጭምንም እምሰኬ፡ የሱሰ ማቼ ዎይት ጋይሴ።

24 ኮተረ ቡር ክትም ርክሰኬ፥ የሱሰታ አፍለንመረ ዐይ ተይተር ናንከረ እጫ ዛቅሰኮ አፍለንም ካሰምሰኬ።

25 የሱሰም ከት ሮግድንካ ሳዓትና ዛማ ማከን ሳዓት ዐቁ።

26 ካሰሰንታ ጸፈርሳንደረ “አይሁድንታ ባንችን” ጋይድንዳ ጸፍምታ ዐቁ።

27 የሱሰካ ክክን ቃሰተን ፋንገንከሰም ተይዐድሰኮ ዋልቀንም ክታ ምዝዘን ዋልቀንመረ ክታ ብተዘን ርክሰኬ።

28 ኮግንደከረ “ባችንባብከሰካ ክክን ፋይድምሴ” ጋይድንዳ ማጸፍናር ጸፍምሳንዳ ቃለና ቦድምሴ።

29 ኮት ጎግንካ ክታ ላመከረ ሰገሮ ዐቃ ኤድንከሰረ ክትም ቶቸካ ክታ ይንታ ቃደንም ረክሰረኮ ኩን ጋየረኮ የግድ ዐቀኬ፥ “ኤቦ፥ የና ሳብታ ጭል ኤሄንም ዉልእሰዮ ማከን ሰጪካ ዋድቲ ጋይድባብና!

30 ይና ታ ማዝቀልንዘንካ ዐንቸርሰዮ የሰታ ማተንም የሰ አቅሰኬ!” ጋይሰኬ።

31 ኮግንደካ ቀሰንከሰም ገችዝድባብከሰኬ ሙሴታ ህግንም ኤሰዝድባብከሰረ ክክ ክክ ኩን ጋየረኮ ክታዘን ዐልተርድ ዐቀኬ፥ “ኡብንከሰም አቅሰቲ፥ ይንታ ማተንም ማቸ አቅሰካንታ ማታዬ!

32 ኖ ክርሰቶስ እሰራኤልንታ ባንችን ይ ማቼ ማዝቀልንዘንካ ክት ዐንቸራ፥ ዋተረ ሰድሰንደትከ ዋ አሜና!” ኮትኮግንደረ ክትካ ክክን ርከርሰባብ ክትም የግድዐቀኬ።

የሱሰታ ደእና

(ማቶ. 27:45-56፤ ሉቃ. 23:44-49፤ ዮሀ. 19:28-30)

33 ሰጪና ላ ሳዓት ማቸንዘንካ የድሶ ሳክላ ሳዓት የለልታ ፍጫሙደንዘን ኡም ማቼ።

34 ሳክላ ሳዓትንዘን የሱሰ “ኤሎሄ! ኤሎሄ! ላማ ሳበቅተን?” ጋይሶ ፍፍሴ። ኮታ ቡልነረ “ጮይሰዮ፥ ጮይሰዮ! ዐረተሰ እም ዛቅሳራ?” ጋይንትዬ።

35 ኮታር ዋእሶ ዐቅባብከሳርንካ ዋልቃ ዋልቀንከሰ ኮም ኤሰርድንካ፤ “ኤላሰም ኤልዳ ማደ” ከታ ጋይሰኬ።

36 ከታርንከረ ዋልቀና ዞድሶ ጫቅምድንደትም ሰፎንግ ጋይድንዳ ዳልች ሎቃ የድንግንዳ የጀንደትም ጉፈታ ታጸካ ክት

ዎጭድንግንዳ የሱስካንታ እምሶ “ይና ገታ ኤላስ ዐድሶ ክትም ዐንጅድንዳ ማቸረ ዎሰዳ!” ጋይሴ።

³⁷ ኮተረ ቡር የሱስ እንድር ኡፍስካ ፍፍሴ፥ ክታ ሰንፔነረ ዉተዴ።

³⁸ ሳብታ ጭል ኤሄንታ ሰፍሰንደና ፈይንካ ሶ የለልታ ዐእሶ ቃስቲን ፋሰምሴ።

³⁹ የሱስካ የረየር ዎእሶ ዐቅባብ ፖልሰንከሰታ ገችንባብ ኮግንዳ ፍብድንካ ሰንፔና ክታ ዐስግንዳ ዉተዳናንከረ ይ ሰዳንደትካ፥ “ኮና ኤችና ዶፈን ሳብታ ይንች ዐቁ” ጋይሴ።

⁴⁰ ኮታይካ ሳትካ ማትሰኮ ሰድባብ፥ ዋልቃ ዋልቃ ማንንከሰረ ኮታር ዐቀኬ። ከተረ ዎክያርንካ መግደላ ፍጭንካ ዐዳንዳ ማራማ፥ ካንስ ያይቆበተኬ ዮስታ እንደን ማራማ፥ ኮትግንደረ ኤተን ሰሎም ጋይድንዳ ዐቁ።

⁴¹ ኬታ የሱስ ገለላር ክት ዐቃንደትካ ጎርሰመረኮ ክትካንታ ፍክሰረኮ ዐቀኬ። ኮትኮግንደረ የሱስካ ክክን የሩሳሌማር ዐድባብ በድ አብ ማንንከሰ ዐቀኬ።

የሱስታ ዲክር

(ማቶ. 27:57-61፤ ሉቃ. 23:50-56፤ ዮሀ. 19:38-42)

⁴² ፍጨና ሶይቻንካንታ አይሁድንከሰታ ዐዉስ ሰጨና ዐድሶ የልድንካ ግግምተረ ሰጫ ማቼ፥

⁴³ ኮታይካ አይሁድንከሰታ ቡጫ ጋልተንከሰታርንካ ዋልቀና ዮሴፍ ጋይምድባብና ቦንችምሰባብ እርማትያስ ፍጨናርንክንባብ ኤች ዐዴ። ፍየረ ሳብታ ባንችምን ጉርምካ ካርዝድባብ ዐቁ። ሙቅምካ ጽላጦስታ እር ዐድሶ የሱስታ ለይሰን እምድንግንዳ ምክሴ።

⁴⁴ ጽላጦስረ “ዐስግንድክ ኮግንዳ ሳነካ ደእሳሬ?” ጋይሶ በርእሴ። ፖልሰንከሰም ክድባብም ኤልሰሶ “ገታ ደእሰንካ ደቅቶ?” ጋይሶ አይሴ።

⁴⁵ የሱስታ ደእንም ፖልሰንከሰም ክድባብዘንካ ይ ኤስርሳንደታ ቡር የሱስታ ለይሰንም ዮሰፍካንታ እምሴ።

⁴⁶ ዮሰፈረ ዲክታ አፍላ ሰንሴ ለይሰንም ዐንቸሶ አፍለንካ አክሳንደታ ቡር ላዘይ ሰይን ቆቀርሳንደታር ዲክሴ። እንድር ሰይንመረ ቡከልስት ዲክንታ ፍልተን ዝጮ።

⁴⁷ መግደላ ፍጨናርንዳ ማራመትኬ ዮስታ እንደን ማራመካ የሱስም ዐብር ከት ዲክሳናንከረ ከታ ሰድዮ ዐቀኬ።

16

የሱስታ ዲክናርንካ እምነተና

(ማቶ. 28:1-8፤ ሉቃ. 24:1-12፤ ዮሀ. 20:1-10)

¹ እይሁድነታ ዐጪስ ሰጪና ሰግዳን ቡር ማግደላ ፍጩናርንካ ዐጸንጻ ማራማ፡ ያይቆበታ እንደን ማራመትኬ ሳሎመከረ ክክን ዐድሰኮ የሱስታ ለይሰንም ሳይካነታ ዋዝድንደትም ሰንሰኬ።

² ሳምንትነታ እር ሰጪነታ ዛማ ሰጭመናር፤ እክ ዐይ ወተዳንግንዳ ዲክናር እይሰኬ።

³ ከተረ “ሰይንንም ዲክነታ ፋልተንዘንካ ዐይ ዋካነታ ቡከልሰተራ?” ጋይንተካ ክክ ከዝምድ ዐቀኬ።

⁴ ኮመረ ከት ጋይሳንዳ ዲክና ዝጭምሳን ሰይንና አንድር ባካ ማቻንካነቱ፤ ጨክን ጋይሶ ከት ሰድንካ ሰይንና ቡከልሰንካ ሰደኬ።

⁵ ዲክናረረ ከት እርድንካ ሮጵድን እፍላ ቆበርሰባብ ሰከን ምዝዘንካ ዶቅሶ ክት ዶቅድንካ ሰድሰኮ አንድር ጳሰኬ።

⁶ ኖ ማቼ፡ “ዛብከቱ፤ ዐይ ጳሰቱ፤ የ ዝግድባብ ሮከርሰባብ ናዝረት የሱሰም ማቻንደትም ኤዝድቱ፤ ኖ አምቱ፤ ካሪ ካዬ፤ ኮሰቸቱ ክት ዲከርሳን ካርነረ ኮንሴ።

⁷ ኬዛር ማቼ እይሰቶ ክታ ካርንካ ኅርሰምድባብ ጴጥርሰካነታ ግሊሊር ኖ እርምሶ እይዳ፤ ኮታረረ ክትም ሰተረቱ፤ ጋይሰቶ ከትካነታ ኬዝከቱ” ኩን ከትም ጋይሴ።

⁸ ማንከሰረ ጳሰካ ጭጨረኮ ዲክናርንካ ወትሰኮ ዐዘኬ፤ አንድር ከታ ይ ጳሳንካነታ ዐረሰነረ ር ዐየሰንካንታ ከዛከኬ።

የሱስ ማግደላ ፍጩናርንደት ማራማ ካነታ ዐፍርና

(ማቶ. 28:9-10፤ ዮሀ. 20:11-18)*

⁹ የሱስ ሳምንትነታ እሪ ሰጪናይካ ሰጭማ ዲክናርንካ ይ እምሳን ቡር፤ እርምሶ ታብዛ ግምዘንም ይ ወቕሳን ኤተን ማግደላ ፍጩናርንደት ማራማ ካነታ ዐፈርሴ።

¹⁰ ናየረ እይሶ፤ የሱስካ ክክን ዐቅባብ ሞርእዘንኬ ኤፍዘን ዶቅድባብከሰካነታ ና ኬዜ።

¹¹ ከተረ ሰንፔካ ክት ማቻንደትምኬ ኮትካነተረ ክት ዐፈርሳንደትም ኮት ኬዝከከረ ኤሰርሰኮ እሜናከኬ።

16:7 ማቶ. 26:32፤ ማር. 14:28።

* 16:8 እብንዝንካ ተይምሶ ጻፍምሳን እከሰከ ኤና እር ቡልንከሰ ፋይ. 9-20 ዶቅድን ካርንም ጉጃዬ።

የሱስ ቃላትን ክታ ካርንካ ጎርሰምድባብከሰካንታ ዐፍናና
(ሉቃ. 24:13-35)

¹² ኮተረ ቡር ካተማ ካየንደታር እያደቅድባብ ቃላትን ክታካርንካ ጎርሰምድባብከሰካንታ የሱስ እብ ኤድም ካምሶ ዐፈርሴ።

¹³ ኮተረ ማትሰኮ ነግድባብ ክታ ካርንካ ጎርሰምድባብከሰካንታ ኬዘኬ፥ ክታ ካርንካ ጎርሰምድባብከሰ ከትመረ እመናከኬ።

የሱስ ታመከ ዋልቃ ኦይትምሰባብከሰካንታ ዐፍናና

(ማፍ. 28:16-20፤ ሉቃ. 24:36-49፤ ዮሀ. 20:19-23፤ ኦይት. ፍ. 1:6-8)

¹⁴ ኮተረ ቡር ታመከ ዋልቀንከሰና እጅምዘን ከትደቅድንካ የሱስ ከትካንታ መያ ማቼ፥ ኬዛርካ ማቼ “የሱስ ደእናርንካ እምሶ ሰንፔካ ደቅዳ ጋይሴ፥ ዋታ ዋንታ አፍከረ ክትም ሰቶቱ” ጋይሰኮ ከትካንታ ከዘባብከሰም እመናክንካንተኬ ከታ ጫልንጎካ ዐግዜ።

¹⁵ ኮታዘንከረ፥ “ፍጫ ሙደናር አይከቱ፥ ፍዝር ሙደንካንታ ክላ ኬዘንም ሳባከቱ።

¹⁶ እመንሰባብከኬ ሰኤርሰባብ አቅተሬ፥ እመናክባብ ማቼ ፋረድምተሬ።

¹⁷ እንካ እመንድባብከሰ ሙደና ኬና ቃዉተን ይተረኬ፥ እሰታ ላምንካ ግምዘንከሰም ዉቕተረኬ፥ ክላ አፋ ከሰተረኬ፥

¹⁸ ጉንንከሰም ይንታ እንካ የተረኬ፥ እነረ ደይዘድን ር ዋጮረ ከትም ቦድሶ ኡፈልሰተራክዬ፥ ከታ ይንታ እንንመረ ዐዘርሰባብታዘን ዋተረኬ ከተረ ፋጭተረኬ” ኩን ከትም ጋይሴ።

የሱስታ ጭላር እይንተና

(ሉቃ. 24:50-53፤ ኦይት. ፍ. 1:9-11)

¹⁹ ጮይሰ የሱስ ኮም ሙዳ ከትም ይ ኬዘንደታ ቡር ፈሰ ጭላር አይሴ። ሳብተረ ምዝንዘን ደቅሴ።

²⁰ ኮታዘንከረ የሱስታ ካርንካ ጎርሰምድባብከሰ ዉትሰኮ ካሪ ሙደናር ሳባክሰኬ፥ ጮይሰረ ከትካ ክክን ፍግዝድ ዐቁ። ከት ኤሰዝድንግንደረ ቦድምድን ቃዉተን ይንታ ቃለንካ ዳቅዝድ ዐቁ።

ክል ጫቃ

Gayil: ክል ጫቃ (New Testament) of Ethiopia

copyright © 2025 The Word for the World International

Language: (Gayil)

Contributor: The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

- You include the above copyright and source information.

- If you make any changes to the text, you must indicate that you did so in a way that makes it clear that the original licensor is not necessarily endorsing your changes.

- If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-03

PDF generated using Haiola and XeLaTeX on 2 May 2025 from source files dated 3 May 2025

52399b1c-c3b9-53d2-bee1-22d94d5aa3ab